



MAJALAH KORPORAT PERBADANAN MENTERI BESAR KELANTAN

# QIADAH

## FOKUS

KENANGAN ALAM PENDIDIKAN  
ERA 60-AN DAN 70-AN

## DESTINASI

CHINTA WANGSA

## TOKOH

NAKULA

## PERKEMBANGAN PENDIDIKAN *di Kelantan*

ISSN 2289-5418



9 772289 541000

MERAKYAT MEMBANGUN BERSAMA ISLAM | KELANTAN MENERAJUI PERUBAHAN



# بازار توكُّورو

BAZAR TOK GURU

LOT KEDAI UNTUK DIJUAL



BERMULA  
RM 30,000

# **KEMPEN U\$AHAWAN KELANTAN JUTAWAN**



**HUBUNGI**

**019-932 2295 / 011-2546 9440**



**Bazar Tok Guru**



**bazarviralkelate**



**[www.pmbk.gov.my](http://www.pmbk.gov.my)**



# AHLI JAWATANKUASA EDITORIAL QIADAH EDISI KE-20

## Ketua Editor

**Hj. Abdul Rashid Mohd Yusoff**  
Ketua Pegawai Eksekutif Kumpulan  
Perbadanan Menteri Besar Kelantan

## Setiausaha Jawatankuasa Editorial Zamakhshari Muhamad

Pengurus Kanan Pemasaran & Komunikasi Korporat Kumpulan  
Perbadanan Menteri Besar Kelantan

## Jawatankuasa Editorial Mohd Asri Mat Daud

Setiausaha Politik Menteri Besar Kelantan

## Hjh. Nik Aida Nik Ahmad

Pengurus Kanan Audit Dalam Kumpulan  
Perbadanan Menteri Besar Kelantan

## Zuraidah Husin

Pengurus Kanan  
Perbadanan Menteri Besar Kelantan

## Hj. Mahadi Mokhtar

Pengurus Kanan Pembangunan Korporat  
Kelantan Utilities Mubaarakan Holdings Sdn. Bhd.

## Wan Subki Wan Omar

Ahli Jawatankuasa Editorial

## Mohd Haikal Rozaini

Eksekutif Komunikasi Korporat  
Perbadanan Menteri Besar Kelantan

## Muhammad Najid Abdullah

Eksekutif Latihan Modal Insan  
Perbadanan Menteri Besar Kelantan

## Penyelaras Editorial Shariah Derahan

Pegawai Komunikasi Korporat  
Perbadanan Menteri Besar Kelantan

## Pembantu Penyelaras Editorial Siti Norazami Mohamed Anuar

Pegawai Komunikasi Korporat  
Perbadanan Menteri Besar Kelantan

## Pengarang Norzana Razaly (Zanazanzaly)

## Sidang Penulis

Dato' Kepten Prof. Emer. Dr. Hashim Yaacob • Dato' A. Aziz Deraman  
Mustaqim Amir Azuari Mohamed • Dr. Wan Nik Wan Yussof  
Mohd Fadhl Ghani • Mohd Dahri Zakaria • Aslani Mulhiq  
Rezan Zamre • M Faqih • Tuan Nurizan Raja Yunus  
Nor Zainah Nordin • Ubaidillah Alias • Mahadi Mokhtar  
Shariah Derahan • Siti Norazami Mohamed Anuar  
Muhammad Najid Abdullah • Noorleyne Hamzah

## Pereka Grafik & Reka Petak

### Mohd Haikal Rozaini

Eksekutif Komunikasi Korporat  
Perbadanan Menteri Besar Kelantan

## Mustaqim Isa

Pembantu Tadbir Komunikasi Korporat  
Perbadanan Menteri Besar Kelantan

## Jurugambar

### Ahmad Na'im Muhammad

Pegawai Komunikasi Korporat  
Perbadanan Menteri Besar Kelantan

## Jurugambar Bersama

Mustaqim Isa • Muhd Asyraf Mad Razali  
Unit Komunikasi Menteri Besar  
Urus Setia Belia dan Sukan Negeri Kelantan  
Majlis Agama Islam Kelantan  
Urus Setia Penerangan Kerajaan Negeri Kelantan  
Perbadanan Muzium Negeri Kelantan  
Majlis Agama Islam Kelantan (MAIK)

## Pengiklanan, Pemasaran & Promosi

### Jabatan Komunikasi Korporat

Perbadanan Menteri Besar Kelantan

## Diterbitkan oleh

### Perbadanan Menteri Besar Kelantan

Tingkat 6, Bangunan PMBK  
Jalan Kuala Krai, 15050  
Kota Bharu, Kelantan  
Malaysia  
Tel: 09-747 4082  
Faks: 09-747 7815  
Portal: [www.pmbk.gov.my](http://www.pmbk.gov.my)

## Dicetak oleh

### Dinamik Restu Solutions Sdn. Bhd.

PT361, Tingkat Bawah, Belakang Tesco Kota Bharu  
15050 Kota Bharu  
Kelantan.

Jutaan terima kasih diucapkan kepada semua yang terlibat sama ada secara langsung ataupun tidak langsung dalam penerbitan dan pengedaran majalah ini.

Hak cipta majalah korporat PMBK (Qiadah) dan kandungannya yang termasuk maklumat, teks, imej, grafik, logo, dan susunannya serta bahan-bahannya adalah hak milik PMBK. Tiada mana-mana bahagian paparan ini boleh diubah, disalin, diedar, disiarkan, dipamerkan, diterbitkan semula, dilesenkan, dipindah, disimpan, dijual atau mencipta karya terbitan daripada mana-mana maklumat atau bahagian majalah ini, serta diluruskhan bagi tujuan komersial dalam apa bentuk sekalipun tanpa mendapat kebenaran secara bertulis yang jelas terlebih dahulu daripada PMBK.





MAJALAH KORPORAT PMBK  
**QIADAH**

Edaran percuma bagi 10,000 naskah majalah Qiadah merangkumi semua jajahan di negeri Kelantan yang melibatkan agensi kerajaan serta swasta, Institusi Pengajian Tinggi, sekolah, masjid, Perpustakaan Awam, hotel dan juga Persatuan Anak-anak Kelantan di Perantauan (PERAKAN) serta individu yang berminat di luar Kelantan (seluruh Malaysia).

TAWARAN  
**RUANG IKLAN**

**EDISI TUNGGAL**

| BIL | PERKARA                     | SAIZ              | HARGA (RM) |
|-----|-----------------------------|-------------------|------------|
| 1   | KULIT DEPAN - DALAM (m/s 1) | 21.0 cm x 27.5 cm | 6,000.00   |
| 2   | KULIT DEPAN - DALAM (m/s 2) | 21.0 cm x 27.5 cm | 4,000.00   |
| 3   | KULIT BELAKANG - LUAR       | 21.0 cm x 27.5 cm | 6,000.00   |
| 4   | KULIT BELAKANG - DALAM      | 21.0 cm x 27.5 cm | 4,000.00   |
| 5   | HALAMAN PENUH               | 21.0 cm x 27.5 cm | 2,000.00   |
| 6   | HALAMAN SEPARUH             | 21.0 cm x 14.0 cm | 1,200.00   |

**TAWARAN  
DISKAUN  
HARGA  
SEHINGGA  
25%**

**EDISI PAKEJ**

| BIL | PERKARA                     | SAIZ              | SISIPAN | DISKAUN | HARGA (RM) |
|-----|-----------------------------|-------------------|---------|---------|------------|
| 1   | KULIT DEPAN - DALAM (m/s 1) | 21.0 cm x 27.5 cm | 4       | 25%     | 18,000.00  |
| 2   | KULIT DEPAN - DALAM (m/s 2) | 21.0 cm x 27.5 cm | 4       | 25%     | 12,000.00  |
| 3   | KULIT BELAKANG - LUAR       | 21.0 cm x 27.5 cm | 4       | 25%     | 18,000.00  |
| 4   | KULIT BELAKANG - DALAM      | 21.0 cm x 27.5 cm | 4       | 25%     | 12,000.00  |
| 5   | HALAMAN PENUH               | 21.0 cm x 27.5 cm | 4       | 25%     | 6,000.00   |
| 6   | HALAMAN SEPARUH             | 21.0 cm x 14.0 cm | 4       | 25%     | 3,600.00   |



**PERBADANAN MENTERI BESAR KELANTAN**  
Tingkat 6, Bangunan PMBK, Jalan Kuala Krai,  
15050 Kota Bharu, Kelantan  
Tel: 09-747 4082 Faks: 09-747 7815





LAMAN HADAPAN:  
PERKEMBANGAN  
PENDIDIKAN  
DI KELANTAN

# QIADAH

Muka depan memaparkan kitab lama iaitu kitab I'anah al-Thalibin atau judul lengkapnya "Hasyiah I'anah al-Thalibin 'ala Hall Alfazh Fath al-Mu'in" merupakan karya al-'Allamah Abu Bakar Utsman bin Muhammad Syata al-Dimyathi al-Bakri (1226-1310H), seorang guru terkenal di Masjidil Haram Mekah pada zamannya. Kitab I'anah al-Thalibin telah menjadi teks pengajian fikah penting bagi para ulama dan pelajar fikah Syafi'iyyah sejak zaman penyusunannya hingga sekarang. Kitab ini boleh didapati di Masjid Muhammadi, Kota Bharu; memandang masjid ini merupakan pusat penyebaran dan pengajian Islam terawal di Kelantan.

PERISTIWA

**8**HARI  
MURABBI  
UMMAH

FOKUS

**12**KENANGAN  
PENDIDIKAN

FOCUS

**18**MEMORY OF  
STUDENT-  
HOOD

VARIASI

**24**NAIM  
LILBANAT

VARIASI

**28**LEGASI  
KEPIMPINAN  
AYAH DIWARISI ANAK

VARIASI

**31**TARBIAH  
PEMUDA  
KELANTAN

VARIASI

**34**ULAMA  
KELANTAN

VARIASI

**37**KELANG-  
SUNGAN  
UMARA KELANTAN

VARIASI

**40**FENOMENA  
BALIK  
KAMPUNG

VARIASI

**43**INTEGRITI  
TADBIR  
URUS  
NEGERI:*Pencerak  
Legasi  
Teknokrat*

VARIASI

**46**RAMADAN  
PESTA IBADAH

PEMIMPIN


**50**DATO'  
NASSRUDDIN


|                           |           |   |   |
|---------------------------|-----------|---|---|
| <b>HERITAGE</b>           | <b>54</b> | <b>ISLAMIC PERSPECTIVES OF WAYANG KULIT KELANTAN</b>                  | <b>WAYANG KULIT</b>   |
| <b>MAKANAN</b>            | <b>57</b> | <b>SERONDENG MOSAPI MAJLIS BERBINGKAI</b>                             | <b>SERONDENG</b>  |
| <b>DESTINASI</b>          | <b>60</b> | <b>CHINTA WANGSA</b>  | <b>CHINTA WANGSA</b>  |
| <b>TOKOH</b>              | <b>64</b> | <b>ABDULLAH MOHAMED # NAKULA</b><br>BORONG PENGGALU & UDONG REJASANNA | <b>USTAZ ABDULLAH NAKULA</b>  |
| <b>JENAMA KELANTAN</b>    | <b>67</b> | <b>DOCNAN</b>   | <b>DOCNAN INDUSTRIES</b><br>Seluk Belukar DOCNAN Industries                                 |
| <b>KELANTAN SANA SINI</b> | <b>70</b> | <b>BUNDLE</b>   | <b>LEDAKAN SELERA BUNDLE</b><br>TERPAPAI TETAPI RUMAH                                       |
| <b>INSPIRASI KELANTAN</b> | <b>74</b> | <b>DATO' DR. MOHD RADZUAN IBRAHIM</b>                                 | <b>DATO' DR. MOHD RADZUAN IBRAHIM</b><br>Raja di segala maklumat, kompasan hidup dan matang |
| <b>FOKUS PMBK</b>         | <b>78</b> | <b>SEDEKAD SKIM BANTUAN IMAM AL-GHAZALI</b>                           | <b>SEDEKAD SKIM BANTUAN IMAM AL-GHAZALI</b><br>Sambutan Skim Bantuan Imam Al-Ghazali        |
| <b>AKTIVITI PMBK</b>      | <b>80</b> | <b>MAJLIS KHATAM AL-QURAN &amp; SEMAR PERDANA</b>                     | <b>MAJLIS KHATAM AL-QURAN &amp; SEMAR PERDANA</b><br>Seluruh negara                         |
| <b>AKTIVITI PMBK</b>      | <b>82</b> | <b>INOVASI BECA KELANTAN</b>  | <b>INOVASI BECA KELANTAN</b><br>Inovasi sains dan teknologi                                 |
| <b>AKTIVITI PMBK</b>      | <b>84</b> | <b>SEMINAR KELESTARIAN BUDAYA INTEGRITI</b>                           | <b>KELESTARIAN BUDAYA INTEGRITI DALAM REVIRUS</b><br>Kementerian Budaya dan Sukan           |
| <b>AKTIVITI PMBK</b>      | <b>86</b> | <b>CAHAYA KASIH RAMADAN</b>   | <b>CAHAYA &amp; RASIH RAMADAN</b><br>Sambutan Ramadhan                                      |
| <b>AKTIVITI PMBK</b>      | <b>88</b> | <b>SEINDAH SYAWAL</b>   | <b>SEINDAH SYAWAL</b><br>Seluruh negara   |
| <b>TEROWONG MASA</b>      | <b>86</b> | <b>TEROWONG MASA</b>  | <b>TEROWONG MASA</b><br>TREYONNE  |

# HARI MURABBI UMMAH

أَسْتَاذُ دَاتُوَ بِنْ تَارَا كَانَنْ مِنْتَرِي بَسَرْ كَلَنْ مِهْمَيْكَنْ  
أُوچاھَنْ أَلُو-أَلُوانْ سَعْقَنَا فَعْبُوكَانْ مَالَمْ بِيَجَارَا أَكُونْ مَرَبِي  
أَوْمَة. سَلْفَسْ إِيتْ أَچَارَا دَتْرُوسْكَنْ دَغْنَ تَايْغَنْ وَيَدِيو  
مَرَبِي أَوْمَة (الله يَرْحَمْ تَوَانْ كُورُو دَاتُوَ بِنْ تَارَا سَتِيَا حَاجْ  
فَيْءَ عَبْدِ الْعَزِيزِ فَيْءَ مَتْ).

Ustaz Dato' Bentara Kanan Menteri Besar Kelantan menyampaikan ucapan alu-aluan sempena pembukaan malam Bicara Agung Murabbi Ummah. Selepas itu acara diteruskan dengan tayangan video Murabbi Ummah (Allahyarham Tuan Guru Dato' Bentara Setia Hj. Nik Abdul Aziz Nik Mat).





همپیر ۱۰۰ ریبو رعیت کلتن برکومقول قد مالم بیچارا  
أكع مری أومة باکی مندغور چرامه بر تاجوچ "تکفکن  
اسلام تغکو عجواب أومة" يغ دسمقیکن او له استاذ عبد  
الصمد. چرامه يغ داداکن قد ۱۰ جمادی الآخر ۱۴۴۰  
بر سمان ۱۵ فیبرواری ۲۰۱۹ این مروفاکن آچارا کمونچق  
باکی ٿروکرم هاري مری أومة بر تمقت دستادیوم سلطان  
محمد .

Hampir 100 ribu rakyat Kelantan berkumpul pada Malam Bicara Agung Murabbi Ummah bagi mendengar ceramah bertajuk "Tegakkan Islam Tanggungjawab Ummah" yang disampaikan oleh Ustaz Abdul Somad. Ceramah yang diadakan pada 10 Jamadil Akhir 1440 bersamaan 15 Februari 2019 ini merupakan acara kemuncak bagi program Hari Murabbi Ummah bertempat di Stadium Sultan Muhammad IV. ■



**USTAZ DATO' BENTARA KANAN HAJI AHMAD BIN YAKOB**  
S.J.M.K, D.J.M.K, (KELANTAN)  
Menteri Besar Negeri Kelantan

# KELANTAN PUSAT KELAHIRAN ILMUAN ISLAM ZAMAN-BERZAMAN

Bismillahirrahmanirrahim.

Tahmid dan syukur dipanjatkan kehadrat Allah SWT pemilik kerajaan langit dan bumi. Penguasa mutlak segala hal ehwal duniawi dan ukhrawi. Selawat dan salam atas junjungan Baginda Nabi Muhammad SAW, ahli keluarga dan para sahabatnya, serta seluruh penyambung legasi *nubuwwah* sehingga akhir zaman.

Umat Nabi Muhammad SAW tidak pernah sunyi dari pada *mehnah* dan tribulasi, lalu diutuskan para *anbiya* sebagai murabbi untuk membantu manusia mengatasi penghujahan yang menghunjam. Berpaksikan firman Ilahi dan sabda Nabi SAW, barulah manusia mampu mengatasi gugatan dan halangan yang merentang di sepanjang peradaban. Sejarah membuktikan bahawa nabi adalah *muallim* dan murabbi terbaik pada zamannya kerana sokongan wahyu dan mukjizat, sehingga nabi terakhir wafat maka penyambung legasi mereka adalah dalam kalangan alim ulama. Sandaran

utama para alim ulama berpaksikan al-Quran, sunnah, ijmak dan qias.

Oleh itu, institusi yang melahirkan *muallim* dan murabbi ini perlu disuburkan dan dimakmurkan agar proses kelahiran *muallim* konsisten dan mampu mencorak generasi hadapan. Besarnya peranan *muallim* dan murabbi ini digambarkan dalam sabda Rasulullah SAW yang bermaksud: "Sesungguhnya Allah SWT, para malaikat dan semua penduduk di langit dan bumi, sehingga semut dalam sarangnya dan ikan (dalam lautan) pasti berselawat (mendoakan) kebaikan bagi orang yang mengajarkan kebaikan kepada manusia". (Riwayat al-Tirmizi)

Pada mutakhir ini, tanpa *muallim* ini manusia tidak akan selamat. Bahkan kian tercela natijah dahsyatnya fitnah akhir zaman. Justeru Nabi SAW bersabda, yang bermaksud: "Ketahuilah! Sesungguhnya dunia dan segala isinya adalah dilaknat kecuali dengan berzikir kepada Allah SWT dan apa yang terlibat dengannya (zikrullah), serta orang yang alim (tahu) atau orang yang belajar". (Riwayat al-Tirmizi)

Kelantan bergelar Serambi Mekah dan Negeri Tadahan Wahyu bukan dibentuk dalam masa sehari dua. Reputasi ini ditempa dan digarap hampir ratusan tahun. Sebagai contoh, pondok pertama yang dibina di Kelantan ialah Pondok Lubok Tapah pada tahun 1931. Lalu pondok lain tumbuh dan berkembang sehingga kini. Setakat tahun 2019 ini, kita mempunyai 40 buah pondok di seluruh negeri. Kita juga memiliki 92 sekolah agama di bawah kelolaan Yayasan Islam Kelantan termasuk Maahad Tahfiz Sains dan Maahad Tahfiz al-Quran wal-Qiraat. Kelantan juga mempunyai 9 buah Sekolah Rendah Islam Teras Integrasi (SRITI) dan 318 Pusat Asuhan Tunas Islam (PASTI) yang kini mempunyai lebih 15,700 orang pelajar. Ini semua adalah sebahagian institusi yang sempat kita rekodkan, masih ada institusi swasta yang belum dicatatkan.

Tiada yang boleh menafikan kehadiran khalayak dari seluruh negara datang belajar dan menadah ilmu di pondok, maahad dan sekolah-sekolah agama yang ada di Kelantan. Mereka ke sini bukan semata-mata kerana sukatan pengajian, tetapi disebabkan suasana negeri ini yang kondusif serta aman daripada jebakan hedonisme. Maka proses pendidikan Islam boleh berlangsung dengan baik dan lancar.

Marilah kita sama-sama mendoakan agar kerajaan negeri Kelantan terus istiqamah menjaga kemandirian institusi pendidikan Islam demi kelestarian generasi rabbani supaya insan-insan berilmu ini bertebaran ke seluruh negara dan menyampaikan risalah *nubuwwah*. Selagi mana dasar pentadbiran Membangun Bersama Islam dijunjung, kita akan pastikan institusi yang melahirkan para ilmuwan ini dijaga dan dikekalkan. Insya-Allah.

Sekian, terima kasih. □



**HJ. ABDUL RASHID MOHD YUSOFF**  
KETUA PEGAWAI EKSEKUTIF KUMPULAN  
PERBADANAN MENTERI BESAR KELANTAN

# ILMU KUNCI KEHIDUPAN

*Alhamdulillah. Segala pujian hanya layak untuk Allah SWT dan sembah salam buat junjungan besar nabi utusan-Nya, Muhammad SAW, keluarga baginda, para sahabat dan umat Islam keseluruhan. Amma ba'du.*

Firman Allah SWT yang bermaksud: "Adakah sama orang yang berilmu dengan orang yang tidak berilmu? Sesungguhnya orang yang menggunakan akalnya dapat menerima pelajaran." (Az-Zumar: 9)

Allah SWT telah membuat garis pemisah yang jelas, membezakan antara manusia yang berilmu dan sebaliknya. Dalam erti kata yang lain, pemisahan ini bukan bermaksud merendah-rendahkan satu golongan dan menaikkan satu golongan yang lain, tetapi hanya perbezaan dimunculkan sebagai suatu peringatan agar manusia berlumba-lumba mengejar ilmu. Ia dipanggil sebagai ayat galakan agar umat Islam mencintai ilmu pengetahuan.

Hal ini kerana ilmu adalah kunci kepada kehidupan. Dengan ilmu, manusia mampu mengatur kehidupan sehari-hari dengan lebih baik. Untuk membiarkan hidup dalam gelap kejahilan adalah suatu kerugian. Sementalah hidup ini tidak lama dan hanya dengan

ilmu, kejahilan dapat dihilangkan untuk meneruskan kelangsungan hidup memburu syurga di akhirat sana.

Tajuk Qiadah kali ini sejurnya amat dekat dengan saya. Ia membawkit nostalgia zaman awal pendidikan kanak-kanak pada awal tahun 60-an. Yang paling terkesan dalam hidup saya hingga kini ialah pengajaran adab yang banyak ditekankan semasa mengaji al-Quran. Setiap hari sebelum memulakan pengajian, anak-anak pada waktu itu diajar berbakti kepada tuan guru dengan mengangkut air dari perigi menggunakan timba upih ke dalam tempayan air. Asasnya adalah berbakti kepada guru dan meraih keberkatan.

Dalam pengajian al-Quran pula misalnya, kanak-kanak dahulu diajar dengan kaedah mengulang bacaan atau dipanggil "pedeghah". Kaedah ini dilakukan dengan mengulangi bacaan secara menghafal surah-surah sebelumnya, sebelum membaca surah baru dalam juzuk Amma di hadapan guru. Kaedah ini mempunyai serampang dua mata iaitu sekurang-kurangnya akan mempersiapkan kanak-kanak untuk berupaya mendirikan solat dengan himpunan bacaan ayat-ayat suci al-Quran.

Saya juga pastinya berbangga kerana sempat menjamah papan hijau dan kapur warna yang digunakan di sekolah rendah. Papan hijau yang berukuran lebih besar sedikit daripada saiz A4 digunakan untuk menulis menggunakan kapur warna. Setiap hari papan hijau bertali diklik seolah beg sekolah hari ini. Sungguh, Qiadah kali ini membawkitkan kenangan, mengingatkan siapa saya suatu masa dahulu dengan sistem pengajian yang ikonik dan berwarna, membentuk siapa saya hari ini.

PMBK pula pastinya amat berbesar hati untuk mendokumenkan sejarah perkembangan pendidikan di Kelantan ekoran kesan langsungnya telah membina budaya beragama dan membentuk identiti rakyatnya. Pola besar pendidikan di Kelantan dijadikan asas perubahan sosioekonomi setempat dan keistimewaan inilah yang dijadikan sebagai indikator kepada kupasan tajuk Qiadah kali ini. Keunikan dan kelainan yang menjadikan Kelantan berbeza dari segi personaliti penduduknya.

Bagi pihak PMBK, saya merakamkan ucapan terima kasih yang tidak terhingga kepada semua penulis, editor dan mereka yang terlibat secara langsung atau tidak atas jerih upaya yang ditunjukkan dalam penghasilan Qiadah edisi ini. Hanya Allah jua yang layak membalaunya.

Sekian, siru ala barakatillah. Terima kasih. ■

# KENANGAN ALAM PENDIDIKAN ERA **60-AN & 70-AN**

## NOSTALGIA MALAR SEGAR

Oleh: Dr. Wan Nik Wan Yussof

### **SEKOLAH RENDAH**

Bersekolah rendah dalam era ini terpaksa melalui serba kekurangan prasarana pendidikan. Kesemua kelas adalah bercampur pelajar lelaki dan perempuan.

### **SEKOLAH MENENGAH RENDAH**

Pelajar harus mengambil peperiksaan Sijil Rendah Pelajaran (SRP) untuk menyambung pelajaran ke peringkat menengah jika tidak mereka perlu mengulang belajar di tingkatan tiga setahun lagi dan mengulangi peperiksaan SRP.

### **SEKOLAH MENENGAH**

Suasana pembelajaran di sekolah menengah agak mencabar bagi pelajar dari luar bandar. Ini disebabkan kebanyakannya sekolah menengah berada di pekan atau bandar.

Pendidikan merupakan proses asas dan utama dalam pembinaan seseorang individu yang seimbang dan baik serta boleh menjayakan hasrat serta hala tuju negara. Pendidikan dari sudut Falsafah Pendidikan Kebangsaan ialah mengenai nilai dan peranan ilmu dalam membangunkan insan dan masyarakat secara amnya. Nilai ilmu bukan sahaja menerangkan kepada manusia mengenai sesuatu perkara, bahkan hal yang lebih penting adalah bagaimana ilmu tersebut boleh mempengaruhi, mengubah dan membentuk seseorang individu dan masyarakat. Nilai sesuatu ilmu adalah tinggi apabila ia boleh mengubah diri serta masyarakat dan proses ini adalah proses sepanjang hayat. Nilai ilmu inilah yang menjadi ingatan kental dan mantap kepada mana-mana insan yang mengimbau kenangan alam pendidikan yang dilaluinya. Lebih-lebih lagi, apabila kenangan itu merujuk era 60-an dan 70-an.

#### **Sekolah Rendah**


Siapa yang tidak ingat masa-masa bersekolah? Bermain, belajar, tertawa, berkelahi, menelaah dan meraikan kejayaan. Sejenak mengimbanginya, sudah pasti kita akan menunjukkan pelbagai mimik wajah di sebalik kisah-kisah unik dalam rangkuman sejarahnya. Hal ini adalah sesuatu yang tinggi nilainya bagi pengalaman seseorang yang telah melalui alam pendidikan. Lebih-lebih lagi apabila mengimbau kenangan semasa di sekolah rendah yang sekarang ini disebut sekolah kebangsaan.

Bagi generasi "baby boomer" yang lahir dalam era awal 60-an dan bersekolah rendah dalam era itu sudah tentu melalui serba kekurangan prasarana pendidikan jika dibandingkan dengan kondisi dan kondusifnya sekolah rendah sekarang ini. Ketika itu banyak sekolah di luar bandar (sekolah rujukan: Sekolah Kebangsaan Tawang, Bachok) **berlantarkan tanah berdebu dan pelajarnya menggunakan "papan slek" untuk latihan menulis ketika darjah satu dan dua.** Bagaimanapun penggunaan buku tulis tetap dipakai bagi pelajar darjah tiga, empat, lima dan enam. Sementara di dalam kelasnya menggunakan bangku dan gekuda. Ketika memasuki darjah empat, bangunan baru disiapkan, barulah lantainya bersimen dan dilengkapi kerusi serta meja pelajar.



Sumber foto: <https://ngalam.co/2014/02/29/tahun-50-ke-sekolah-hanya-butuhkan-sebak/>

Papan selit yang digunakan oleh murid-murid sekolah untuk menulis.




Papan selit

Satu peranan penting guru di sekolah ialah mendiplinkan anak muridnya. Bagi seseorang yang pernah melakukan kesalahan, tetap segar dalam ingatan mereka tatkala medium hukuman utama ialah rotan. **Tindakan merotan oleh guru atau guru besar pada tapak tangan dikenakan bagi kesalahan kecil dan sebatan pada punggung bagi kesalahan berat.** Perilaku guru yang mencubit cuping telinga atau perut muridnya adalah hal lumrah. Selain itu, bagi pelajar yang tidak menyiapkan kerja rumah, mereka akan didenda secara fizikal, seperti tekan tubi (pumping) dan ketuk ketampi berkali-kali sehingga keletihan. Ada juga guru yang mewajibkan pelajarnya menulis perkataan atau ayat yang sama penuh sepihi helaian buku tulis. Biasanya denda sebegini dikenakan kepada pelajar yang malas atau tulisannya agak comot.

Ketika itu, kebanyakan ibu bapa menerima denda merotan anak-anak mereka tanpa protes. Malahan ada ibu bapa yang berpesan kepada guru besar agar merotan anaknya jika didapati melakukan kesalahan.


Satu pengalaman cukup manis lagi semasa di sekolah rendah ialah semua kelas bercampur pelajar lelaki dan perempuan. **Pakaian seragam sekolah lelaki ialah baju putih berlengan pendek dan berseluar biru gelap. Manakala bagi pelajar perempuan pula baju putih lengan pendek beralaskan blaus biru muda dari bahu ke paras lutut.** Acap kali pelajar perempuan menjadi "mangsa kenakalan" atau usikan pelajar lelaki terutama pada masa senggang atau ketika jadual pertukaran guru atau juga ketika guru lambat masuk. Kebiasaannya semasa darjah lima dan enam, tatkala ada pelajar lelaki yang mencuri-curi melastik betis pelajar perempuan menggunakan getah urat atau sisa kapur tulis.



Sumber foto: <http://www.bentabahan.sj/belasa-budaya/dari-papan-loh-ke-komputer>  
Sumber foto: <http://pokok.org.bnpsgvt.com/2012/07/pemantauan-pembenturan-sekolah-sejarah.html>

Pakaian seragam sekolah murid lelaki dan perempuan.

Seketika berlaku kes kenakalan atau usikan begitu, pelajar perempuan akan mengadu kepada guru perempuan atau guru kelas. Pelajar lelaki terbabit kebiasaan akan mengaku setelah rakan-rakannya menuding jari kepadanya. Denda yang biasa dikenakan ialah diperintah berdiri di luar kelas atau di atas bangku selama sepuluh minit selepas pelaku kesalahan meminta maaf terhadap pelajar perempuan berkenaan. Apapun, semangat belajar bagi pelajar yang didenda tidak terganggu, lantaran pergaulan dan persahabatan antara pelajar kekal mesra tanpa dendam. Malahan ada pula dalam kalangan mereka adalah rakan sekampung, maka semasa pulang dari sekolah mereka terus berjalan seiringan dan sesekali mereka boleh berbincang untuk menyelapkan tugas kerja rumah.



Suasana bilik darjah dengan meja kayu panjang dan kekuda kayu panjang.

Satu perkara yang berbeza semasa di sekolah rendah dahulu berbanding sekarang ialah kebanyakan pelajar berjalan kaki secara berkumpulan ke sekolah. Adik dan abang atau kakak berserta rakan malah turut sama ialah jiran sekampung berderet ke sekolah. Suasana kampung yang aman dan pokok-pokok merimbun tidak menggusarkan untuk pergi dan balik sekolah. Ada rakan sedarjah yang tinggal berjauhan terpaksa memulakan perjalanan ke sekolah sebaik sahaja selesai solat subuh. Kebanyakan rakan sekolah tinggal dalam radius dua kilometer jaraknya dengan sekolah. Bagi pelajar yang tinggal agak jauh, maka ibu bapa mereka akan memilih menghantar ke sekolah terdekat di antara sekolah-sekolah rendah yang ada di dalam satu-satu daerah.

#### Bantu ibu bapa

Kenangan menarik bagi pelajar sekolah di kampung (rujukan kampung: Kampung Anak Tembesu, Tawang) pada era 60-an ialah membantu ibu bapa bercucuk tanam. Ia suatu lumrah bagi ibu bapa pada sebelah petang mahupun pada hari tidak bersekolah, mereka akan mengajak anak-anaknya bersawah (tanam padi) dan berkebun dengan menanam ubi kayu dan ubi keling (ubi kemili).

Selain itu, anak-anak akan menemani orang tuanya menguruskan lembu, kambing dan biri-biri memasuki kandang serta itik memasuki reban. Hal ini merupakan kenangan manis yang ada pada anak-anak sekolah dari kampung atau luar bandar sahaja. Saat sebegini sebenarnya dilalui oleh kebanyakan pelajar kampung terutamanya semasa sekolah rendah.

#### Sekolah Menengah Rendah

Saat mengembirakan bagi seorang pelajar sekolah rendah tatkala berpeluang memasuki sekolah menengah rendah (sekolah rujukan: Sekolah Menengah Rendah Kedai Lalat). Dalam era 60-an, setiap pelajar hendaklah melalui sistem pendidikan wajib iaitu sekolah rendah. Maksudnya seseorang peajar itu hendaklah belajar sehingga darjah enam. Justeru seorang pelajar yang tamat sekolah rendah bolehlah menyambung ke tingkatan satu sehingga tiga di sekolah menengah rendah.

Memasuki sekolah menengah rendah era 70-an, setiap pelajar harus mengambil peperiksaan Sijil Rendah Pelajaran (SRP) sebagai penamat dan penentu untuk menyambung persekolahan di sekolah menengah. Peperiksaan SRP dirasai agak tertekan (stress) kepada pelajar dari kampung disebabkan subjeknya bertambah sehingga sembilan berbanding hanya enam di sekolah rendah. Antara subjek baharu ialah Sains Paduan, Sains Pertanian dan Perdagangan. Selain itu, SRP pula dikendalikan oleh Lembaga Peperiksaan dan semasa peperiksaan ia dijaga-selia oleh ketua peperiksaan dan pengawas dalam kalangan guru-guru bukan dari sekolah sendiri.

Paling penting bagi pelajar sekolah menengah ialah memiliki motivasi untuk menyambung pelajaran ke peringkat menengah. Apapun terlebih dahulu ia hendaklah lulus SRP. **Maka dalam era 70-an, semacam "wajib" seseorang pelajar perlu lulus SRP, jika tidak mereka hendaklah mengulang belajar di tingkatan tiga setahun lagi dan mengulangi masuk peperiksaan SRP.** Disebabkan syarat kelulusan ini, maka ada institusi pendidikan swasta yang menyediakan kemudahan belajar bagi pelajar yang tidak berjaya pada peringkat SRP. Di institusi swasta, pelajar boleh mengulangi peperiksaan SRP sebagai calon swasta. Justeru sekolah swasta kebanyakannya berada di pekan dan bandar yang menyediakan peluang mengulangi peperiksaan bagi pelajar yang tercicir pada peringkat SRP.

Kelulusan peringkat SRP dikatakan penting bukan sahaja menjadi penentu untuk menyambung belajar, malah kelulusan yang baik dalam subjek Sains Paduan dan Ilmu Hisab (Matematik) membolehkan seseorang pelajar itu memasuki aliran Sains Tulen di tingkatan empat sekolah menengah. Begitu pula, pelajar tersebut juga boleh menyambung belajar di sekolah teknik yang berasrama penuh.

Bagi pelajar yang cemerlang dalam subjek selain Sains Paduan dan Matematik, misalnya Bahasa Malaysia, Pengetahuan Agama Islam dan Ilmu Alam (Geografi) atau Tawarikh (Sejarah) akan memasuki aliran Sastera. Sementara mereka yang lulus baik bagi subjek Perdagangan akan memasuki aliran Perdagangan.

Ternyata aliran Sastera menjadi pilihan ramai pelajar lepasan SRP dan rata-rata pelajar adalah berasal dari

luar bandar. Bukti ini bilangan tingkatan empat dan lima Sastera sampai lima kelas (biasanya disebut Kelas 4A1 hingga 4A5 dan 5A1 hingga 5A5), sedangkan bilangan tingkatan empat dan lima Sains setakat tiga kelas (biasanya disebut Kelas 4S1 hingga 4S3 dan 5S1 hingga 5S3).

### Sekolah Menengah

Ketika alam pendidikan menengah (rujukan sekolah: Sekolah Menengah Kubang Kerian), banyak ragam dan aktiviti pembelajaran dilalui oleh pelajar. Selain ragam pembelajaran di dalam kelas, agak menarik juga adalah ragam aktiviti di luar bilik darjah terutamanya aktiviti kesukaran. Ketika itu, belum lagi popular aktiviti kokurikulum. **Apa yang popular adalah aktiviti sebelah petang iaitu kesukaran dalam bentuk "rumah-rumah" yang mana pelajar dibahagikan mengikut warna rumah (merah, kuning, hijau). Merentas desa, adalah acara sukan yang paling popular dan melibatkan ramai pelajar dari semua rumah, selain acara bola sepak (lelaki) dan bola jaring (wanita).**

Suasana pembelajaran di sekolah menengah agak mencabar bagi pelajar dari luar bandar. Ini disebabkan kebanyakan sekolah menengah berada di pekan atau bandar. Jarak rumah yang berjauhan, maka terpaksalah mereka berulang-alik sehari menggunakan bas. Sementara ketika menghadiri kelas tambahan hari Sabtu, kebanyakannya berbasikal. Meskipun berbasikal atau menaiki bas, amat penting dijaga pada setiap hari ialah seseorang pelajar itu hendaklah sampai di sekolah sebelum pintu pagar ditutup, kalau tidak namanya akan dicatat

kemudiannya guru disiplin akan memanggil untuk didenda. Denda yang popular ialah memungut sampah di tepi pagar sekolah.

**Sesuatu yang menarik dinukilkhan tentang pengangkutan atau kenderaan ke sekolah pada ketika itu ialah penggunaan motosikal hanya dalam kalangan guru.** Hal ini jauh berbeza dengan keadaan sekarang apabila taraf hidup masyarakat kampung lebih baik, maka ramai ibu bapa menyediakan motosikal untuk anak lelaki mahupun perempuan menunggang sendiri berulang-alik ke sekolah.

Perbandingan secara fizikal dan teknikal, didapati alam pendidikan era 70-an adalah lebih kondusif bagi aliran Sastera berbanding Sains. Ia kerana pembelajaran dalam aliran Sains agak kurang, terutama dari segi makmal dan peralatan untuk latihan amali. Jadual menggunakan makmal terpaksa dihadkan memandangkan peralatan dan bahannya yang terhad. Selain itu, guru-guru yang mengajar bagi beberapa subjek penting bukanlah termasuk dalam kalangan yang pakar. Antara guru fizik adalah guru sukarelawan Indonesia. Sementara bagi subjek Bahasa Inggeris, gurunya adalah sukarelawan Amerika Syarikat. Begitu pula, bagi subjek Matematik Tambahan, gurunya adalah seorang Cina yang junior dan kurang fasih berbahasa Melayu.

Tambahan pula, alam pendidikan menengah boleh dikatakan cukup mencabar terutama suasana menjelang peperiksaan. Sehingga kebanyakan guru terpaksa mengatur jadual kelas tambahan pada sebelah petang. Justeru ada pelajar yang tinggal



Sumber foto: <http://smpbudimulia.blogspot.com/2011/10/sd-budi-mulia.html>

Murid-murid berbaris masuk ke kelas sebelum memulakan sesi pembelajaran.

berjauhan tidak akan balik sehingga habis kelas petang. Ia cukup meletihkan. Maka ada pelajar yang berkongsi duduk di rumah sewa, lantaran pihak sekolah tidak menyediakan asrama. Sudah tentu keadaan pembelajarannya agak mencabar, maka munasabahlah keputusan SPM yang diperolehi kebanyakannya pelajar tidaklah setaraf dengan pelajar di sekolah-sekolah bandar.

Sebenarnya, kejayaan alam pendidikan peringkat menengah banyak bergantung kepada budaya pembelajaran dan kemesraan antara guru dengan anak murid. Di atas amalan prinsip dan falsafah ini, ia menyaksikan ramai pelajar yang rajin dan cukup mesra dengan gurunya berupaya mencipta kejayaan. Hasilnya mereka mencapai keputusan peperiksaan yang cukup memuaskan dan layak menyambung persekolahan ke sekolah menengah atas atau ke tingkatan enam rendah kemudian enam atas.

Walaupun begitu, bagi pelajar aliran Sains yang keputusan subjek sainsnya kurang memuaskan dalam SPM, maka mereka tetap bermasib baik kerana masih boleh meneruskan pendidikan dalam aliran Sastera pula (rujukan sekolah: Sekolah Menengah Sultan Ismail Petra Kota Bharu). Asalkan mereka mendapat kelulusan baik bagi sekurang-kurangnya tiga subjek "wajib" iaitu Bahasa Malaysia, Geografi dan Agama Islam atau salah satu subjek Sains.

Bagi pelajar yang berasal daripada aliran Sains tersebut, kebanyakannya mereka boleh mencipta kejayaan baik pada peringkat peperiksaan STPM dibabkan latar belakang Sains dan Matematik cukup membantu untuk mereka memahami subjek seperti Ekonomi, Geografi dan Pengajian Am.

Pada penghujung tahun 70-an, kebanyakannya sekolah menengah atas hanya terletak di bandar-bandar utama negeri Kelantan. Di antaranya Kolej Sultan Ismail Kota Bharu dan Sultan Ismail Petra Kota Bharu. Pada masa yang sama, terdapat juga sekolah menengah swasta seperti Institut Pendidikan Kota Bharu dan Institut Kenali Kubang Kerian.

Perkembangan sekolah swasta juga dilihat pesat berikutan polisi Kementerian Pelajaran ketika itu yang menerima lulusan SPM pangkat satu dan dua sahaja menyambung belajar di sekolah menengah atas sekolah kerajaan. Maka bagi pelajar yang lulus SPM pada pangkat tiga akan memilih untuk belajar atau mengulangi peperiksaan SPM, terutama bagi yang tidak mencapai kredit subjek Bahasa Malaysia. Selepas itu, baharulah mereka akan mengambil peperiksaan STPM.

Sesungguhnya kesedaran ibu bapa dan pelajar pada ketika itu, amat tinggi untuk menyambung pengajian hingga ke universiti. Maka kelulusan STPM amat penting sebagai tiket ke menara gading. Atas binaan kesedaran inilah, maka rata-rata universiti dalam negara ini pada lewat tahun 70-an didominasi oleh pelajar dari Kelantan.

## Asrama

Realitinya, ketika di tingkatan enam suasannya agak kondusif kerana sekolah terletak di kawasan bandar yang sudah mantap. Lebih-lebih lagi diberi peluang tinggal di asrama dan mendapat bantuan bulanan pihak kerajaan.

**Meskipun taraf asramanya tidak seperti sekolah asrama penuh, namun ia cukup untuk mendisiplinkan pelajar kerana disokong oleh penjadualan belajar dan aktiviti yang cukup baik. Paling istimewa, ia telah mempertemukan ramai kawan daripada pelbagai jajahan sebelah hilir Kelantan iaitu selain Kota Bharu ialah Pasir Mas, Tanah Merah dan Bachok. Ia suatu keunikan kehidupan sekolah berasrama dibandingkan dengan kehidupan pelajar di sekolah harian biasa.**

Justeru ia telah melahirkan ramai pelajar yang berjaya dalam peperiksaan STPM dan kemudiannya menyambung ke alam pendidikan di pelbagai pusat pengajian tinggi. Paling ramai ketika itu ialah ke Universiti Malaya, Universiti Kebangsaan Malaysia dan Universiti Sains Malaysia.

## Pesanan guru

Bagi setiap pelajar yang memasuki tingkatan enam (Rujukan sekolah; Sekolah Menengah Ismail Petra Kota Bharu) pastinya akan ingat **pesanan guru besar ketika perhimpunan pagi**, "tiada jalan pintas menuju kejayaan melainkan berusaha gigih." Nama-nama mereka yang berjaya disebut sebagai pendorong kepada sekalian pelajar yang berhimpun sambil berdiri.

Teriknya sinar matahari pagi telah membangkit semangat belajar. Ia suatu cetusan semangat juang dijadikan pedoman sepanjang masa. Ia suatu alam benar bagi jiwa murni pelajar yang beranjak daripada alam remaja menuju kematangan sesuai dengan umurnya ketika tingkatan enam.

Suatu hakikat diri pelajar yang sedang meneroka dalam diri sendiri untuk mencari kekuatan, mengatasi kelemahan dalam mendepani cabaran. Maka suasana pembelajaran ketika tingkatan enam menjelang peperiksaan banyak dikuasai semangat pemugaran diri demi mencapai kejayaan di alam pendidikan.

**Keseluruhaninya, alam pendidikan era 60-an dan 70-an mempunyai nilai pembelajaran tersendiri yang mengukirkan kenangan manis. Paling istimewa apabila kenangan itu dinilai dalam suasana sekarang yang sudah tentunya cukup berbeza. Benarlah kata-kata orang tua-tua kita, dahulu lain sekarang lain, maka yang dahulu itu ada istimewa dan begitu juga yang sekarang ini tetap ada keistimewaannya yang tersendiri.**

## MAKTAB SULTAN ISMAIL




Ismail English School, IES pada tahun 1937 di Jalan Padang Garong, Kota Bharu.



Berpindah ke bangunan sendiri di Kampung Kesina Dua, Telipot pada tahun 1937.



Bangunan baru IES pada tahun 1954 dan ditukar nama kepada Sultan Ismail College, SIC



SIC turut dipanggil Maktab Sultan Ismail adalah salah satu sekolah berasrama di Kota Bharu.

### PENGETUA-PENGETUA MAKTAB SULTAN ISMAIL



# MEMORY OF THE SPECIAL MALAY CLASS IN THE SIXTIES

By:

Dato' Kepten Professor Emeritus Dr. Hashim Yaacob (Rtd),  
SPSK, PAT, DOSc (Hon), FRCPath, FFOP (RCPA), FDSRCPS Eng, FDSRCPS Glasg,  
FASc, MSc (Lond), BDS (Otago), Dip Islam Studies (UIAM).

In 1956, I started schooling in standard 1 at a Malay school known as Sekolah Umum Tanah Merah Kelantan. My father wanted me to go to a Malay school because his friends from the kampung thought that it would be improper to go to an English school. So, I ended up in a Malay school because my father was convinced by his friends who sent their children to Malay schools. My father was an illiterate, who never went to school, and so was my mother. Both of them tapped rubber in the morning, planted paddy in the afternoon and in the evening my father peddling his trishaw to Tanah Merah for gaining extra income. My father is an intelligent man although he cannot read and write. He enrolled himself in a "Sekolah Dewasa" to educate himself, in order to read and write. He successfully completed his schooling and managed to obtain a certificate.



The house in Kg. Cherang Lali, Tanah Merah, Kelantan where Hashim Yaacob grew up in 1966.



Hashim Yaacob's parents in 1956: Yaacob Taib and Minah Jusoh, and his Sekolah Dewasa certificate.

### **A mother's wish**

My mother hoped for us to excel in our studies, in effort to ensure we are not going to lead a life of poverty like how she did in the past. One day, she pointed out to a hill to me, where there were a few trees standing taller than the rest. She hoped me to be like one of those taller trees. Years later when I became the Vice-Chancellor at the University of Malaya. I wrote a poem reminding myself of my mother's wish.

# **THE TALL TREE**

Mother,  
At nine, I stood by your side  
Looking at the old tapioca tree.  
Rocking on an old rattan chair  
Mum looks so beautiful.

Son,  
Look at the hill yonder.  
Do you see that tall tree  
risings above others?

Be that tall tree, my son.

At fifty-four, I stood by your side  
In my Vice-Chancellor's office  
at the University of Malaya.

In the chair  
you were delightful.

Mother,  
I have become your tall tree.  
So tall, it made me dizzy.  
Here the wind blows  
hard and cruel.

But mother,  
The roots that you have given me  
made me strong.  
I stood my ground.  
and held my fort.



Vice-Chancellor of University Malaya Hashim Yaacob with his mother in his Chancellery office in 2003.

Hashim Yaacob, 9 years old with parents in Kampung Cherang Lali, Tanah Merah in 1958.



## Sweet memories

There were only seven teachers at Sekolah Umum comprised of a Headmaster and six teachers been assigned to teach the primary classes range from Standard One to Standard Six. Among other teachers during my school days that I remember from Standard One to Four were Cikgu Aisyah, Cikgu Nik Mustafa and Cikgu Mahmud. In February 2019, I have been invited by the Principal, Nik Muhammad Nik Lib of Sekolah Menengah Dato' Mahmood Paduka Raja, in Tanah Merah to deliver a motivational talk to the parents. I also requested the Principal of the school to invite Cikgu Aisyah as the special guest to the event. It was an honoured when she accepted the invitation, as she taught me 63 years ago and made the event full of happy, sweet memories and historical.



Cikgu Aishah in 1956.




Hashim Yaacob with Cikgu Aishah in 2019.

## Learning effort

My father realized the importance of the English language. As I was in a Malay medium school, where instructions were carried out fully in Malay, I did not even know single word in English. My father engaged a Kusial railway station porter named Hamid to teach me English daily in the evening for a fee of five ringgit per month. I picked up the English language gradually. Today, the house where porter Hamid used to live and taught me English still stands, dilapidated and abandoned, not far away from the head of the Guillemard Bridge in Kelantan.

When I was in the standard four in 1959, I was told by Cikgu Nik Mustafa, my class teacher, that we have to sit for an entrance examination for a Special Malay Class where English as its medium. The exam was conducted in December 1959, and in January 1960, the revealed that only three of passed the exam. I was then been sent to Sultan Yahya Petra Primary School in Kuala Krai, Kelantan to continue my education. The other two girls who passed the exam were sent to Sekolah Rendah Zainab in Kota Bharu, Kelantan.



Guillemard Bridge.



Porter Hamid's railway quarters.

## **Multi-racial pupils**

In Special Malay Class 1 at the Sultan Yahya Petra school there were twenty-five Malay students, one Indian (Nalini Nair) and one Siamese (Kechum Chasut). I wondered how come there were two non-Malays in a Special Malay class. It must have been because the Malays were good hearted and were prepared to give places to other citizens. The class teacher named Mr. Adhan Abdul Hamid, who was assisted by Mr. Sulaiman Hassan and Ustaz Sidik. The Headmaster was an Englishman called Mr Wyatt. The early days in the class were tough as none of us understood English language well. As the days passed by, our English skills became better and better. Our skills in English improved a lot with the guidance from the teachers known as Mr Lian Chong Beng, Miss Dolly Unithan and Mr Chiang Kok Don in the following's years together with the new Headmaster, Mr Sidique Merican.

## **Gaining reward**

The Special Malay Class well progressed and succeed. In Standard 6, we mixed with other students who



Special Malay Class 2, Sultan Yahya Petra Primary School, Kuala Krai, Kelantan in 1961. Hashim Yaacob was a class monitor sitting in the middle.

started schooling in English Medium from day one. The classes were then divided into 3, named as Standard 6A, B and C. Myself been put in Standard Six A, and able to score number one in every exam. As an appreciation, my Headmaster Mr Sidique Merican took me to Malayan Banking in order to open my saving account, and deposited RM10 monthly scholarship awarded to me by The Kelantan State Scholarship. We were lucky for having the dedicated and loving teachers such as Mr Yeoh Thean Hoe, Ustaz Sidik, Miss Leela Unithan, Miss Dolly Unithan and Mr Chiang Kok Don. In January 1963, I proceeded to Sultan Yahya Petra Secondary School.

## **Flying colours**

Later I enrolled to University Teknologi Mara (UiTM), Petaling Jaya (formerly known as Institut Teknologi Mara). I was then proceeded to New Zealand and United Kingdom to further my studies. In 2003, I have appointed as the Vice-Chancellor of University Malaya. Indeed, the Special Malay Class well progress and able to educate the important of English language. ■



With foster parent Haji Idris Sabri and housemates in 1960. Hashim Yaacob is second from right.



Hashim as Vice-Chancellor of the University of Malaya 2003-2006.  
From left: Toh Puan Aishah Ong, Datin Sri Rosmah Mansor,  
Dato' Sri Mohd. Najib, DYMM Sultan Azlan Shah, DYTM Raja Nazrin Shah,  
Tan Sri Dr. Shafie Mohd Salleh, Dato' Kepten Prof. Emer. Dr. Hashim Yaacob.



## Permulaan pendidikan muslimah di Madrasah Naim Lilbanat Dari Sekolah Agama Rakyat ke Sekolah Berprestasi Tinggi

Oleh: Mohd Dahlil Zaleha

Foto: Ahmad Na'ime Muhammad

Sekolah Menengah Kebangsaan (Agama) Naim Lilbanat (SMKANL) yang kini berusia 78 tahun merupakan sekolah terkenal di Kelantan. Ditubuhkan pada Januari 1941 oleh pengasasnya Tuan Haji Nik Yahya bin Nik Daud, hasil cetusan yang muncul sepuluh tahun sebelum itu setelah mendapat nasihat daripada Tuan Guru Haji Muhammad Fadhillah Al-Zahari, seorang guru agama sebuah sekolah Arab di Singapura yang mengkhusus untuk pelajar-pelajar perempuan.

### Tujuh perintis

Mula dikenali sebagai Madrasatun Naim Lilbanat, sekolah ini merupakan sebuah sekolah agama yang hanya mengambil pelajar perempuan sebagai pelajar mereka dengan permulaan kelas pada peringkat darjah satu hingga tujuh.

Pada peringkat permulaan, hanya tujuh orang pelajar diambil sebagai perintis dengan seorang guru lulusan pondok Kuliah Al-Atta, Johor iaitu Ustaz Hussain Mohammad. Pada waktu itu masih belum ada sekolah yang mengkhusus untuk pelajar perempuan di Kelantan. Sekolah ini telah menjadi tumpuan para ibu bapa untuk menghantar anak-anak mereka menuntut ilmu agama yang berpakej dengan ilmu kemahiran jahitan dan masakan.

Tapak asal sekolah ini ialah di Jalan Petra Semerak, Kota Bharu dengan menumpang rumah kedai milik Syarikat Qamar kepunyaan Tuan Haji Nik Yahya Nik Daud. Namun pada tahun 1947, sekolah ini telah dipindahkan ke rumah sewa kepunyaan Che Ibrahim (Syarikat Ibrahim) di Jalan Sultanah Zainab, Kota Bharu setelah bilangan muridnya bertambah kepada 70 orang.

Pada ketika itu terdapat hanya tujuh buah kelas dari darjah satu hingga tujuh, manakala gurunya pula terdiri daripada tiga orang warganegara Indonesia. Menjelang tahun 1949, murid-murid telah meningkat kepada 120 orang dengan dua orang tenaga pengajar

laitu Tuan Haji Fadhillah Suhaimi dan Tuan Haji Yaacub Idris, manakala pengetuanya pula Tuan Haji Idris Haji Omar.

### Kurniaan diraja

Pada tahun 1956, bangunan madrasah ini telah dipindahkan pula ke Jalan Sultan Yahya Petra sehingga sekarang. Raja Perempuan Zainab 2, YTM Tengku Zainab Ibni Almarhum Tengku Muhamad dan kakanda baginda, Tengku Ibrahim Ibni Almarhum Tengku Muhamad (Tengku Sri Utama Raja) telah mengurniakan tanahnya seluas 10.68 ekar bersamaan 43,270.34 meter persegi (sekolah 21,884.55 meter persegi dan asrama 21,385.79 meter persegi) dan dijual dengan harga yang murah dan ditukar nama dengan serta-merta kepada Tuan Haji Nik Yahya Nik Daud dengan harga \$24,000 dengan bayaran secara ansuran.

Bagi menjelaskan bayaran ini, Tuan Haji Nik Yahya telah memohon sumbangan daripada YTM Tunku Abdul Rahman Putra Al-Haj, Perdana Menteri Malaysia pada waktu itu dan telah sudi menyumbang sebanyak \$70,000. Dalam masa yang sama pelbagai pihak turut memberi sumbangan bagi tujuan pembinaan ini antaranya syarikat-syarikat persendirian milik peniaga Melayu, Arab, Cina dan India, Majlis Agama Islam Kelantan (MAIK), serta orang perseorangan. Pada 3 Ogos 1958 bersamaan 17 Muharam 1378, Tunku Abdul Rahman Putra Al-Haj telah meletakkan batu asas pembinaan sekolah ini.

### Ambil alih

Pada tahun 1977, Kementerian Pelajaran Malaysia telah mengambil alih sepenuhnya pengurusan sekolah ini setelah idea penubuhan Sekolah Menengah Kebangsaan Agama (SMKA) mula dilaksanakan. Bagi menstrukturkan semula sistem pentadbiran sekolah di samping memperkenalkan subjek baharu dan tidak hanya fokus kepada mata pelajaran agama semata-mata bagi menyesuaikan dengan keperluan pasaran kerja dan sistem pendidikan semasa negara.

Pada peringkat awal, sebanyak 11 buah sekolah telah diambil alih termasuk Madrasatun Naim Lilbanat ini yang kemudian dikenali sebagai SMKANL. Sehingga sekarang terdapat 58 buah sekolah berstatus SMKA seluruh Malaysia.

Selaras dengan falsafah sekolah untuk memberi pendidikan yang seimbang kepada pelajar-pelajar merangkumi aspek-aspek aqli, rohani dan jasmani bagi menjamin kebahagiaan hidup di dunia dan akhirat, SMKANL telah mencatatkan banyak kejayaan gemilang hampir setiap tahun. Ia bersesuaian dengan pendekatan yang diambil oleh pihak pengurusan sekolah seperti belajar berkumpulan, latih tubi dan menjawab soalan-soalan peperiksaan khususnya untuk bakal calon peperiksaan utama. Hubungan akrab sesama guru dan pelajar amatlah diutamakan dalam menangani masalah pembelajaran dan disiplin.

### Kerjasama erat

Di samping itu, kerjasama daripada pihak Persatuan Ibu Bapa dan Guru (PIBG) sekolah turut memainkan peranan penting khususnya dalam menjayakan agenda sekolah. Misalnya kejayaan menaik taraf surau sekolah yang kini dikenali sebagai Pusat Islam An-Naim yang dilengkapi dengan kemudahan mini perpustakaan, kios, tandas, dan penyaman udara serta mampu memuatkan sehingga 800 orang jemaah pada satu-satu masa bagi memberi lebih kemudahan dan keselesaan untuk pelajar menuaikan ibadah dalam persekitaran sekolah. Menurut Pengetuanya, Mustafa Chik, kewujudan Pusat Islam An-Naim merupakan jasa PIBG sekolah kerana berjaya mengumpulkan dana mencecah RM143,000.

### Kejayaan gemilang

Sehingga kini, antara pencapaian yang berjaya diraih oleh SMKANL ialah Johan Sekolah Harapan Negara, Bahagian Sekolah Menengah Bandar Peringkat Kebangsaan (1999), Anugerah Kecemerlangan Shell PMR Peringkat Kebangsaan (Terbaik 1998), Anugerah Kualiti Juara JPN Peringkat Negeri Kelantan, Naib Johan Anugerah Kualiti YB Menteri Pendidikan Malaysia (1999), Juara Antara Juara Jabatan Pelajaran Negeri Kelantan (sejak 1999), Penghargaan Khas JAPIM atas pencapaian terbaik SPM 2005 bagi SMKA Seluruh Malaysia, Anugerah Bestari Perdana - 5 Bintang (2008), Sekolah Kluster Kecemerlangan (2009) dan Sekolah Berprestasi Tinggi (2011).

### Mencipta nama di persada antarabangsa

Kecemerlangan SMKANL tidak hanya tertumpu kepada akademik semata-mata, malah turut menonjol dalam aspek sukan dan pelbagai aktiviti ko-kurikulum yang lain.

Lebih gemilang apabila pelajar sekolah ini telah menjadi juara Pertandingan Taekwondo peringkat kebangsaan dan antarabangsa, serta mewakili Malaysia dalam kejohanan di Brazil (2019) bagi meneruskan kegemilangan dengan tiga pingat emas yang diraih oleh Alya Tasneem Azman, 15, dalam ITF Asia Open Championship 2018.

Penuntut SMKANL juga merupakan johan syarahan agama dalam Pertandingan Majlis Tadarus al-Quran dan Festival Nasyid peringkat Kebangsaan termasuk mewakili Malaysia dalam Program Sakura Science Exchange yang diadakan di Tokyo, Jepun pada tahun 2018 dan diteruskan lagi pada tahun ini.



Mustafa Chik, Pengetua SMKANL bermula tahun 2017.



Peserta Pertandingan Layang-layang Antarabangsa.



Peserta Taekwondo yang mewakili sekolah pada pertandingan peringkat kebangsaan dan antarabangsa.

Sesuai dengan status sekolah berprestasi tinggi, SMKANL telah melahirkan ramai tokoh-tokoh penting masyarakat. Mantan pelajar bermutu dan unggul yang sudah pun menjadi nama-nama besar dalam pelbagai lapangan kerjaya contohnya, Sharina Ramli (SPM 19, Pengarah Kanan Perundungan, Kualiti dan Pentadbiran, Yayasan Pembangunan Ekonomi Islam Malaysia, (YaPEIM) dan Prof. Madya Dr. Fariza Md Sham, Timbalan Pengarah Eksekutif, Pusat Strategi Universiti Kebangsaan Malaysia, (UKM), dan lain-lain lagi.



Anugerah yang diperolehi dipamerkan di satu sudut sebagai pembakar semangat kepada semua pelajar.

Pelajar beredar ke kelas setelah tamat perhimpunan pagi.



Kumpulan nasyid yang mewakili sekolah ke Festival Nasyid peringkat kebangsaan.



Pelajar-pelajar ini pernah menjadi juara dalam pertandingan Taekwondo peringkat kebangsaan dan antarabangsa.

Tambah membanggakan, editor majalah Qiadah iaitu Norzana Razaly (Zanazanzaly) juga adalah alumni SMKANL yang dinobatkan sebagai Pernantun Terbaik Negeri Kelantan sekali gus menjadikan sekolah berprestij ini muncul johan Negeri Kelantan dalam Pesta Pantun antara Sekolah-Sekolah Malaysia 1990. Beliau turut menempa nama di arena kesusastraan antarabangsa apabila karya beliau "The Death of Poet" menerusi antologi Sea of Rainbows (An Anthology of Multi-Cultural Short Stories from Malaysia), ITBNM, 2009) telah dipamerkan di Pesta Buku Antarabangsa Frankfurt, Jerman setelah memenangi Hadiah Sastera Kelantan 2003 dan Hadiah Sastera Kumpulan Utusan 2003, 2008 serta 2011. Syabas SMKANL dan warganya! ■



# PENGUMUMAN!

AKSB sedang giat menjalankan  
**OPERASI PEMOTONGAN BEKALAN AIR**  
bagi rekod-rekod akaun tertunggak.

Sila **JELASKAN** akaun bil air anda dengan segera, elakkan pemotongan.

"Hutang wajib dibayar"



AIR KELANTAN SDN. BHD.

WISMA AIR KELANTAN, LOT 188, JALAN KUALA KRAI,  
15050 KOTA BHARU, KELANTAN  
TEL: 09-743 7777 FAKS: 09-747 2030

 www.airkelantan.com.my  
 AIR KELANTAN OFFICIAL

HUBUNGI PUSAT INFO & TALIAN ADUAN  
**PINTAS 15777**



# GABUNGAN MARKETING

## PENJUAL & PEMBEKAL:

- LORI PEMBINAAN SEMULA, MESIN & ALAT-ALAT PEMBINAAN TERPAKAI
  - KREN TERPAKAI DARI JEPUN

**UNTUK MAKLUMAT LANJUT, SILA HUBUNGKAN:**

- IDA : 012-780 6635
  - ANN : 012-682 9299

## GABUNGAN MARKETING

(N50069201-2)

Lot 4002 & 4003, Jalan Tuanku Antah,  
70100 Seremban, Negeri Sembilan Darul Khusus.  
E-mel: enquiry@gmmover.com





## LEGASI ASUHAN AYAH DIWARISI ANAK KUAH TUMPAH KE NASI

Oleh: Rezan Zamre

Pepatah "kuah tumpah ke nasi" menepati sirah Nabawiah yang merekodkan keturunan Nabi Ibrahim a.s mewarisi genetik kenabian dan menduduki takhta kerajaan. Berkompaskan ibrah sirah, Qiadah memfokuskan sorotan ini kepada dua orang Exco kanan kerajaan negeri Kelantan iaitu Dato' Dr. Mohamed Fadzli bin' Dato' Hassan dan Dato' Ustaz Mohd Nassuruddin bin Hj. Daud (Dato' Panglima Perang) mewarisi legasi bakat kepimpinan ayahanda masing-masing berdasarkan faktor genetik dan didikan secara Islamik.



Allahyarham Dato' Hassan Mohamed Fadzli sekeluarga bersama ibu bapanya.



### Baka umara tawaduk

Hakikat mencatatkan bahawa pemuda berjiwa besar bergelar Dato' Dr. Mohamed Fadzli bin Dato' Hassan lahir di Kampung Kaabah adalah persona yang bukan sahaja mampu berdiri segandingan bersama saf kepimpinan negeri dalam aspek akademik dan ilmu agama. Bahkan mampu juga duduk sama rendah dengan rakyat serta bergaul mesra dengan khalayak.

Sebagai seorang yang sangat mementingkan keikhlasan dalam perjuangan, Mohamed Fadzli mempunyai banyak ciri persamaan dengan Allahyarham ayahandanya iaitu Dato' Hassan Muhammad, mantan Ahli Dewan Undangan (ADUN) Temangan 2004-2008. Allahyarham yang berkarakter tegas dalam membuat keputusan itu mengingatkan penulis mengenai legasi kepimpinan Nabi Allah Daud a.s yang diteruskan pula oleh anaknya, Nabi Allah Sulaiman a.s yang mana semenjak kecil dididik untuk membuat keputusan dengan memberikan hukuman yang tegas, adil dan bijaksana.

### Anak baka baik

Nas di atas membuktikan faktor keturunan yang dipengaruhi oleh kepandaian dan kekaliberan mendorong seseorang untuk menjadi pemimpin. Pakej lengkap inilah dimiliki oleh Mohamed Fadzli sekali gus melayakkan beliau menyambung legasi sebagai ADUN Temangan pada Pilihan Raya Umum ke-12 tahun 2008 hingga sekarang merangkap Pengerusi Pembangunan Insan, Pendidikan, Pengajian Tinggi, Sains dan Teknologi.

Lahir dalam keluarga yang mementingkan ilmu dan agama, beliau mendapat pendidikan awal di Sekolah Kebangsaan Kelewek, Machang, Kelantan dan di Maa-had Syamsul Maarif, Pulai Chondong. Seterusnya ke Pusat Matrikulasi Universiti Islam Antarabangsa Malaysia (UIAM) setelah lulus dengan jayanya di Kolej Islam Kelang. Pada tahun 1990, beliau lulus Kuliah Undang-undang di UIAM, setahun kemudian beliau

meneruskan pengajian di Kuliah Undang-undang di universiti yang sama. Kemudian beliau lulus Ijazah Sarjana Pembangunan Undang-undang daripada Universiti Warwick serta mendapat doktorat Undang-undang Perlembagaan daripada Universiti Birmingham, United Kingdom pada tahun 2002.

Usaha dan kesungguhan ayah bondanya dalam mendidik dan mencorakkan modul pentarbiahan kepada beliau telah mengimbangi faktor genetik tersebut sekali gus berperanan besar memupuk serta mengembangkan baka baik yang membentuk ciri-ciri kemanusiaan yang positif dan berakhlik serta beradab mulia dalam diri Mohamed Fadzli sehingga melayakkan beliau dilantik sebagai Ahli Lembaga Pengarah Pusat Strategik Parti Islam Se-Malaysia (PAS), Timbalan Pengerusi Lajnah Undang-Undang dan Hak Asasi Manusia PAS Pusat. Beliau juga dilantik sebagai Ahli Jawatankuasa PAS Pusat.

Selaku Pengerusi Jawatankuasa Pembangunan Insan, Pendidikan, Pengajian Tinggi, Sains dan Teknologi, beliau sangat aktif mencerah bakti terhadap pembangunan jasmani dan rohani rakyat dan kemajuan negeri Kelantan sehingga diperkenankan oleh KDYMM Sultan Kelantan, Sultan Mohamad V dengan Darjah Kebesaran Jiwa Mahkota Kelantan Yang Amat Mulia (Al-Ismaili III) (JMK) pada Mac 2010. Pada November 2012, sekali lagi beliau dianugerahkan Darjah Kebesaran Jiwa Mahkota Kelantan Yang Amat Mulia (Al-Ismaili II) (DJMK) Dato' Paduka.



Mohamed Fadzli meralkan hari konvokesyen bersama isteri tercinta.



Mohamed Fadzli mengunjungi rakyat sambil menghulurkan sumbangan.

### Asuhan seimbang

Elemen baka baik dan berkat didikan yang islamik, Mohamed Fadzli dikurniakan isteri solehah, Datin Bahrulnurarifah Baharuddin. Pemegang Ijazah Sarjana Pengajian Islam dari Universiti Birmingham ini berasal dari Marang, Terengganu. Beliau begitu taat dan faham tanggungjawabnya sebagai isteri pemimpin lalu sanggup meletakkan jawatan sebagai guru.

Legasi kepimpinan bertakwa amatlah molek diteruskan dengan memupuk pendedahan awal kepada generasi pelapis pasangan baka baik yang terdidik secara islamik. Mohamed Fadzli dididik dengan pemikiran politik Islam sejak muda oleh ayahnya

yang popular dengan gelaran Tuan Guru Haji Mad Kaabah yang pernah memegang pelbagai jawatan pada peringkat negeri dan kawasan seperti Ketua Pemuda PAS Kawasan, Yang Dipertua PAS Kawasan dan Timbalan Ketua Dewan Ulama PAS Negeri. Tidak hairanlah pemikiran ini beliau perturunkan kepada anak sulungnya iaitu Mohamed Fadzli. Berkat pengorbanan yang tulus ikhlas dan tanpa mengira penat lelah telah menjadi pendorong dan motivasi kepada pewarisnya untuk membina pegangan siasah dan pembentukan sahsiah yang baik kerana selain daripada bekas ADUN Temangan, Dato' Hassan juga seorang Exco kerajaan negeri sama seperti yang ditaklifkan kepada anaknya kini.

Pentingnya politik dan pentadbiran Islam ditegakkan dalam negara adalah pesanan dan amanah yang sentiasa dipegang oleh Mohamed Fadzli. Itulah yang sentiasa diasuh oleh Allahyarham Dato' Hassan kepada anak-anaknya. Justeru itu, bagi rakyat Temangan dan rakyat Kelantan amnya amatlah berbangga memiliki seorang ADUN seperti Mohamed Fadzli yang berkaliber, berhati mulia dan tidak lokek membahagikan masa serta amat berkebolehan dalam mentadbir negeri yang patut dicontohi untuk membentuk jati diri umat Islam yang cemerlang di dunia dan akhirat.



Allayarham Tuan Guru Haji Daud Haji Yusuf dan isteri.

#### Bentuk elok dek acuan molek

Penjelasan Hamka (1973) tentang keturunan, persis anak seorang ulama menjadi ulama kerana lingkungan dan pergaulan serta kebiasaan di dalam rumah yang mana ayahnya yang dilihatnya sejak kecil berpersonaliti hebat amat signifikan mempengaruhi sahsiah anak. Hal ini amat bertepatan dengan bakat kepimpinan yang diwarisi oleh Ustaz Dato' Mohd Nassuruddin bin Haji Daud (Dato' Panglima Perang) mewakili ADUN Meranti yang menyalin sikap Allahyarham ayahanda beliau yakni Tuan Guru Haji Daud bin Haji Yusuf (ADUN Tumpat Barat) daripada aspek ketokohan memimpin rakyat mengenali Allah SWT melalui amar makruh, nahi mungkar secara zuhud dan berhikmah.

Pemidato lantang ini lahir dan dibesarkan di Kampung Meranti. Bersekolah di Sekolah Kebangsaan Meranti, kemudian menyambung pelajaran menengahnya di Sekolah Menengah Arab Pasir Mas sebelum tamat di

Maahad Muhammadi (L) Kota Bharu. Kemudian beliau berangkat ke Universiti al-Azhar, Mesir.

Pulang dari Mesir, beliau terus bertugas sebagai guru di Yayasan Islam Kelantan (YIK). Pada tahun 1995, beliau mula berkecimpung dalam bidang politik dengan menyertai Pilihan Raya Umum mewakili PAS bagi DUN Meranti. Kemudian beliau dilantik menjadi Exco kerajaan negeri Kelantan. Sebagai anak kepada ulama tersohor, beliau meneruskan legasi ulama merangkap umara yang memerlukan pengorbanan tinggi. Mohd Nassuruddin diberikan tugas sebagai Timbalan Speaker DUN Kelantan pada tahun 2005 hingga 2008, seterusnya sebagai Speaker DUN pada tahun 2008 hingga 2013.



Mohd Nassuruddin menyampaikan bantuan kepada yang memerlukan.



Mohd Nassuruddin turut serta dalam persiapan kenduri bersama rakyat.

#### Anak butir

Bagi pengundi DUN Meranti amatlah berbangga dan berbesar hati dipimpin oleh Mohd Nassuruddin kerana kehadiran beliau bagaikan pucuk dicita ulam mendarat. Kehebatan beliau dalam segenap segi mampu menyambung legasi yang telah ditinggalkan oleh Allahyarham ayahanda beliau ibarat patah tumbuh hilang berganti.

Selaku Timbalan Yang Dipertua (TYDP) PAS Rantau Panjang kemudian TYDP Pasir Mas dan Ketua Penerangan PAS Kelantan serta AJK PAS pusat, Mohd Nassuruddin amat lantang menyebarkan dakwah.

#### Kombinasi serasi

Fitrah manusia atau baka (nature) baik dan faktor bimbingan (nurture) dari persekitaran (ilmu, suasana dan pengalaman hidup) yang molek membentuk ciri dan personaliti positif makhluk Allah SWT sehingga mempengaruhi tindak-tanduk serta amalan seorang anak menjadi pewaris bagi meneruskan legasi kepimpinan ayahnya mengikut pepatah kuah tumpah ke nasi. ■

# KELESTARIAN TARBIAH PEMUDA KELANTAN

Oleh: Mohd Fadli Ghani

Membangunkan generasi muda dengan tarbiah Islam ertiinya kita sedang membina satu legasi untuk kelangsungan Islam pada masa hadapan. Semua pemimpin yang bijak akan mengaturkan langkah dalam melahirkan generasi pelapis yang akan memimpin manusia untuk terus tunduk dan patuh kepada Allah walaupun mereka sendiri akan meninggalkan alam yang fana ini. Di sinilah letaknya kepentingan untuk melestarikan tarbiah para pemuda dalam pembangunan negara. Jika tidak, pasti generasi yang lemah, bermasalah dan berpenyakit akan menghancurkan cita-cita asaadaah (kebahagiaan dunia dan akhirat) yang diharapkan.

Peranan kerajaan dalam melestarikan tarbiah pemuda ini seumpama sebuah tanah yang subur (pemerintah dan negeri yang makmur dan berkat) dapat ditumbuh oleh benih yang baik (rakyat yang taat kepada Allah) sehingga menghasilkan buah-buah yang baik juga (generasi yang berguna). Dalam hal ini, Allah SWT telah berfirman tentang pembinaan generasi dan hubungannya dengan kemakmuran negeri dalam satu analogi, (al-A'raf:58) yang bermaksud:

*"Dan negeri yang baik (tanahnya), tanaman-tanamannya tumbuh (subur) dengan izin Allah; dan negeri yang tidak baik (tanahnya) tidak tumbuh tanamannya melainkan dengan keadaan bantut. Demikianlah Kami menerangkan tanda-tanda (kemurahan dan kekuasaan) Kami dengan berbagai cara bagi orang-orang yang (mahu) bersyukur".*

## Peranan kerajaan

Alhamdulillah, semenjak Kelantan melangkah ke hadapan dengan dasar Membangun Bersama Islam (MBI) pada tahun 1990, Islam bukan sahaja menjadi dasar dalam pentadbiran politik dan pembangunan ekonomi negeri, tetapi ia juga telah menjadi teras dalam pembinaan dan pembangunan pemuda di Kelantan. Kerajaan Kelantan telah melihat kehadapan untuk membina kekuatan Islam melalui tarbiah yang menyeluruh ke atas generasi muda sama ada melalui sistem pendidikan mahupun perkembangan sosial-budaya mereka.



Sistem pengajian pondok terus diamalkan di Kelantan bagi meneruskan usaha melahirkan ulama ulung.

Inilah kebijaksanaan para pemimpin kerajaan Kelantan sejak dahulu dalam memastikan Kelantan menjadi contoh terhadap pembangunan generasi muda. Nah! Cuba lihat bagaimana sejarah Kelantan membangunkan sekolah-sekolah agama sejak tahun 1960 dan Yayasan Pengajian Tinggi Islam Kelantan (YPTIK) Nilam Puri sehingga berdirinya Yayasan Islam Kelantan (YIK) dan Kelantan menjadi "kilang" yang melahirkan pemuda-pemuda berilmu agama di negara ini.

Hal yang serupa telah dilaksanakan oleh kerajaan Kelantan di bawah dasar Membangun Bersama Islam (MBI) apabila kerajaan membuka sekolah-sekolah tafhib, tafhib sains, maahad dakwah dan sebagainya untuk melahirkan anak-anak muda yang berilmu dan bertaqwa kepada Allah. Bahkan, kejayaan kerajaan Kelantan menujuhan tafhib sains dan membuka kelas sains di maahad-maahad sellaian YIK adalah langkah untuk melahirkan teknokrat muda yang berilmu agama, sekali gus menjadi proses untuk melahirkan ulama-intelek dalam kalangan generasi muda Kelantan.

Selain daripada pembangunan pendidikan agama melalui sekolah, maahad, kolej dan sebagainya, usaha penerusan tarbiah kepada generasi muda ini juga dikembangkan melalui Urus Setia Belia dan Sukan (U-BeS). Program-program pembangunan belia yang disusun daripada pelbagai sudut termasuk perkembangan kognitif dan pergaularan sosial, pembinaan kepemimpinan, pembentukan kemahiran, latihan keusahawanan dan lain-lain supaya pemuda tidak terhad dengan satu kebolehan, atau "mahir akhirat" sahaja, sebaliknya menjadikan mereka belia yang bersifat komprehensif tarbiahnya.

## Membuahkan generasi bertakwa

Keprihatinan kerajaan Kelantan dalam melestarikan tarbiah kepada generasi muda selama tempoh hampir tiga dekad ini akhirnya menatijahkan hasil yang sangat positif kepada agama, bangsa dan negara. Pemuda-pemuda yang dicetak dalam program pembangunan yang dibuat oleh kerajaan negeri kini telah tampil berkhidmat dalam pelbagai sektor sama ada kerajaan atau swasta. Nilaian di sini bukanlah jawatan atau kedudukannya, tetapi sumbangan yang mereka berikan dalam membangunkan agama dan negara.



Maahad Darul Anuar adalah salah satu sekolah sellaian YIK.

Pencapaian akademik anak-anak Kelantan baik sejak dahulu telah berjaya diberikan nilai tambah yang sangat penting laitu akhlak, keimanan, pengorbanan dan semangat jihad yang tinggi untuk agama. Ia amat berbeza dengan ukuran lama yang berdasarkan kelayakan akademik, jawatan yang dicapai atau gaji yang diperolehi. Tetapi fokus yang diberikan adalah untuk melahirkan pemuda-pemuda yang berilmu, beramal dan berjihad.



Ustaz Abdullah Fahmi menjuarai tilawah al-Quran di Kuwait pada April 2019.

Atas kejayaan itulah, kita sudah dapat menikmati hasilnya apabila tokoh-tokoh pemimpin pemuda lahir dalam pelbagai bidang. Dalam kalangan pemimpin politik misalnya, kita telah mempunyai Ustaz Ahmad Fadhlil Shaari, mantan Pengarah U-BeS yang kini Ahli Parlimen Pasir Mas. Dalam kalangan asatizah, kita memiliki Ustaz Abdullah Fahmi yang menjuarai tilawah al-Quran di Kuwait baru-baru ini. Ustaz Mohd Zaki Zakaria, pemilik syarikat Percetakan Azkia yang juga Presiden Dewan Usahawan Kelantan (DUKE) pula adalah tokoh dalam bidang perniagaan dan keusahawanan.

Dalam pergerakan sosial pula, muncul tokoh seperti Nazman Che Ibrahim, Presiden Kelantan Care. Selain itu, beberapa tokoh pemuda yang turut mencipta nama ialah Nik Asmawi Nik Lah yang merupakan Tokoh Amal Kelantan, dan Muhamad Ridzwan Hafizu Azhari merupakan CEO RH Niaga Properties Sdn.Bhd., sebuah syarikat perumahan yang sedang meningkat naik. Bahkan, dalam bidang-bidang lain seperti kepemimpinan NGO, khidmat masyarakat, pejuang budaya, ahli profesional, teknokrat dan lain-lain, kita turut melahirkan tokoh-tokohnya.

### Pengukuhan tarbiah pemuda Kelantan

Pencapaian positif dalam membangunkan pemuda di Kelantan perlu diperluas dan diperkuuhkan lagi dengan memastikan program tarbiah dilaksanakan secara menyeluruh kepada generasi pelapis. Hal ini sangat penting kerana generasi baharu bukan sahaja berhadapan dengan cabaran teknologi yang lebih hebat, tetapi juga cabaran pemikiran. Perluasan dan pengukuhan program tarbiah dapat menampung keperluan ini.

Langkah U-BeS misalnya, mengadakan Kolej Gentera adalah satu pendekatan yang sangat baik bagi melahirkan pemuda yang berkemahiran dan berketerampilan dalam pelbagai bidang. Pihak kerajaan juga boleh memberikan fokus untuk menggerakkan tarbiah secara khusus kepada remaja dalam kalangan pelajar YIK bagi meningkatkan kefahaman dan menggerakkan kesedaran Islam. Dalam masa yang sama, usaha untuk membendung sebarang anasir yang merosakkan pemuda mesti ditingkatkan oleh kerajaan supaya usaha melestarikan tarbiah pemuda ini tidak terganggu. □



Kolej Gentera adalah program berbentuk kolej pengajian. Peserta dide dahkan dengan ilmu pengajian yang berpaksikan nilai-nilai Islam.



Usaha kerajaan negeri Kelantan dalam mendidik pemuda sebagai generasi pelapis melalui Program Transformasi Anak Muda Kelantan Integriti (TAMKIN) yang diadakan di setiap DUN.

# PENGARUH ULAMA KELANTAN

## WASILAH DAKWAH BERTERUSAN

Oleh: Aslani Muliq Foto: Ahmad Naime Muhammad & Majlis Agama Islam Kelantan



Pusat pengajian pondok di Pasir Tumbuh.



Pelajar-pelajar di pondok Dabong sedang bersiap untuk menyambung pengajian.

Kelantan dicatat sebagai tempat persinggahan pedagang Islam sebelum tahun 577 Hijrah atau 1161 Masihi. Ia membuktikan Kelantan sebagai kerajaan Islam pertama di Tanah Melayu. Penemuan sekeping dinar emas di bekas tapak Istana Kubang Labu pada tahun 1914 memperkuatkan lagi bukti sedia ada.

Lebih membanggakan, refleksi kegemilangan perkembangan Islam di Kelantan terpancar menerusi kewujudan Masjid Kampung Laut yang kini berusia lebih 300 tahun membuktikan Islam sudah lama berkembang di Kelantan. Tidak terkecuali, Masjid Muhammadi dan Masjid Langgar juga memainkan peranan utama sebagai pusat perkembangan awal merancakkan aktiviti penyebaran dakwah Islam di negeri tersebut.

Begitu juga gelaran Serambi Mekah muncul selepas pelajar dari pelbagai tempat termasuk Kampar, Sumatera, Kemboja dan Patani mendalami ilmu agama di Kota Bharu terutamanya di Masjid Muhammadi.

Tambah signifikan apabila pengaruh ulama turut menembusi tembok istana yang mana Sultan Muhammad II, Sultan Mansur dan Sultan Ahmad mempunyai hubungan rapat dengan ulama. Ketika itu ajaran Islam diamal dalam pemerintahan. Manakala perundungan Islam pula diamalkan secara meluas pada zaman Sultan Muhammad 1 (1800-1837). Baginda melantik ulama sebagai penasihat dalam pentadbiran negeri. Bahkan jawatan mufti, hakim dan penubuhan mahkamah Syariah muncul pada zaman pemerintahan Sultan Muhammad II (1837-1886).

Selaku tonggak pemerintahan negeri, Sultan turut berperanan menghantar Syeikh Haji Abdul Halim mendalami ilmu agama di Mekah pada abad ke-18. Sekembali dari Mekah, beliau menyampaikan dakwah kepada masyarakat di Kelantan. Demikian juga Syeikh Abdul Rahman yang mempelopori pendidikan Islam dengan mengajar di istana dan surau.

Malah ulama itu juga mengajar agama sehingga ke Thailand apabila ramai tok guru pondok mula merantau untuk menyebarkan dakwah, kesan daripada kepesatan tradisi pusat pengajian pondok pertama yang dibina di Kelantan pada tahun 1820 yang ddasaskan oleh Tuan Guru Abdul Samad Abdullah dilikuti Pondok Tok Bachok yang dibangunkan oleh Haji Othman Haji Muhallad sekitar tahun 1900. Dilikuti Pondok Haji Abd Malek di Kampung Sungai Pinang, Tumpat yang diasaskan oleh Haji Abdul Malik Hassan (1907). Pondok Haji Yusof pula dibina di Pulau Ubi, Tumpat pada tahun 1908. Di Kota Bharu, terdapat Pondok Kubang Pasu, Pondok Sungai Budur, Pondok Kampung Banggol, Pondok Tuan Padang dan Pondok Tok Semian.

## Bermula era Tok Kenali

Pada era kedua, muncul antara ulama tersohor di Kelantan iaitu Tok Kenali (1870-1933) atau nama sebenarnya Haji Mohamad Yusuf bin Ahmad kelahiran Kampung Kenali, Kubang Kerian pada tahun 1287 Hijriah (1870). Beliau mengembara mencari ilmu di Mekah selama 22 tahun. Tok Kenali sezaman dengan Tuan Husein Kedah, Pak Wan Sulaiman, Haji Abdullah Fahim (Mufti Pulau Pinang), Haji Abu Bakar Alim (Muar) dan Haji Mat Shafie Losong (Terengganu).



**Haji Mohamad Yusuf bin Ahmad lebih dikenali dengan panggilan Tok Kenali (1870-1933).**

Tok Kenali begitu alim dalam ilmu tatabahasa Arab meliputi nahu dan saraf kemudiannya menjadi kurikulum pengajian pondok. Malah beliau juga yang tersohor sebagai Haji Awang Kenali berusaha menyerap daya fikir orang Melayu dalam majalah Pengasuh yang mana beliau merupakan pengarang pertama majalah tersebut.

## Melahirkan pelapis

Tok Kenali dianggap berjaya melahirkan ramai ulama pelapis termasuk Haji Abdullah Tahir Bunut Payong, Haji Yusoff Padang Bemban, Haji Daud Bukit Abal, Haji Abdul Rahman Lubok Tapah, Haji Wan Abdul Latif Jerteh, Haji Zainal Abidin Dungun, Dato' Haji Hasan Yunus al-Azhari (Menteri Besar Johor) dan Dato' Abdul Rahim Yunus (Mufti Johor). Anak murid Tok Kenali antara yang dikenali ramai iaitu Haji Yaakub Lorong Gajah Mati. Nama sebenarnya ialah Haji Yaakub Haji Ahmad tinggal di Lorong Gajah Mati, Kota Bharu. Beliau pernah berkhidmat sebagai kerani di Mahkamah Syariah Kota Bharu.

Pada tahun 1922, beliau dilantik sebagai guru di Madrasah Muhammadiyah dan kemudian pada 1

Januari 1940, beliau mengajar pula di Jami' Merbau al-Ismaili (Maahad Muhammadi) dan dilantik menganggotai Jemaah Ulama MAIK bermula tahun 1932.

Ulama yang dikenali ramai pada akhir abad ke-19 antaranya Haji Abdul Malek Sungai Pinang (1834-1934). Nama penuhnya Haji Abdul Malek Hasan dilahirkan di Kampung Sungai Pinang, Tumpat dan berpeluang menimba ilmu agama di Patani dan Mekah selama 14 tahun. Beliau begitu alim mengenai al-Quran dan kitab Jawi.

Beliau juga merupakan panel ulama yang dijadikan rujukan oleh Sultan Mansor Ibn Sultan Ahmad sekitar tahun 1890-an berkaitan penguatkuasaan undang-undang Islam seperti hukuman hudud kepada pencuri. Pembunuhan juga diarak keliling pekan. Hukuman takzir turut dikenakan ke atas mereka yang tidak berpuasa, manakala wanita yang tidak menutup aurat dilumurkan tar.

Tok Khatib Masjid Muhammadi yang dikenali ramai pada dekad 1940-an iaitu Haji Ismail Pontianak. Gelaran Haji Ismail Pontianak kerana beliau bermastautin di Pontianak (Kalimantan Barat). Pernah dilantik sebagai Mufti di Pontianak sekitar tahun 1910-1935. Selepas pulang ke Kelantan, beliau berkhidmat dengan Majlis Agama Islam (MAIK) Kelantan pada 1 Januari 1940. Kemudian menganggotai Jemaah Ulama' MAIK. Beliau dilantik sebagai khatib di Masjid Muhammadi pada 1 Mei 1943. Haji Ismail berkhutbah tanpa teks secara spontan. Keupayaan itu membolehkannya dilantik sebagai guru agama dan imam di istana oleh Sultan Ibrahim.

## Ulama abad ke-20

Pada pertengahan abad ke-20 muncul seorang lagi anak murid Tok Kenali yang mahir dalam bidang tatabahasa Arab iaitu Haji Mohd Ali Solahuddin Awang yang dilahirkan di Pulau Pisang, Badang, Kota Bharu. Kelebihannya dengan ilmu saraf sehingga digelar "Tok Sibaweh". Beliau membina Madrasah al-Falah (Pondok Pulau Pisang) di Telok Chekering, Pulau Pisang. Beliau dipilih menganggotai Jemaah Ulama MAIK.

Guru pondok yang dikenali ramai di Tumpat iaitu Haji Abdul Rahman Haji Osman atau Tok Selehor. Beliau juga terkenal dengan panggilan Haji Abdul Rahman Syair atau Tok Syair kerana kepandalannya mengarang syair. Beliau mendalami ilmu agama dengan Haji Abdul Malek Sungai Pinang. Beliau juga belajar di Pondok Cha-ok, Patani dan mendalami pengajaran agama di Mekah selama 18 tahun. Setelah pulang ke tanah air pada tahun 1921 beliau membuka pondok di pinggir Sungai Selehor. Beliau seorang yang alim dalam bidang tasawuf. Kitab Ihsanuddin dan Syarh Hikam Ibn Ata'Allah diajar di pondok tersebut.



**Tok Selehor @  
Haji Abdul Rahman  
Haji Osman  
(1871-1935)**



**Tuan Guru Haji Abdul  
Rahman Haji Che Wan,  
Lubok Tapah  
(1902-1989)**



**Haji Ismail Abdul Majid  
@ Haji Ismail Pontianak  
(1882-1950)**



**Haji Daud Haji Umar  
Bukit Abal  
(1903-1976)**

Tok Selehor dikenali sebagai seorang ahli sufi yang zuhud. Beliau menggali sebuah lubang khas di kawasan perkuburan Islam berhampiran Pondok Selehor yang dijadikannya tempat bersuluk.

Di Kota Bharu pula muncul Haji Abdullah Tahir Bunut Payong. Beliau dilahirkan di Kampung Sireh, Kota Bharu pada 20 Muharam 1315 (20 Jun 1897). Selepas berguru selama 15 tahun dengan Tok Kenali, beliau mengembara ke tanah suci Mekah. Setelah pulang ke Kelantan, beliau mengajar halaqat kitab di Masjid Muhammadi. Pada tahun 1931, beliau mengajar di Pondok Bunut Payong yang dikenali sebagai Madrasah Ahmadiah. Haji Abdullah terkenal sebagai seorang tok guru yang tekun mengajar dan mengamalkan disiplin yang tegas. Beliau juga dilantik menganggotai Jemaah Ulama MAIK.

Antara ulama yang dikenali ramai sebagai pengamal tarekat Ahmadiyah pada awal abad ke-20 termasuk Haji Daud Bukit Abal (1906-1976) atau nama sebenar ialah Haji Daud Shamsuddin Haji Omar al-Libadi. Selain itu Haji Awang Lambor (1900-1963) atau nama sebenar ialah Haji Abdullah Haji Omar dilahirkan di Kampung Padang Merbau, Lambor, Wakaf Bharu. Allahyarham pernah berguru dengan Tok Kenali dan Tok Selehor, malah belajar agama di Mekah selama 9 tahun dan mendirikan pondok Lambor yang menjadi tumpuan ramai pelajar.

Mufti Haji Wan Musa (1875-1939) juga seorang ahli tasawuf terkenal sezaman dengan Tok Selehor. Nama penuhnya Haji Wan Musa Haji Abdul Samad. Haji Wan Musa rakan seperguruan Tok Kenali, terkenal fikiran yang berani dan kontroversi. Dilantik sebagai Mufti Kelantan pada tahun 1909.

Ulama lain yang tidak kurang hebat termasuk Haji Saad Kangkong (1893-1943), Sheikh Osman Jalaluddin al-Kalantani (1880-1952) dilahirkan di Kampung Panjang, Daerah Sering Kota Bharu. Selepas kembali dari Mekah, beliau membangunkan Madrasah Manabi' al-Ulum pada tahun 1932 di Penanti, Bukit Mertajam.

#### Era 1990-an

Banyak pusat pengajian pondok tradisional tidak mampu bertahan selepas kematian tok guru dan perkembangan pendidikan moden. Bagaimanapun setelah Kelantan diketuai kepimpinan ulama pada akhir tahun 1990, usaha bagi memperkasakan kembali institusi pengajian pondok disemarakkan semula. Penubuhan Pusat Pembangunan Pondok Berhad (PPPBP) pada 22 April 1995 membantu usaha tersebut.

Hampir keseluruhan pondok yang terdapat di Kelantan bernaung di bawah PPPBP. Kerajaan negeri juga meluluskan kawasan pembalakan seluas 1,000 ekar untuk dijadikan modal awal bagi menggerakkan institusi pondok. Bahkan mulai tahun 2017, seramai 68 guru pondok menerima eluan bulanan daripada kerajaan negeri. Mudir pondok menerima RM1,000 sebulan, timbalannya (RM500) dan tenaga pengajar (RM300).

#### Berkembang pesat

Hasil usaha tersebut membolehkan institusi pondok berkembang semula di Kelantan. Malah sehingga sekarang ulama terus berbakti kepada masyarakat termasuk Dato' Wan Muhamad Wan Osman di Pondok Pasir Tumbuh, Dato' Dr. Abdul Basit Abdul Rahman (Pondok Sungai Durian), dan Dr. Lukman Abdullah (Pondok Lubok Tapah, Pasir Mas). Selain itu Tuan Guru Haji Awang Yusuf (Pondok Gelang Mas, Pasir Mas), Tuan Guru Haji Muhamad (Pondok Berangan, Tumpat) dan Ustaz Mohd Jalaludin Assayuti Mohamed (Pondok Beta Hilir, Kota Bharu).

PPPBP juga membantu pembangunan pondok-pondok baharu yang semakin berkembang pesat di Kelantan sehingga melewati Gua Musang dan Jeli. Kegemilangan itu tidak mampu dinafikan berlaku di bawah era kepimpinan para waris ulama yang telah menjadi umara sekarang. ■



## KELANGSUNGAN UMARA KELANTAN

Oleh: Mustaqim Amir Azuar Mohamed

Persidangan yang pertama bagi Dewan Negeri Kelantan ke-lapan pada 1 Jamadil Awal 1411 bersamaan 18 November 1990.

*"Maka hadapkanlah wajahmu dengan lurus kepada agama (Islam), (mengikut) fitrah Allah disebabkan Dia telah menciptakan manusia menurut (fitrah) itu. Tidak ada perubahan pada ciptaan Allah. (Itulah) agama yang lurus, tetapi kebanyakan manusia tidak mengetahui" – Ar-Rum: 30*

Firman Allah SWT itu dengan jelas mengatakan agama tidak dapat dipisahkan daripada kehidupan manusia. Agama adalah panduan hidup dan tentu sekali ia turut meliputi aspek pentadbiran dan politik. Islam sepatutnya diterima bukan hanya sebagai agama, bahkan sebagai gaya hidup masyarakat kerana kehidupan yang berpaksikan ajaran agama pastinya akan menjadi yang terbaik.

Bermula pada tahun 1990, kerajaan negeri Kelantan cuba membudayakan Islam di negeri ini melalui dasar Membangun Bersama Islam (MBI) yang berpaksikan prinsip Ubudiyah, Masuliyyah dan Itqan (UMI). Ia adalah sebuah dasar pentadbiran Islam yang diperkenalkan oleh mantan Menteri Besar, Allahyarham Tuan Guru Dato' Bentara Setia Haji Nik Abdul Aziz Nik Mat bersama barisan umara negeri Kelantan.

Dasar MBI menentukan hala tuju kerajaan negeri dan bertujuan menyelamatkan rakyat daripada gelombang kemungkaran. Melalui dasar ini, kerajaan negeri bergerak secara proaktif untuk menghapuskan kegiatan riba, judi dan maksiat walaupun terdapat penentangan. Boleh dikatakan, MBI adalah sebuah dasar politik yang tidak tunduk kepada tekanan kebendaan keterlaluan.

### Islam dalam pentadbiran politik

Keunggulan Islam sebagai tunjang pemerintahan telah terbukti sejak zaman pemerintahan Rasulullah SAW (622-632 Masihi) dan Khulafa ar-Rasyidin (632-661 Masihi) lagi. Di Nusantara, Kesultanan Demak (1478-1549 Masihi) mungkin boleh dianggap sebagai contoh

terbaik. Empayar Demak sangat terkenal dalam landskap sejarah sebagai sebuah kerajaan Islam yang kuat di Nusantara sehingga berjaya mengalahkan Empayar Majapahit (1293-1527 Masihi).

Dengan Wali Bersembilan (Wali Songo) sebagai Lembaga Penasihat, Empayar Demak di bawah pemerintahan Raden Patah (1455 - 1518 Masihi) menjadikan Islam sebagai tunjang pemerintahan, pentadbiran, politik dan sosial. Ia telah berjaya mencorakkan budaya hidup masyarakat Jawa ketika itu mengikut acuan Islam. Sistem pemerintahan sebeginilah dilihat mahu dilaksanakan di Kelantan melalui dasar MBI.

Namun sistem politik moden telah mewujudkan krisis ketara antara peranan kerajaan dan institusi keagamaan. Ia menyebabkan fikiran rakyat bercelaru dan menolak peranan agama dalam sistem politik kene-garaan. Inilah cabaran terbesar yang perlu dihadapi oleh kerajaan negeri dalam menjayakan dasar MBI dan membudayakan Islam di Kelantan.

Kerajaan negeri Kelantan berhasrat memperbetulkan tanggapan yang mengatakan Islam tidak boleh berperanan dalam urusan pentadbiran. Antara langkah yang diambil adalah dengan menjadikan seluruh kegiatan kerajaan negeri selaras dengan ajaran Islam. Kerajaan negeri juga menjadikan al-Quran dan sunnah sebagai rujukan tertinggi di samping meningkatkan aktiviti kebajikan serta mempergiatkan program pembasmian serta pencegahan maksiat.

### Kelangsungan pentadbiran dan politik Islam

Pada peringkat awal, pelbagai kontroversi menyelubungi pentadbiran kerajaan negeri Kelantan yang diterajui Parti Islam Se-Malaysia (PAS) di bawah kepimpinan Allahyarham Tok Guru Dato' Bentara Setia Haji Nik Abdul Aziz selaku Menteri Besar. Banyak pihak meramalkan kerajaan negeri Kelantan

di bawah kepimpinan beliau hanya dapat bertahan selama tiga bulan. Namun Allahyarham Tok Guru membuktikan, kepimpinan ulama yang meletakkan Islam sebagai tunjang pentadbiran serta al-Quran dan sunnah sebagai rujukan tertinggi terus bertahan sehingga kini.



#### Kelangsungan pentadbiran dan politik Islam bermula setelah Allahyarham Tuan Guru Haji Nik Abdul Aziz Nik Mat bergelar Menteri Besar Kelantan kelima.

Penonjolan kepimpinan Allahyarham Tok Guru amat ketara setelah mendapat mandat menerajui kerajaan negeri. Bermula tahun 1990 sehingga penggal akhir pentadbirannya, sudah banyak cetusan idea dan pemikiran bellau menjadi kenyataan. Falsafah politik Islam yang dipegangnya menjadikan bellau berani melakukan perubahan.

Corak kepimpinan Allahyarham Tok Guru menjadi perhatian dan dianggap mempunyai rahsia tersendiri yang menarik untuk dikaji, terutama dari sudut falsafah, gaya kepimpinan dan pendekatannya. Ringkasnya, masyarakat ingin melihat bagaimana seorang ulama mentadbir sebuah kerajaan. Bagi Allahyarham Tok Guru sendiri, bellau menganggap tugasnya dalam kerajaan adalah memastikan ajaran Islam terlaksana sepenuhnya mengikut kemampuan yang ada.

Politik Islam bertanggungjawab menjana kualiti kepimpinan seperti mana disebutkan dalam surah al-Maidah, ayat 88: "Sesungguhnya penolong kamu hanyalah Allah, Rasul-Nya dan orang-orang yang beriman, yang mendirikan solat dan menunaikan zakat, seraya mereka tunduk (kepada Allah)".

#### Membentuk jiwa kepimpinan Islam

Allahyarham Tok Guru yakin kepimpinan yang bersih jiwa, harta dan persekitaran dapat menjalankan tugas dengan sempurna sekali gus mampu menjaga kepentingan rakyat.

Satu kata-kata yang sentiasa disebut oleh Allahyarham dalam kempen-kempen politiknya adalah, "kalau kita mahu rakyat mengundi kita, tidak perlu kita beri rasuah wang dan sebagainya. Yang penting kita ikatkan pengundi kita dengan kebenaran Islam sehingga tidak payah menyogokkan sebarang bentuk rasuah".

Antara polisi yang diperkenalkan oleh Allahyarham Tok Guru dalam pentadbiran kerajaan negeri Kelantan adalah budaya pengajian dan penambahan ilmu kepada pegawai kerajaan. Ia dilihat sebagai suatu tuntutan dalam pengurusan pejabat. Ini kerana ilmu dan iman dapat membimbing hati dan jiwa mereka kepada pembangunan diri yang sebenar.

Satu lagi polisi yang diperkenalkan oleh Allahyarham Tok Guru adalah menghapuskan amalan memberikan cenderamata kepada pemimpin kerajaan semasa lawatan rasmi. Ia adalah untuk menjaga para pemimpin kerajaan daripada terjerumus ke dalam perlakuan buruk dan rendah nilai seperti rasuah. Polisi ini dilihat sangat baik dan perlu diteruskan dari semasa ke semasa.

**Allahyarham Tok Guru sangat serius dalam usaha membina sifat ketakwaan dalam kalangan pemimpin kerajaan.** Antara ungkapan utama bellau dalam perkara ini adalah mutiara kata daripada Saidina Ali iaitu: "Orang yang takut (takwa) kepada Allah, maka semua benda akan takut kepadanya, sebaliknya orang yang tidak takut kepadanya Allah, maka dia akan takut kepada semua benda".

Sifat takwa telah dilatih sejak azali dalam diri Allahyarham Tok Guru sebagai ulama, pemimpin masyarakat dan peneraju kerajaan. Andal disoroti kehidupan harian bellau, kita akan dapat bahawa penghayatan takwa dalam hidupnya amat menarik. Jadual aktiviti harian bellau bermula dengan bermunajat kepada Allah SWT seawal pukul tiga pagi. Ini dilaksanakan secara konsisten oleh Allahyarham dan merupakan sesuatu yang sukar dilakukan oleh kebanyakan orang.

#### Kepentingan ilmu dan pembangunan insan

Ideologi yang mengatakan Islam tidak mempunyai wibawa dalam pentadbiran telah membangkitkan kesedaran terhadap kepentingan ilmu dan pembinaan modal insan berketerampilan. Bertitik tolak dari situ, kerajaan negeri Kelantan di bawah kepimpinan Allahyarham Tok Guru dan melalui dasar MBI meletakkan pembangunan insan sebagai agenda utama. Ia merangkumi segenap lapangan hidup dan bukan sekadar dalam urusan ibadah.

Pembentukan seramai mungkin modal insan berketarampilan dari segi keimanan dan ketakwaan dilihat sebagai kunci bagi menjayakan falsafah dasar MBI. Allahyarham Tok Guru tetap mengagungkan martabat ilmu tanpa mengira setinggi mana kuasa

politik yang diperoleh. Ia merupakan intipati falsafah kepimpinan beliau dan Allahyarham cukup yakin dengan janji Allah yang akan mengangkat tinggi martabat orang berilmu serta beriman sepetimana ditegaskan dalam surah Al-Mujadalah, ayat 11:

*"Supaya Allah meninggikan darjat orang-orang yang beriman di antara kamu dan (Allah meninggikan) orang-orang yang diberi ilmu pengetahuan agama (dalam kalangan kamu) beberapa darjat dan (ingatlah) Allah amat mendalam pengetahuan-Nya tentang apa yang kamu lakukan".*

Kepimpinan Allahyarham Tok Guru telah mencetuskan dimensi baharu dalam politik dan pentadbiran Kelantan. Pentadbiran ulama dengan ciri-ciri keilmuan mendalam sebagai peneraju kerajaan dan Islam sebagai landasan politik serta pentadbiran semasa. Dasar MBI yang diperkenalkan menepati kehendak politik Islam, sekali gus dianggap kejayaan Allahyarham dalam arena politik dan pentadbiran.

### **MBI penuhi kehendak dan cita rasa masyarakat**

Dasar MBI adalah asas penting dalam menentukan hala tuju pentadbiran kerajaan negeri Kelantan. Ia berjaya melahirkan banyak produk pentadbiran Islam dalam dimensi baharu yang dapat memenuhi kehendak serta cita rasa masyarakat. Penerimaan masyarakat terhadap produk pentadbiran ini telah mengikat dan memantapkan sokongan mereka terhadap kerajaan sedia ada.

Masyarakat mempercayai konsep keberkatan dalam amalan politik Islam dan kepimpinan ulama. Kerajaan negeri sendiri mengakui dan menerima konsep keberkatan dalam pentadbiran. Elemen berkat adalah faktor penting dalam membantu kemajuan, kesejahteraan, keharmonian dan kejayaan polisi. Malah kerajaan negeri percaya, tanpa keberkatan dan restu Ilahi, segala kerja pentadbiran tidak akan berjaya.

### **Merakyatkan MBI dan kelangsungan umara**

Masyarakat sentiasa menantikan kehadiran Islam dalam kerajaan dan mendokong setiap pembaharuan berunsur Islam yang dilaksanakan. Menyedari hakikat itu, kepimpinan Menteri Besar, Dato' Bentara Kanan Haji Ahmad Yakob merasakan sudah sampai masanya dasar MBI diperluaskan sehingga ke peringkat akar umbi. Bagi tujuan itu, beliau memperkenalkan pelan strategik Merakyatkan Membangun Bersama Islam (MMBI).

Antara matlamat utama dasar MBI sejak ia diperkenalkan adalah menyelamatkan rakyat daripada gelombang kemungkar dan merealisasikan pelaksanaan Islam secara menyeluruh. Demi mencapai matlamat itu, dasar MBI perlu dipastikan sampai dan diterima oleh rakyat secara menyeluruh dan bukan hanya berada pada peringkat pentadbiran kerajaan semata-mata. Usaha ini digerakkan melalui MMBI dengan tiga tonggak utama iaitu keberkatan, kemakmuran dan kebajikan.



**Majlis kesyukuran Satu Tahun Merakyatkan Membangun Bersama Islam.**

Melalui pelan strategik MMBI yang telah mula digerakkan ini, rakyat dilihat sudah menerima sistem pentadbiran Islam kerajaan negeri Kelantan dan dasar MBI. Kini kerajaan negeri perlu bergerak secara lebih proaktif dalam membangunkan sistem ekonomi, perdagangan dan perundangan Islam. Berdasarkan situasi semasa, perkara itu perlu disegerakan demi mencapai kemakmuran di bumi Kelantan.

Islam mampu membawa satu dimensi baharu dalam pentadbiran dan politik sekiranya diterajui golongan ulama berwibawa. Inilah inti pati politik Islam yang dibawa oleh Rasulullah SAW yang berjaya merubah landskap dunia sekali gus memastikan kelangsungan umara.

Berdasarkan penerimaan masyarakat, secara peribadi penulis berpendapat dan berharap agar pada suatu masa nanti, acuan pentadbiran tinggalan Rasulullah SAW dapat dikembalikan. Ini termasuklah mengembalikan masjid ke fungsi asalnya iaitu sebagai sebuah pusat pentadbiran serta pemerintahan dan bukan hanya dianggap sebagai tempat ibadat semata-mata. ■

### **Merakyatkan Membangun Bersama Islam**

*Antara perancangan strategik yang telah disusun :*





Oleh: Tuan Nurizan Raja Yunus

# Didikan orang lama: Fenomena balik kampung

..Wahai perantau-perantau di kota..Pulanglah ke desa berhari raya  
Ayah serta bonda amat mengharapkan....Kepulanganmu di hari bahgian..

Lagu "Indahnya beraya di desa" nyanyian Azlina Aziz benar-benar menggamit perasaan perantau untuk pulang meraikan lebaran bersama ayah bonda. Lazimnya pada minggu terakhir Ramadan, lagu-lagu raya makin riuh-rendah berkumandang di setiap corong radio.

Seni kata lagu tersebut memang menaikkan semangat warga perantau untuk mengisi dan mengemas beg masling-masing. Ukuran saiz dan jumlah beg yang memuatkan pakaian setiap ahli keluarga dan kelengkapan untuk ayah bonda serta keluarga di kampung menggambarkan keterujaan anak perantau untuk pulang beraya di desa.

Beg trolly 32 inci adalah yang paling sesuai bagi melakukan perjalanan jarak jauh, atau perjalanan dengan kereta, dek kerana barang terlalu banyak yang ingin dibawa pulang, beg umum tidak sesuai. Kalau but kereta tidak padat berisil beg-beg besar, seolah-olah bukan balik beraya namanya.

## Kemeriahinan luar biasa

Itulah senario kemeriahinan kebanyakannya warga kota yang mempunyai kecintaan mendalam terhadap keluarga dan desa kelahiran yang membuatkan mereka sanggup bersesak-sesak di jalan raya berbelas jam malah lebih, semata-mata untuk balik ke kampung pada musim perayaan atau cuti sekolah.

Sekiranya agenda balik kampung ini adalah yang pertama kali buat sesebuah keluarga, maka semasa sesi

mengemas pakaian, bersambung pula di dalam kenderaan, para ibu bapa tidak henti-henti ghairah bercerita pengalaman yang bakal anak-anak mereka rasai apabila sampai di kampung halaman mengenal kemeriahinan berbuka puasa bersama-sama datuk dan nenek, juadah kampung yang payah ditemui di bandar, kemeriahinan solat tarawih di balaisah dan bermoreh bersama jiran sekampung serta acara masak-memasak juadah untuk persediaan hari raya. Kesemua detik manis tersebut amatlah sukar dilupakan dan bakal menjadi nostalgia indah untuk dikenang selama-lamanya.

## Kesesakan jalan bukan halangan

Mengapa masih ramai yang tidak rasa kesesakan jalan sebagai satu halangan untuk pulang beraya di kampung? Solahuddin Zakaria, 41, dari Manek Urai, mengatakan balik kampung itu kewajipan. Menziarahi ibu ayah adalah rutinnya setiap bulan. Jadi kalau tidak balik pada musim perayaan, itu telah melanggar prinsipnya "taat kepada ibu ayah".

"Di kampung atau lebih tepat lagi musim raya sajalah kita dapat jumpa kawan-kawan lama dan saudaramara. Yalah, bila sudah dewasa masing-masing keluar dari kampung. Belajar, kemudian cari nafkah. Raya, boleh kata semua balik kampung. Waktu inilah kami dapat jumpa, boleh tahu perkembangan masing-masing. Memang sekarang ada kemudahan teknologi untuk berhubung, tapi tak sama. Jumpa depan-depan lebih nikmat!" sambung Solahuddin yang kini bermastautin di Damansara Damai.



Orang ramai sanggup beratur panjang di tol bagi memasuki lebuh raya untuk pulang ke kampung.

### Keistimewaan balik kampung

Apa istimewa balik kampung dan apa kurangnya beraya di bandar? Mengapa ramai penghuni kota sanggup menempuh kesesakan berjam-jam untuk beraya di kampung? Ada yang memandu dari Singapura ke Kampung Sabak, Pengkalan Chepa atau dari utara ke Pantai Timur, Kuala Lumpur atau dari mana sahaja untuk kembali ke negeri Cik Siti Wan Kembang. Pendek kata jalan raya pada musim perayaan menjadi sesak dari semua arah. Bermakna warga kota tidak lagi betah terus berada di kota pada hari cuti begitu.

Kelihatannya, balik kampung pada musim perayaan sudah menjadi rutin "wajib" apabila tiba-tiba musim perayaan kepada warga kota yang berasal dari kampung. Sejak merdeka tahun 1957, bandar merupakan tumpuan ramai. Justeru bandar adalah pusat pentadbiran juga pusat perkembangan akademik dan secara tidak langsung ekonomi akan berkembang di tempat ramai penduduk. Apabila adanya mobiliti masyarakat dari luar bandar ke bandar (bekerja atau menyambung pelajaran) bermakna telah berlaku satu perubahan nilai dalam diri mereka.

### Semangat patriotik

Perubahan itu tidak ketara pada lahiriah (walaupun ada) namun impak kepada kejawaan mereka jelas. Sayang kepada tempat lahir jadi lebih mendalam. Rasa patriotik itu perlahan-lahan berkumpul dalam hati. Pengalaman penulis sendiri, semasa mengembang ke Eropah terasa ada sesuatu yang menyulitkan. Menjaga pasport seperti menjaga nyawa, tidak boleh lalai walau seminit. Selalu berhati-hati walau di mana sahaja bimbang beg dicuri orang. Ketika itu hati terkenangkan Malaysia. Di sini, kita bebas ke mana-mana tanpa perlu risau apa-apa. Kalau pun beg dicuri, kita cuma perlu ke balai polis untuk buat laporan. Dengan lain perkataan, rasa sayangkan tanah air itu lahir secara alamiah.

### Fitrah insaniah

Dari sisi saintifik pula, otak manusia lebih dipengaruhi oleh lokasi-lokasi tertentu (contohnya tempat lahir) yang mana mereka hidup daripada idea abstrak dan terperangkap dalam kenangan. Bermakna, tidaklah pelik jika penghijrah-penghijrah tetap atau bermusim ini selalu memilih untuk menghabiskan cuti mereka di tanah kelahiran, lebih-lebih lagi pada cuti musim perayaan memandangkan musim perayaan inilah mereka dapat memutar kembali nostalgia lama bersama kawan-kawan atau sanak-saudara. Mereka akan bercerita kisah-kisah waktu kecil, remaja dan sebagainya. Mereka bertanya khabar dan saling mengunjungi. Menghidupkan budaya ziarah-menziarahi dengan itu akan merapatkan kembali silaturahim. Dalam pada berziarah itulah juga, golongan berada memberi kepada mereka yang kurang bernasib baik.

Konsep "memberi" ini juga boleh diperincikan yang mana bagi "orang bandar" (ada kerjaya di bandar) memberi ini menjadi lambang status dan mereka akan

dipandang dengan istimewa oleh orang kampung yang tidak berpendapatan tetap atau golongan tua (saudara mara atau orang kampung). Dilihat dari sisi positif, secara tidak langsung situasi itu memberi motivasi kepada mereka untuk terus meneguhkan ekonomi peribadi. Bila tidak terkenal pada peringkat lebih besar tetapi jika dipandang dalam kalangan keluarga pun sudah memadai.

### Gajet punca terperap

Namun bagi golongan muda daripada generasi XYZ pula, pandangan mereka tentang balik kampung agak berbeza. Lebih-lebih lagi anak muda yang lahir dan membesar di bandar, mereka terdedah kepada gajet dan hiburan tanpa had. Kawan-kawan mereka juga sama menyebabkan sudut pandang mereka juga hampir serupa. Pada mereka, mereka mesti dilayan sebagai orang dewasa yang ada kehendak dan mereka mahu kehendak mereka dihortati.

Maka, berlakulah hal balik kampung tetapi terperap di rumah. Ibu bapa menziarahi saudara-mara namun anak-anak tetap di rumah melayari internet atau menonton program hiburan sempena perayaan yang disiarkan melalui televisyen. Ada juga yang lebih selesa berhubung dengan kawan-kawan di luar negara melalui internet. Sementara bagi ibu bapa pula, asalkan anak mereka mahu balik kampung bersama, sudah memadai daripada beraya di bandar.

Keadaan ini boleh dipecahkan kepada dua lait u bapa yang lahir di kampung dan anak yang lahir di bandar. Anak-anak liat untuk balik kampung memandangkan mereka tidak ada kawan sebaya di kampung. Konfliknya di sini, dunia mereka dengan dunia ibu bapa berbeza. Namun, sekiranya ibu bapa bijak, anak-anak akan merasakan kampung ibu bapa juga kampung mereka. Apapun, peratusan keengganan ini tidak ada perangkaan tepat dan masih terkawal.

### Usaha untuk balik ke kampung

Buktinya setiap kali perayaan, masih ramai penghuni kota balik ke kampung. Misalnya musim perayaan Aidilfitri 2018, pengguna Lebuh Raya Pantai Timur 2 mencatat pertambahan kenderaan antara 45,000 hingga 50,000 buah sehari berbanding pada hari biasa hanya sekitar 15,000 kenderaan sehari (Berita Harian 13 Jun 2018). Ini bermakna, budaya balik kampung masih menjadi agenda utama pada sesetengah keluarga.

Klimaks fenomena keghairahan perantau pulang beraya di Kelantan turut diakui oleh Hazmi Hanipa, 31, dari Hazmi Dimasyq Group. 20 buah helikopter yang disediakan syarikatnya dengan tema "Balik raya elak jem" telah mendapat 11 permintaan penerbangan ke Kota Bharu pada Aidilfitri ini dengan tambang hampir RM30,000 sehala bermula pada Jun 2019 (Sinar Harian, 30 Mei 2019).

### Kekalkan budaya murni

Kesimpulannya, perkara pokok bagi konsep balik kampung ialah kebahagiaan berkumpul bersama keluarga dan sanak saudara dalam suasana kemesraan, harmoni, ceria dan penuh kasih sayang pada hari mulia.

Sebab itulah istilah "balik kampung" itu memberi kesan mendalam kepada jiwa perantau dari zaman berzaman hingga tak lekang dek panas, tak lapuk dek hujan. Mana ada istilah "balik bandar"?

Balik kampung sudah menjadi budaya murni yang wajar dikekalkan kerana dari sinilah anggota masyarakat dapat membentuk sahsiah terpuji termasuklah disiplin memandu yang amat perlu digarisikan sebagai satu pakej kegemiraan pulang ke kampung halaman. Tragedi boleh dielakkan dengan merancang perjalanan, urus selia kenderaan secara berkala dan sistematik serta menjaga kesihatan pemandu dan penumpang dengan baik. Selain pemanduan berhemat, amalan berjimat-cermat dan menjaga lisan juga tidak terkecuali dalam pakej seronok balik kampung berhari raya.

Apabila sikap dan pengurusan hidup diuruskan dengan baik, secara tidak langsung kita dapat mendidik dan membentuk generasi muda dengan keperibadian terpuji kerana mereka lah yang akan menentukan wajah negara bangsa pada masa hadapan. Jika kasih sayang dan tolak ansur berjaya disemai dalam jiwa mereka, penulis yakin mereka akan membesar dengan jiwa penyayang dan penyantun. Lalu, dengan kasih sayang itulah mereka akan menjaga negara nanti. Insya-Allah. ■



# INTEGRITI TADBIR URUS NEGERI: *Pencorak Legasi Teknokrat*

Oleh: Abuabdillah Alias

Kelantan merupakan negeri kedua terbesar peratus pengundi Melayu iaitu sebanyak 94.5% selepas Terengganu (95.92%). Kuasa politik di Kelantan sepenuhnya terletak di tangan pengundi Melayu. PAS (Parti Islam Se-Malaysia) ialah kuasa politik paling dominan di Kelantan sejak Pilihan Raya Umum (PRU) 1990 sehingga sekarang. Tidak dapat dinafikan PAS mempunyai pengaruh kuat di Kelantan khususnya ketika pentadbiran Kelantan di bawah pimpinan Allahyarham Ustaz Dato' Bentara Setia Haji Nik Abdul Aziz Nik Mat yang menjadi Menteri Besar sejak tahun 1990 hingga Mei 2013.

Penyertaan PAS dalam PRU 1959 telah memberi kejayaan besar apabila Terengganu dan Kelantan berjaya dikuasai. Di Kelantan, PAS berjaya bertahan sehingga Barisan Nasional (BN) mendaruratkan negeri Pantai Timur itu pada akhir tahun 1977. Pemerintahan PAS selama 19 tahun dari tahun 1959 hingga 1977 terhenti seketika, namun kembali diwarisi semula pada Oktober 1990 hingga kini. Kini sudah 29 tahun PAS memerintah Kelantan dengan dasar Membangun Bersama Islam.

## Sokongan pengundi muda

Dalam satu wawancara dengan akhbar harian Cina, bekas Menteri Kewangan, Tun Daim Zainuddin mengangkakan bahawa PAS akan kehilangan Kelantan pada PRU ke-14. Menurutnya, PAS tidak akan menang banyak dan gagal menjadi "king maker" atau penentu keputusan. Beberapa penganalisis politik turut mengandaikan gelombang kekecewaan rakyat terhadap pemerintahan PAS yang gagal mendengar denyut nadi permasalahan rakyat itu bakal diterjemah dalam bentuk penolakan pada PRU 14.

Ternyata Allah merancang sebaliknya, golongan muda dan pengundi luar menjadi faktor PAS mengekalkan pentadbirannya di Kelantan pada PRU 14 ini. Pesuruhjaya PAS Kelantan, Ustaz Dato' Bentara Kanan Haji Ahmad Yakob berkata, kebanyakan golongan muda didapati sudah mendapat kesedaran tinggi untuk mengundi PAS supaya dasar MBI dapat diteruskan. Berikut itu, PAS secara rasmi layak membentuk kerajaan selepas memenangi 37 daripada 45 kerusi Dewan Undangan Negeri (DUN) pada PRU 14.

Dalam PRU 14 kali ini, prestasi PAS bertambah baik dengan penambahan empat kerusi berbanding 33 kerusi (termasuk satu kerusi PKR) pada PRU 13. Malah PAS memperoleh majoriti lebih 5,000 di enam kerusi DUN Kelantan. Ini menunjukkan sokongan rakyat semakin bertambah, sekali gus memberi keyakinan kepada PAS mentadbir Kelantan berdasarkan dasar MBI.

## Budaya politik matang dan sejahtera

Rakyat juga lebih yakin dengan PAS apabila kepimpinan mengemukakan pendekatan politik matang dan sejahtera, ia mendapat sambutan yang baik dalam mencorak kepimpinan yang lebih berwibawa. Malah budaya politik matang dan sejahtera ini adalah asas kepada pembentukan kepimpinan teknokrat yang berjaya. Cadangan kerajaan teknokrat di Malaysia bertujuan menggabunggalinkan kelompok-kelompok pakar dalam bidang masing-masing serta mereka yang dipilih melalui sistem pilihan raya untuk duduk semeja dan berbincang bagi membangunkan negara bersama-sama.

Kelompok pakar ini akan diposisikan pada bahagian kumpulan utama jentera pelaksana dasar dan polisi kerajaan di samping bertanggungjawab mengendalikan urusan berdasarkan kepakaran yang dimiliki. Itu maksud sebenar yang disampaikan oleh Presiden PAS. Cadangan tersebut tidak sama sekali mewujudkan sistem kasta seperti yang didakwa oleh sesetengah pemimpin parti politik yang hanya mengutamakan kepentingan politik berbanding menghasilkan kaedah terbaik sebagai jalan keluar terhadap krisis politik yang semakin buntu dan akhirnya merugikan rakyat.

## Integriti yang optimum

Integriti adalah aset terbesar seorang pemimpin. Ia merupakan satu kualiti yang sangat kritikal pada

# LAPORAN KETUA AUDIT NEGARA 2018 SIRI 1

Prestasi Pengurusan Kewangan bagi tahun 2018  
7 Jabatan/Agensi mencapai tahap **CEMERLANG**  
5 Jabatan/Agensi pada tahap **BAIK**

| CEMERLANG  | ★★★    | BAIK  | ★★★    |
|--|--------|---|--------|
| JABATAN AIR NEGERI KELANTAN                          | 96.21% | MAJLIS DAERAH TANAH MERAH                     | 85.51% |
| JABATAN PENGAIRAN DAN SALIRAN NEGERI KELANTAN        | 95.94% | PEJABAT TANAH DAN JAJAHAN TANAH MERAH         | 84.47% |
| PERBADANAN PEMBANGUNAN LADANG RAKYAT NEGERI KELANTAN | 95.72% | JABATAN KERJA RAYA NEGERI KELANTAN            | 84.45% |
| JABATAN KEHAKIMAN SYARIAH NEGERI KELANTAN            | 95.00% | MAJLIS DAERAH JELI                            | 81.42% |
| PEJABAT MENTERI BESAR DAN SETIAUSAHA KERAJAAN NEGERI | 94.64% | JABATAN HAL EHWAL AGAMA ISLAM NEGERI KELANTAN | 80.31% |
| PEJABAT PEMBANGUNAN NEGERI KELANTAN                  | 93.80% |   |        |
| PEJABAT TANAH DAN JAJAHAN BACHOK                     | 93.51% |   |        |

zaman ini. Kebelakangan ini banyak diperkatakan mengenai isu yang melibatkan ketanggungjawaban serta integriti terutamanya dalam kalangan penjawat awam. Isu penyalahgunaan kuasa, pembaziran, pecah amanah, rasuah, penyelewengan dana awam walaupun dilakukan segelintir individu penjawat awam namun impak buruk dan tempilasnya tetap terkena kepada keseluruhan penjawat awam yang berada di negara ini. Sedangkan kebanyakannya penjawat awam masih mendukung dan mengamalkan prinsip integriti dalam melaksanakan tugas dan tanggungjawab.

Pejabat Menteri Besar Kelantan dan Setiausaha Kerajaan Negeri Kelantan menerima markah 99% bagi Prestasi Pengurusan Kewangan Berdasarkan Indeks Akauntabiliti 2016 dalam Laporan Ketua Audit Negara 2016. Markah itu adalah yang tertinggi berbanding negeri lain seperti Selangor (96.20%), Pulau Pinang (96.16%), Terengganu (94.50%), Johor (91.30%) dan Kedah (90.01%). Pada tahun 2017, Kelantan menerima markah 96.81% bagi Prestasi Pengurusan Kewangan berdasarkan Indeks Akauntabiliti 2017 dalam Laporan Ketua Audit Negara 2017 Siri 1.

Prestasi kecemerlangan pengurusan kewangan terus dikekalkan berdasarkan laporan Ketua Audit Negara 2018 Siri 1 dengan tujuh jabatan/agensi kerajaan negeri Kelantan mencapai tahap Cemerlang dan lima

jabatan/agensinya pada tahap Baik yang mana peratusan tertinggi 96.21% diperolehi melalui Jabatan Air Negeri Kelantan. Manakala Pejabat Menteri Besar dan Setiausaha Kerajaan Negeri Kelantan memperolehi 94.64%. Pencapaian ini adalah lebih baik berbanding tahun 2017.

## Belanjawan surplus

Kelantan juga turut mencatat belanjawan surplus dua tahun berturut-turut sebagaimana yang diumumkan oleh Dato' Haji Nazran Muhammad, Setiausaha Kerajaan Negeri Kelantan dalam Majlis Amanat Tahun Baharu 2019 dan Perhimpunan Penjawat Awam Negeri Kelantan menjelaskan bahawa prestasi kewangan kerajaan negeri tahun 2018 (sehingga 31 Disember 2018) menunjukkan surplus akaun semasa sebanyak RM40.45 juta berbanding tahun 2017 sebanyak RM38.82 juta.

Secara keseluruhannya, jumlah hasil yang dikutip pada tahun 2018 berjumlah RM586.81 juta iaitu meningkat sebanyak 5.48 juta atau 0.94% berbanding tahun 2017 berjumlah RM581.33 juta. Hasil utama pada tahun 2018 disumbangkan oleh hasil tanah sebanyak RM294.4 juta atau 50.16% daripada keseluruhan hasil sebenar yang dikutip.

### **Imitasi keagungan silam**

Dalam konteks kepimpinan yang berintegriti dan teknokrat hari ini, kita boleh mengambil contoh kepimpinan Sultan Muhammad Al-Fateh dan tenteranya yang berjaya menakluk Kota Konstantinopel. Sebenarnya, antara faktor besar yang menyumbang kejayaan tersebut adalah kesepaduan nilai integriti kepimpinan dan nilai integriti sepasukan yang cukup kental. Bellau juga sanggup bekerjasama dengan pakar senjata pada zaman itu walaupun bukan beragama Islam menerusi perjanjian yang cukup tegar. Hasilnya umat Islam berjaya menawan kota tersebut.

Ini bertepatan dengan hadis yang diriwayatkan oleh Imam Ahmad laitul "Berkata Abdullah bin Bisyr al-Khas'amiy daripada bapanya yang telah mendengar Nabi bersabda, yang bermaksud: Konstantinopel (kini Istanbul) akan dibuka (jatuh ke tangan tentera Islam), maka sebaik-baik raja adalah rajanya, dan sebaik-baik tentera adalah tentera itu" (Riwayat Muslim).

Selain itu, Nabi Muhammad juga pernah bersabda tentang amanah, yang bermaksud: "Tidak ada iman yang sempurna bagi orang yang tidak memiliki sifat amanah, dan tidak ada agama yang sempurna bagi orang yang tidak menepati janji" (Riwayat Ahmad).

### **Teras akal budi**

Budaya integriti ini adalah teras akal budi bangsa Melayu-Islam yang perlu dikekalkan demi kelestarian syariat Islam bukan sahaja di Kelantan malah di seluruh negara Malaysia. Bukan kerana mahu menjaga sesbuah parti, malah untuk menjaga kestabilan ummah dan syariat Islam sebagai agama persekutuan. Dengan kesungguhan para murabbi yang ada, kerjasama agamawan dan juga profesional perlu diperhebatkan agar rakyat dapat melihat hasil dan merasai impaknya. Tidak mustahil kepimpinan teknokrat ini mampu mentadbir negara selepas PRU 15 nanti. ■



# RAMADAN PESTA IBADAH

Kewarakan pemimpin diteladani rakyat

Chair. M. Radzi



Sambutan Ramadan di Serambi Mekah amatlah meriah kerana kehadiran Ramadan sangat dinantikan oleh seluruh penduduknya bagalkan mungkin durian luruh. Semua masjid dan surau penuh saf bagi setiap waktu terutama pada hujung minggu.

Masjid Muhammadi menjadi tumpuan utama umat Islam beriktitif sepanjang Ramadan. Tradisi ini dimulai oleh pelajar dari rantau Nusantara. Ada yang berasal dari Thailand, Indonesia, Brunei dan Singapura. Mereka mengembara ke Kelantan semata-mata mahu mendalam i ilmu agama. Mereka tidak perlu merantau jauh ke Mekah bagi melengkapkan ilmu di dada, memadai bertandang ke Kelantan yang tersohor dengan julukan Serambi Mekah.

Pada sekitar tahun 1917 hingga 1930, ramai ulama terkenal mencurah ilmu di Masjid Muhammadi khususnya pada bulan Ramadan. Antaranya Tok Kenali, Haji Wan Hassan Awang Kemboja, Haji Wan Daud Khatib, Haji Idris Hassan, Tuan Tabal dan Haji Wan Ali Kutan.

Selain itu Musa Abdul Rahman dan Ibrahim Yussof. Manakala guru al-Quran pula Haji Wan Mahmud Wan Abdul Kadir dan Haji Ahmed Hafiz. Mereka mengajar kitab secara halaqah di Masjid Muhammadi. Manakala, Tok Kenali mengajar kitab nahu (merujuk kitab Syuyuz dan Ibnu Aqil) dan fikah (Bajuri dan Iqna').

Suasana Ramadan di Masjid Muhammadi makmur sejak ia dibina pada tahun 1867 semasa zaman perintahan Sultan Muhammad II. Bermula tahun 1905, Masjid Muhammadi dikenali sebagai Masjid Besar Kota Bharu berkeluasan kira-kira 10,600 kaki persegi dan mampu memuatkan sehingga 2,400 jemaah pada waktu biasa dan akan melimpah sekali ganda jumlah sehingga ke sisi jalan raya apabila Ramadan tiba. Selain beribadah, sejak dahulu sehingga kini, pelancong meminati seni binanya yang hampir sama dengan Masjid Sultan Abu Bakar, Istana Negara yang lama dan bangunan stesen Keretapi Tanah Melayu.

Sejak awal lagi masjid yang diperbuat daripada kayu keras dan beratap genting senggora dan mempunyai serambi di bahagian hadapan ini memainkan peranan penting dalam penyebaran dan pendidikan Islam di Kelantan pada hari-hari biasa apatah lagi pada bulan puasa. Kerancakan aktiviti masjid makin bertambah pada tahun 1931 apabila binaan konkrit mulai dibina dan Masjid Muhammadi digantikan namanya sempena nama Sultan Muhammad IV.

### Ramadan di Masjid Negeri

Faktor kemeriahannya pesta ibadah sempena Ramadan di Kelantan juga disebabkan terdapat banyak institusi pengajian pondok tradisional. Contohnya Haji Wan Abdul Samad Muhammad Salleh telah merintis pengajian pondok di Pulai Chondong.

Rentetan perkembangan pesat institusi pondok marak memuncak pada abad ke-19 yang mana terdapat hampir 100 institusi pondok di Kelantan mencetuskan fenomena pesta ibadah dalam bulan Ramadan sejak dahulu dan berterusan sehingga sekarang. Cuma bezanya dahulu ahli ibadah dalam kalangan pelajar pondok, namun kini seluruh rakyat

saling berlumba menggandakan pahala setelah banyak mendalami ilmu melalui kuliah pagi Jumaat di Medan Ilmu. Inilah kesan positif dan barakah bagi rakyat di negeri yang diterajui oleh pemimpin bersifat ulama.

Bukan sahaja rakyat Kelantan, sebaliknya ramai juga datang dari negara jiran termasuk warga emas. Ruang terbuka di masjid-masjid seluruh negeri Kelantan memberi peluang kepada masyarakat beriktitif, malah ada yang bermalam di situ untuk menyertai program qiamullail yang diadakan.

Pada Ramadan sebelum ini juga pernah diadakan program *Quran Hour*, yang mana menyaksikan ramai jemaah hadir bagi menyokong agenda satu jam membaca al-Quran. Program tadarus diadakan pada setiap hari selepas solat Asar. Manakala iftar pula diadakan sepanjang Ramadan. Orang ramai datang seawal pukul 6.30 petang memenuhi ruang lapang di luar dewan solat untuk berbuka bersama jemaah lain. Moreh juga disediakan selepas tarawih.

### Lokasi lain juga meriah

Suasana serupa juga berlaku di masjid lain termasuk Masjid Telipot (Masjid Sultan Muhammad II) dan Masjid Kampung Sireh (Masjid Sultan Mansor). Kemeriahan Ramadan diraikan dengan tazkirah agama, kuliah, solat tarawih dan tadarus. Kuliah khas Ramadan diadakan selepas solat Jumaat di masjid tersebut.

Di Pondok Pasir Tumboh pula, kedatangan Ramadan diteruskan dengan tradisi ilmu dengan menekuni kitab Siraj al-Mubtadi, kitab Hidayah al-Sallikin dan Mazariul al-Muttaqin. Program itu dianjurkan sejak lebih 10 tahun lepas dan sambutannya begitu menggalakkan.

Kebiasaan pada bulan Ramadan, pelajar-pelajar pondok bercuti. Malah ramai pelajar yang diundang menjadi imam di masjid dan madrasah di kampung mereka sendiri.

### Solat tarawih di bawah khemah

Bermula pada tahun 1994, kelainan Ramadan di Kelantan paling dirasai apabila lokasi khas disediakan untuk orang ramai mengimarahkan bulan ibadat tersebut. Majlis Perbandaran Kota Bharu-Bandar Raya Islam (MPKB-BRI) menyediakan khemah khas berdiri di bahagian hadapan berhampiran Jalan Padang Garong Kota Bharu, bersebelahan stesen Bas SKMK dan Pasar Malam Parit Dalam bagi membolehkan orang ramai bersolat tarawih. Di khemah itu juga diadakan aktiviti iftar, tazkirah dan forum agama.

Idea cetusan Allahyarham Tuan Guru Dato' Bentara Setia Haji Nik Abdul Aziz Nik Mat itu bertujuan bagi memastikan orang ramai yang datang ke bandar juga berpeluang menuaikan solat. Begitu juga mereka yang menunggu bas untuk ke destinasi luar Kelantan.



Jemaah memenuhi setiap saf dalam khemah solat tarawih yang disediakan.

Lokasi tersebut berhampiran Pasar Raya The Store dan tidak jauh daripada pusat membeli-belah Pantai Timur dan Mydin. Suami yang datang meneman isteri dan anak-anak membeli-belah di pasar raya tersebut juga boleh menunaikan solat tarawih di khemah khas. Peniaga di Pasar Malam Parit Dalam juga mengambil peluang menunaikan solat di lokasi berkenaan.

### **Qaryah Ramadan**

Selama 11 tahun solat tarawih beroperasi di Jalan Pendek ia dinaik taraf kepada Dataran MPKB. Manakala pada tahun 2005, lokasi solat tarawih dipindahkan pula ke Dataran Stadium Sultan Muhammad IV yang dikenali dengan panggilan Qaryah Ramadan.



Orang ramai tetap melaksanakan solat tarawih biarpun berada di luar khemah.

Khemah solat tarawih yang disediakan lebih besar sehingga boleh menampung 1,800 jemaah. Pada tahun 2007, khemah tarawih turut dilengkapi penya-man udara.

Pada tahun 2008, khemah diperbesarkan sekali ganda lagi sehingga mampu menampung 2,800 jemaah. Pada tahun itu juga diundang imam dari Mesir iaitu Sheikh Ahmad Rejab Yassin Saad.

Daripada Qaryah Ramadan, namanya sekali lagi bertukar kepada Madinah Ramadan pada tahun 2014. Menurut mantan Exco Dato' Abdul Fattah Mahmood, nama baharu diberi sesuai dengan kemeriahannya umat Islam yang mewakili pelosok dunia merayakan pesta ibadah di lokasi tersebut seumpama di Madinah.

"Daurah al-Quran yang bermula pukul 8.30 pagi sehingga zuhur setiap hari masih diteruskan sejak tahun lepas. Pada tahun 2018, seramai 100 peserta menyertai daurah tersebut bagi mendalami al-Quran dan kupasan ayat-ayat yang dibaca." Hurai Abdul Fattah lebih lanjut.

Madinah Ramadan tidak pernah sunyi bermula pukul 8.30 pagi sehingga solat subuh. Selepas pukul 12 tengah malam pula diadakan "relay" pembacaan al-Quran melibatkan pelajar-pelajar sekolah tahliz dan ianya berlarutan sehingga sahur.

Keunikan tersebut membolehkan Madinah Ramadan memenangi gambar terbaik pada Persidangan Tourism Promotion Organization for Asia Pacific Cities (TPO) pada tahun 2013. Anugerah itu diterima oleh wakil kerajaan negeri pada persidangan yang diadakan di Busan, Korea Selatan.

### **Tadarus diketuai oleh Menteri Besar**

Meskipun menerima pucuk pimpinan baharu, keunikian dan keunggulan pesta ibadah Ramadan di Kelantan tetap meriah, malah pemimpin kerajaan negeri turut menyertai program tadarus al-Quran yang diadakan di setiap parlimen. Program itu diketuai oleh Menteri Besar, Ustaz Dato' Bentara Kanan Haji Ahmad Yakob. Ia bermula dengan solat Asar dan berakhir sehingga iftar.

Tadarus turut disertai pimpinan kerajaan negeri, wakil-wakil rakyat dan pegawai kerajaan. Ayat-ayat tertentu yang dipilih, dikupas secara mendalam bagi kefahaman orang ramai. Selain itu, kuliah khas selepas solat Zuhur juga diadakan di Dewan Zulkifli Muhammad, Pejabat Perhubungan PAS Kelantan. Program yang diadakan setiap hari itu turut melibatkan pimpinan kerajaan. Keunikan Ramadan di Kelantan turut mendapat perhatian rakyat Singapura yang mana mereka mengikuti penerbangan terus dari Singapura ke Kota Bharu melalui Firefly pada tahun 2013.

Pendek kata, fenomena kemeriahannya pesta ibadah seumpama ini tidak terdapat di tempat lain kecuali Kelantan yang mana rakyat dan pemimpin duduk satu saf, taat sepakat memuji, bersyukur dan memohon keampunan Allah SWT. Inilah keunikan perayaan pesta ibadah dalam bulan Ramadan di bumi Serambi Mekah. ■

100% PRODUK KELUARAN BUMIPUTERA

# Nutrifera

## Produk Kesihatan & Kecantikan Semulajadi Anda

### SET PENJAGAAN DIRI



Lipmatte



Foundation



Syampu VCO  
Nutmifera



Pencuci  
Muka



Minyak Aroma  
Terapi



Losyen Tangan  
& Badan



Minyak Kelapa  
Dara

Nutrifera  
COMEY

Foundation

Lipmatte

Blusher 3 In 1



Diedarkan Secara Eksklusif Oleh

 **BIO TAJMEEL  
COSMECEUTICAL  
SDN BHD.**  
(950256-H)

Cawangan Machang:  
Lot 3174, Batu 23 Jalan Kota Bharu, Machang,  
18500 Machang, Kelantan

**09-975 5280  
09-976 5280**

Cawangan Kota Bharu:  
Pejabat Tingkat Sawah Bangunan PMBK,  
Jalan Kuala Krai,  
15050 Kota Bharu, Kelantan

**010-828 8484**

 Nutrifera  nutrifera\_admin





**YB DATO' HAJI MOHD NASSURUDDIN BIN HAJI DAUD**  
Pengerusi Jawatankuasa Pembangunan Islam, Dakwah, Penerangan Dan Hubungan Seranta.

# USTAZ DATO' MOHD NASSURUDDIN DAUD

## (Panglima Perang) Singa negeri yang mengaum lantang

Oleh: Zanazanzaly

Foto: Koleksi peribadi Dato'

### Jawatan itu amanah bukan bermegah

Menyedari hakikat beratnya tanggungjawab yang dipikul sebagaimana dibahaskan dalam kitab karyangan Imam al-Ghazali itu, Mohd Nassuruddin berbasmallah dan terus membuka bicara pada sesi wawancara pada 25 April 2019 dengan membacakan matan hadis dengan terjemahan berikut:

*Daripada Abdul Rahman bin Samurah r.a bahawa Rasulullah SAW bersabda kepadanya, yang bermak-sud: "Wahai Abdul Rahman bin Samurah, jangan engkau meminta jawatan pemimpin. Sebab jika ia diserahkan kepadamu kerana permintaanmu, maka ia akan diserahkan bulat-bulat kepadamu. Sebaliknya jika ia diserahkan kepadamu tanpa permintaanmu, maka engkau akan diberikan pertolongan dalam melaksanakan tugasmu. (Hadis riwayat Bukhari dan Muslim).*

Oleh itu, bagi Mohd Nassuruddin, beliau adalah penggalas tanggungjawab dan memikul amanah bukannya kemegahan dan kemuliaan kerana ja-

Sejarah Islam dari Tanah Mekah merekodkan ke-masyhuran nama Saldina Hamzah bin Abdul Mutualib sinonim dengan gelaran *asadullah* bermakna Singa Allah disebabkan pembelaannya yang luar biasa kepada Islam, khususnya pada masa awal dakwah. Tidak terkecuali, negeri Serambi Mekah juga berbangga dengan singanya dalam susuk insan berusia 54 tahun bernama Ustaz Dato' Haji Mohd Nassuruddin bin Haji Daud (selepas ini disebut sebagai Mohd Nassuruddin) yang dilahirkan pada 4 Oktober 1965 di Kampung Meranti, Pasir Mas, Kelantan.

Umara berstatus ulama ini menggalas taklif sebagai Ahli Dewan Undangan Negeri (ADUN) Meranti selama 24 tahun merangkap Pengerusi Jawatankuasa Pembangunan Islam, Dakwah, Penerangan dan Hubungan Seranta Negeri Kelantan Darul Naim selama enam tahun.

Qiadah memfokus ketokohan Mohd Nassuruddin selaku pemimpin berdasarkan kupasan Imam al-Ghazali (1058-1111M) dalam kitabnya *al-Tibr al-Masruk fi Nasihat al-Mulk* bagi menyokong premis yang menggariskan taklif pemimpin yang sinonim dengan sifat dan prinsip amalan tokoh pemimpin pilihan Qiadah.

watan pemimpin itu adalah terbuka kepada mereka yang benar-benar layak menyandangnya.

"Pegangan ini saya warisi daripada Allahyarham ayah saya sebab itulah beliau sangat zuhud. Walaupun bergelar Yang Berhormat yang amat disegani rakyat, namun beliau tetap berselipar dan sanggup menaiki bas dari Pasir Mas ke Kota Bharu untuk menghadiri sidang DUN." Ujar pemimpin yang sejak berusia remaja biasa menemani ayahnya pergi kuliah seluruh masjid di Kelantan selama tujuh hari seminggu bagi tujuan melatih diri bersabar serta berkorban dalam urusan menyebarkan dakwah.

### Kolaboratif pemimpin dan sarjana

Imam al-Ghazali di dalam kitab tersebut turut menggalakkan para pemimpin agar menjalin hubungan akrab dengan golongan ilmuan. Hal ini bertepatan dengan penyertaan Mohd Nassuruddin dalam parti politik yang berorientasikan agama.

Katanya, walaupun Parti Islam Se-Malaysia (PAS) ditubuhkan di Pantai Barat (Gunung Semanggol, Perak) tetapi ia berkembang biak di Pantai Timur (Kelantan) kerana di sini terdapatnya pondok dan sekolah agama. Perjuangan PAS serasi dengan pengajaran dan pembelajaran para ulama (sarjana Islam) yang syumul dengan menerangkan Islam merangkumi persoalan hidup dan bernegara.

"Sebab itu Tuan Haji Amaluddin Darus yang mempelopori PAS di Kelantan telah berusaha mendekati tok-tok guru pondok untuk memimpin PAS termasuklah ayah saya, Tuan Guru Haji Daud bin Haji Yusoff yang belajar di Masjidil Haram dan Madrasah Darul Ulum, Mekah selama 16 tahun, adalah rakan karib beliau." Ujar pemimpin yang menerima didikan awal daripada bondanya, Hajah Che Limah Haji Ahmad, guru al-Quran yang bersuara merdu dan mahir bertarunum kerana mempelajarinya daripada qari tersohor antarabangsa iaitu Haji Ahmad Pergau.

#### Hindari kezaliman, angkuh dan menindas

Sebagaimana yang termaktub di dalam kitab *al-Tibr al-Masbuk fi Nasihat al-Mulk* yang menasihati para pemimpin dan pengikutnya agar menghindarkan kezaliman, demikian juga perjuangan Dato' Mohd Nassuruddin yang sentiasa berani, berkobar-kobar dan lantang menegakkan keadilan di dalam sidang DUN, mimbar kuliah dalam setiap majlis ilmu mahupun pentas ceramah politik dengan menyeru seluruh umat Muhammad SAW mengenal dan kembali kepada Allah secara kaffah (holistik) bukan mengambil ajaran Islam yang mana bersesuaian dengan nafsu sendiri. "Sebab itu pemimpin dituntut supaya tidak angkuh dan tidak menindas rakyat seperti kerajaan Pusat yang masih berdolak-dalik, menafikan hak royalti yang rakyat Kelantan wajib dapat," ujarnya penuh kesal.

#### Tegas berprinsip tetapi mesra rakyat

Pemimpin memahami pendirian pihak lain dengan cuba meletakkan diri dalam posisi mereka. Maksudnya jika ia tidak suka sesuatu terjadi kepada dirinya, maka janganlah ia merelakannya terjadi kepada orang lain. Memahami hal para pemimpin harus segera melayani keperluan orang lain itulah bermulanya penglibatan awal dalam arena politik Kelantan yang mana beliau dinasihatkan pulang oleh Menteri Besar Kelantan pada ketika itu yakni Allahyarham Tuan Guru Dato' Bentara Setia Nik Abdul Aziz Nik Mat untuk menyertai pilihan raya walaupun beliau masih menuntut ilmu di Timur Tengah.

Berkat mendengar kata orang tua-tua dan memenuhi permintaan masyarakat setempat, beliau memenangi Pilihan Raya Umum sejak tahun 1995 sehingga 2018 yakni enam penggal berturut-turut dengan majoriti besar kerana mendapat sokongan padu pengundi DUN Meranti.

"PAS dilabel sebagai parti lebai kampungan dan kita tidak pernah berkecil hati dengan gelaran tersebut malah berasa bangga menggalang gelaran "lebai" kerana kelompok inilah yang paling merakyat dalam hirarki sosial orang Melayu." Kata beliau dalam nada bergurau tapi amat mendalam maknanya.

#### Jauhi khianat

Imam al-Ghazali menasihatkan para pemimpin tidak tenggelam dalam keserakahan nafsu sehingga mengabaikan tanggungjawab. Pesanan ini sinonim dengan pegangan Allahyarham Tuan Guru Haji Daud Meranti sehingga sifat terpuji itu kuat mempengaruhi karakter Mohd Nassuruddin yang sejak kecil sehingga dewasa banyak menyalin perwatakan Allahyarham ayahandanya yang juga seorang ulama juga umara.



Aktiviti bersama rakyat menjadi rutin Mohd Nassuruddin.





Kuliah Tafsir mingguan di Masjid al-Ridhuan, Meranti.



Melawat mangsa kebakaran di Kampung Senor.



Minum petang di Kampung Tok Sangkut.



Menziarahi kematian di sekitar DUN Meranti.

Ibarat kuah tumpah ke nasi dan patah tumbuh hilang berganti, keperibadian mulia tokoh ini cekal menggalas amanah. Contohnya Allahyarham Tuan Guru Haji Daud sanggup berkorban demi memenuhi permintaan pimpinan PAS Kelantan dan rakyat mengharungi kesusahan akibat tiada kemudahan jalan darat untuk bertanding di luar kawasan yakni di Tumpat Barat (sekarang DUN Pengkalan Kubor) pada tahun 1959-1969 (dua penggal) sangat dihargai pengundinya.

Selama enam penggal berturut-turut majoriti kemenangan Mohd Nassuruddin masih utuh dan tidak susut lantaran kepercayaan pengundi atas sikap zuhudnya yang selalu meluangkan waktu mendampingi rakyat dengan saban minggu berceramah agama di Pusat Tarbiyah Nasrullah, Kampung Pohon Buloh, Pasir Mas.

Beliau amat dikasihi rakyat setempat atas sifat cepat bersimpati terhadap rakyat yang kezuruan, bersedia mengimamkan solat jenazah serta mesra rakyat dalam acara kenduri-kendara dengan berserban dan berkain pelekat serta memperjuangkan pembinaan kediaman mampu milik demi memenuhi mandat yang diberikan oleh rakyat.

#### Sebarkan kasih sayang dan empati

Selaku pemimpin, perlu bersikap penyayang dan bersimpati bahkan berempati kepada rakyatnya. Maka Mohd Nassuruddin berpendapat, menjadi pemimpin bermakna kita adalah qudwah (contoh ikutan) kepada ahli keluarga sendiri dahulu barulah kepada masyarakat awam. Jadi, kita "wajib" menjadi orang bertakwa barulah rakyat meniru untuk turut berperangai molek dan negeri akan baldatun toyyibatun warabbun ghafur.

*Sesungguhnya bagi kaum Saba' ada tanda (kekuasaan Tuhan) di tempat kediaman mereka iaitu dua buah kebun di sebelah kanan dan sebelah kiri. (Kepada mereka dikatakan): "Makanlah olehmu dari rezeki yang (dianugerahkan) Rabbmu dan bersyukurlah kamu kepada-Nya. (negerimu) adalah negeri yang baik dan (Rabbmu) adalah Rabb yang Maha Pengampun". (Surah Saba':15).*

"Kita mahukan negeri Kelantan dan negara Malaysia menjadi seperti negeri Saba' yang alamnya baik dan penduduknya soleh, sehingga mereka menerima kenikmatan sangat luar biasa. Namun, kita tidak mahu jadi seperti rakyat Saba' yang kemudiannya berpaling daripada mengingati Allah SWT, maka turunlah azab yang menghapuskan kenikmatan-kenikmatan yang sebelumnya mereka terima. Ini pelajaran sangat berharga bagi kita (umat manusia akhir zaman). Inilah petunjuk nyata yang kita wajib belajar dengan mengakrabi al-Quran dan Hadis." Hurai Mohd Nassuruddin panjang lebar ketika menjelaskan makna kepuasan sebenar yang berhak diberikan kepada rakyat dalam batas-batas yang ditentukan syarak.

## Sokongan padu semua pihak

Seterusnya kitab tersebut turut mengingatkan para pemimpin supaya mencari dukungan secara syarie. Mohd Nassuruddin bersyukur dianugerahi Ustazah Wan Hanita Wan Yaacob, 50, sebagai suri pendamping dan penyokong tegar perjuangan dakwah melalui platform siasah. Perkongsian hidup secara harmoni berkonsepkan *mawadah wa rahmah* sejak 29 tahun lalu dikurniakan cahaya mata seramai 4 orang lelaki iaitu Ahmad Syakir, 28, Ahmad Izzuddon, 24, Ahmad Syaraf, 22, dan Ahmad Najib, 20. Manakala puteri mereka seramai 3 orang bernama Salsabiela, 26, Nor Hanan, 18, dan Amanina, 16. Keluarga sakinah ini turut menerima rezeki kehadiran dua orang menantu berserta tiga orang cucu.

Amal bakti Mohd Nassuruddin kian merakyat dengan sokongan mantap masyarakat yang memberi kepercayaan kepada beliau merancakkan aktiviti kemasyarakatan dan pendidikan Islam melalui peranan sebagai Pengurus Maahad Tahfiz Darul Ulum Meranti dan Pengurus Persatuan Ibu Bapa dan Guru (PIBG) Sekolah Menengah Agama Tarbiah Diniyah, Meranti.

Sokongan sahabat sejemaah pula menonjol dari aspek memberi beliau taklif mentadbir dan mengurus parti melalui jawatan Pengurus MTD Meranti, Timbalan Yang DiPertua (YDP) PAS Rantau Panjang, Timbalan YDP PAS Pasir Mas (setelah beralih persempadanan pilihan raya ke Pasir Mas), Ketua Penerangan PAS Kelantan dan Ahli Jawatankuasa (AJK) PAS Pusat.

Dari segi kejituan sokongan pimpinan negeri pula, Mohd Nassuruddin yang cekal memperjuangkan polisi berdasarkan petunjuk-petunjuk al-Quran dan sunnah digalaskan amanah sebagai Timbalan Speaker DUN Kelantan (2005-2008) dan kemudiannya Speaker DUN Kelantan (2008-2013) serta yang terbaru sebagai Exco Kanan kerajaan negeri Kelantan sejak tahun 2013 atas kapasiti Pengurus Jawatankuasa Pembangunan Islam, Dakwah, Penerangan dan Hubungan Seranta Negeri Kelantan selama enam tahun sehingga Kelantan memiliki satu sistem politik Membangun Bersama Islam yang mantap menjulang *dustur Ilahi* dalam melaksanakan tadbir urus negeri berkebajikan.

Sesuai dengan keberanian dan kelantangan beliau berhujah bagaikan ngauaman singa yang perkasa mengenal pelaksanaan dasar dan penggubalan polisi dalam sidang DUN dan berapi-api bersyarah mendaulatkan *dustur Ilahi* serta menangkis fitnah dan tohmahan seterus politik Islam, barangkali menjadi faktor yang memikat hati al-Sultan untuk mengurniakan dua Darjah Kebesaran serentak yakni Darjah Kebesaran Bergelar Dato' Panglima Perang selepas menerima Darjah Kebesaran Ahli Kehormat Yang Pertama (Seri Paduka) Bagi Darjah Kebesaran Jiwa Mahkota Kelantan Yang Amat Mulia (S.J.M.K) bersempena Perayaan Ulang Tahun Hari Keputeraan KDYMM Sultan Muhammad V pada 4 Mac 2019.

Semua kurniaan rezeki Allah SWT kepada calang-calang hamba-Nya yang layak menerima, membuktikan sokongan padu terhadap ketokohan dan kekaliberan Mohd Nassuruddin bermula dari akar umbi sehingga lahir pihak tertinggi. ☩



The *wayang kulit* or the shadow play of Malaysia and the Malay speaking Southern Thailand may be classified into four categories: *Wayang Kulit Kelantan* (*Wayang Kulit Siam*), *Wayang Jawa* (*Wayang Melayu*), *Wayang Gedek* (*Nang Talung*) and *Wayang Kulit Jawa* (*Wayang Purwa*).

The only type which is still in existence with some degree of significant, although declining very fast, is the *Wayang Kulit Kelantan* found in Kelantan, Terengganu, Kedah, Perak and Pattani.

*Wayang Kulit Kelantan* first appeared in Kelantan from Pattani during the reign of Long Yunus between 1763 in 1798 A.D. *Wayang Jawa* puppets and stories were unknown to Kelantan until 1835 A.D. when a certain *tok dalang* (puppeteer) named Demukmin returned from Java to Kelantan with knowledge in the art of *Wayang Jawa* (Sheppard, 1965). The basic dramatic repertoire of the *Wayang Kulit Kelantan* is derived from the Hindu epic *Ramayana* that features the life adventures of the hero prince, Sri Rama, his brother, Laksamana, wife Sita Dewi and Ravana.

The author feels that one of the most important messages is the high and respectable place accorded by the *Wayang Kulit Kelantan* to learned individuals (*orang yang berilmu*), and the process of acquisition of knowledge (*ilmu*) itself. This feature coincide with

the teaching of Islam, the proof of which are found in the following Quranic verses and hadiths, Surah al-Alaq 96:4-5, Surah al-Mujadilah 58:11, Surah Ta-Ha 20:114 and Surah an-Nahl 16:43.

*Wayang Kulit Kelantan* teaches man to love and be concerned about his family. These are traits which are advocated by Islam, as evident from the saying of Prophet Muhammad SAW: "The best amongst you, are those who are good to their wives".

In the *Wayang Kulit Kelantan* repertoires, we are constantly reminded of the love Sri Rama for his wife, Sita Dewi. Allah SWT instituted the institution of marriage (Az-Ziwaaj) is to provide love, companionship and procreation of children to both man and woman. It is through marriage that man and woman should love each other, achieved emotional and sexual gratification, and among other things, it is also a form of *ibadah* (pious duties). The evidence of Allah SWT approves marriages are plentiful and some verses are in Surah al-Nahl 16:72, Surah ar-Rum 30:21, and Surah al-Araf 7:189. Allah SWT creates the institution of marriage, but prohibits fornication and adultery, as evident from Surah an-Nur, (24:33).

Other negative traits in the *Wayang Kulit Kelantan* looked upon are ungratefulness, pride, greed, evil deeds and telling lies, which are all emphasised in the

# ISLAMIC PERSPECTIVES of WAYANG KULIT KELANTAN

By: Dato' Kepten Professor Emeritus Dr. Hashim Yaacob (Rtd), SPSK, PAT, DO5c (Hon), FRCPPath, FFOP (RCPA), FDSRCS Eng, FDSRCPs Glasg, FASc, MSc (Lond), BDS (Otago), Dip Islam Studies (UIAM).



Wayang Kulit Kelantan repertoires as undesirable traits. Allah SWT abhors ungratefulness as stated in the Quran: (Surah an-Nahl 16:4) (Surah Yasin 36:77), (Surah al-Mukminun 23:71), (Surah al-Alaq 96:6 and 7), (Surah an-Nahl 16:23). Slander, poking fun at the way he looks and behaves is usually accompanied by a feeling of hatred generated by the ridiculer towards the ridiculed. This act is considered by Allah SWT as one of the 25 big sins in life, as evident through Surah al-Hujurat (49:12): "... Avoid suspicion as much (as possible); for suspicion in some cases is sin: and spy not on each other, nor speak ill of each behind their backs. Would any of you like to eat the flesh of his dead brother? Nay, ye would abhor it...".

Imam al-Mawardi has once commented on the subject of slandering: "Those who regularly practise slandering, their hearts are dirty". The Wayang Kulit teaches us not to slander each other through its repertoires.

The ban on Wayang Kulit Kelantan performance for the masses by the Kelantan government has raised questions. The reasons, as the author sees it, is very

simple: The rituals which are performed during Wayang Kulit Kelantan performance in principle is anti-Islamic.

Without going into detail, the Wayang Kulit Kelantan rituals include the annual religious celebration, "Buka Panggung" and "Berjemu". "Berjemu" is performed basically for the purpose of releasing an individual from (*pelepas niat*) a solemn promise (vows), appeasement of spirits (*menyemah*) and ritual bathing of pupils (*perlimau*). All of these rituals involve recitals of invocations for, and involving the spirits (For details, please see Sweeney P.L.A. 1972; Matusky P. 1993). Such performance of rituals that give importance to the spirits, in any form, is considered as "syirik".

The fundamental teaching of tawhid in Islam is that the Muslims should hold fast to the belief of the oneness or unity of the God (Allah SWT). - That He is the only God, the supreme, and there is nobody else equal to Him. Believing in other powers other than the power of Allah SWT, like those of the spirits constituted as "syirik". Refer to the following Surah Al-Jin (72:6) and Surah Faatir (35:6).



The unity of Allah SWT is explained in the proclamation of *Syahadah*, the first Pillars of Faith in Islam that "There is no God but Allah SWT and Muhammad is the Messenger of God". Islam taught the importance in the first pillars of faith. It is the fundamental principles of Islam (Afzalur Rahman, 1980). Other Quranic verses that prove the faith to oneness of Allah SWT are in Surah al-Baqarah 2:255, Surah al-Hashr 59:23 and Surah al-Ikhlas 112: 1-4.

The sin of the individual who has turned "syirik" is extremely unforgiven as evident in Surah an-Nisa (4:48): "Allah forgive not that partners should be set up with Him, but He forgiveth anything else, to whom he pleaseth; to set up partners with Allah is to devise a sin most heinous indeed".

When one examines the above Quranic verses, one no longer would wonder why the performance of *Wayang Kulit Kelantan* was prohibited in Kelantan. In a community well-versed with the Tawhid, *Wayang Kulit Kelantan* has no chance, or at most, a very slim chance of surviving. Yet, this form of cultural performing art which has become part of the identity of the people of the land.

Ways has got to be worked out and found to modify those parts of the *Wayang Kulit Kelantan* so that it does no longer contravene the laws of Allah SWT. It could be done, and should be done. ■



Resam budaya Melayu-Islam yang bertamadun sejak zaman-berzaman mengamalkan ilmu wahyu dan guru alam sebagai pedoman kehidupan. Kebitaraan nenek moyang kita yang faham dan hadam segala makna isi al-Quran dan hadis telah memudahkan tadbir urus kehidupan mereka disusun secara berurutan dan bukan berlintang-kalang.

Misalannya, jika mahu bermusafir bagi apapun tujuan; sama ada menuntut ilmu, menziarahi sanak saudara ataupun berdagang, maka mereka terus cerna maksud hadis riwayat Imam Muslim yang menekankan kepentingan menjaga makan minum agar tidak bercampur-baur perkara syubhan.

Rasulullah SAW pernah menyebutkan dalam satu hadis tentang seseorang yang sedang dalam musafir panjang, rambutnya kusut dan berdebu. Dia berdoa sambil menadahkan tangannya ke langit, dia berucap: *Ya Rabbi, Ya Rabbi, sementara makanannya haram, minumannya haram, pakaianya haram dan dia dikenyangkan dengan makanan yang haram, lalu bagaimana mungkin doanya dimakbulkan.* (Riwayat Muslim).

Dari sinilah, bermula cerita penciptaan resipi serondeng yakni makanan yang diperbuat daripada daging yang disiat halus dan dimasak dengan santan serta rempah-ratus, lalu digoreng sehingga kering.

Menurut cerita lisan, juadah mewah dan mahal ini sebenarnya berasal dari dapur Istana Kota Mahligai kerana serondeng merupakan santapan kegemaran Sultan Iskander Syah Nenggiri Raja Kelantan yang bergelar Bentara Majapahit pada 1432M itulah juga mengisyiharkan Kelantan sebagai Majapahit II.

Apabila mengetahui Raja Kelantan sangat gemar menyantap daging tidak kira masa meskipun pada masa sukar untuk mendapatkan bekalan khususnya sewaktu keluar mengembala, maka Ali Nurul Alam (Patih Aria Gajah Mada) selaku Perdana Menteri Kelantan (Majapahit II) pun berkongsi resipi serondeng kepada Ketua Tukang Masak Istana.

Resipi tradisi itu ciptaan bondanya iaitu Puteri Selindung Bulan buat suami tercinta yang taat mengamalkan ajaran Imam Syafie dengan selalu memakan daging untuk menyihat dan menguatkan jasad bagi

# SERONDENG MUSAFIR WAJIB BERIRING

Oleh: Zanazanzaly Foto: Ahmad Naime Muhammad



mengekalkan stamina ketika bermusafir atas urusan dakwah atau mengerjakan umrah.

Sayid Hussein Jamadil Kubra amat terharu dengan bekal musafir ciptaan isterinya berupa rambu-rambu daging kering berwarna perang dan harum itu lalu menggelarkannya serondeng singkatan kepada "musafir berpengiring". Setiap kali berdakwah, diceritakannya falsafah dan ibrah serondeng ini sebagai didikan secara halus kepada masyarakat agar menjadi insan berilmu yang selalu berjamu makan ini itu dengan tahu, waktu perlu dan pada kadar tertentu supaya sihat dan cergas sepanjang permusafiran, bukan melulu menurut nafsu.

Semasa proses pembuatan serondeng, atuk merangkang tentang amalan Puteri Selindung Bulan sewaktu menyediakan serondeng dengan mengajak kesemua ahli keluarga berwuduk dan bersolat dua rakaat. Kemudian, seluruh anggota keluarga mengaminkan doa masuk dapur bacaan atuk yang bermaksud: "Wahai Tuhan kami! Kurniakanlah kami rahmat dari sisi-Mu, dan berilah kemudahan-kemudahan serta pimpinan kepada kami untuk keselamatan agama kami." (al-Kahfi:10).

Amalan seterusnya dipraktikkan oleh ayah dengan berbasmallah lalu melafazkan surah al-Baqarah ayat 71 seraya memotong satu kilogram daging lembu tempatan yang segar (baru dilapah) menjadi ketulan sebesar genggaman lelaki dewasa dan membaca surah al-Najmu ayat 58 ketika membasuh daging tersebut sebersih-bersihnya.

Sementara itu, atuk menyediakan periuk berisi air untuk merebus. Jika bukan daging musir, maka beberapa helai daun betik dimasukkan bagi mempercepatkan daging empuk. Manakala saiz sebesar genggaman itu pula sebagai simbolik kepada fizikal jantung manusia selaku bermulanya tempat niat sesuatu hajat.

Menariknya mengikut pengalaman atuk, jika tidak diatur segala petua yang ditunjuk, biasanya ketulan daging yang dipotong terlampau besar menjadi liat dan apabila terlalu kecil ia mudah pecah berair melekat-lekat pada tangan ataupun mudah putus; sukar untuk disiat-siat menjadi rambu-rambu halus.

Keempuan daging rebus itu pula perlambangan bermulanya sebuah musafir dengan tujuan murni mencari reda Allah bukan ke jalan maksiat sebagaimana pesanan Rasulullah SAW kepada seorang lelaki yang berkata (kepada Rasulullah); wahai Rasulullah, saya akan mulai perjalanan (musafir), jadi berikanlah nasihat kepada saya. Nabi Muhammad SAW bersabda: *Hendaklah engkau bertakwa kepada Allah dan bertakbir setiap kali melewati (melalui) tempat tinggi. Selepas lelaki itu pergi, Rasulullah SAW berdoa, "Ya Allah, dekatkanlah jarak perjalananya dan mudahkan perjalanananya."* (Riwayat Tirmidzi).

Setelah empuk dan sejuk, buku-buku daging itu ditumbuk-tumbuk oleh ayah sehingga daging merua (nampak iranya berjalur-jalur kasar) agar mudah disiat menjadi rambu-rambu halus. Rambu-rambu ini dikatakan membawa maksud uraian kesukaran yang bakal dilalui sepanjang permusafiran. Segala kesukaran itu hendaklah ditangani dengan sabar dan cekal.

Sementara dalam proses pembuatan pula, nenek yang menjadi simbol kesatuan keluarga, tangkas menyiapkan "teman pengiring" sebagai pelengkap resipi dengan dibantu oleh anak cucu; yang lelaki buat kerja-kerja berat, manakala anak dara melakukan tugasan lebih ringan.

Dulu tiada mesin, maka daging disiat-siat dengan tangan oleh anak cucu yang sepakat membantu, tidak kira lelaki mahupun perempuan. Kadar rempah mengikut jumlah daging. Sifir mudah, banyak daging, banyaklah rempahnya. Nenek yang jadi ketua tukang masak mulai menurunkan satu per satu resipi yang dihafalnya.



Penyediaan bahan-bahan.



Kelapa yang telah dipecahkan.



Kelapa dimasukkan ke dalam mesin santan.



Proses untuk mendapatkan santan.



Santan yang siap diproses.



Masukkan santan ke dalam bahan-bahan rempah.



Bawang yang siap dipotong.



Masukkan santan ke dalam campuran bawang.



Gaul bahan-bahan yang dicampur sehingga sebati.



Masukkan rempah daging.

Pada anggaran nenek, sekilo daging berpadanan dengan satu labu bawang besar, sepuluh biji bawang merah, empat ulas bawang putih, tiga inci halia dan empat batang serai. Lalu emak kisarkan dalam mesin pengisar. Dahulu, kesemua bahan itu digiling menggunakan batu giling yang mana anak atau cucu lelaki yang mengambil tugas tersebut. Manakala anak atau cucu perempuan akan menyangai (goreng tanpa minyak) dua sudu ketumbar dan sesudu jintan manis kemudian ditumbuk kasar.

Ketika itu nenek sudah mengacau kepala santan dalam kuali tembaga. Setelah santan pecah minyak, nenek masukkan bahan-bahan yang dikisar dan dua senduk cili kering. Setelah pekat melikat dan terbau aroma harumnya, nenek masukkan daging yang telah disiat halus tadi. Emak turut membantu memasukkan sekilo santan. Putih warna dan lemak rasa santan itulah citra kesucian cinta Puteri Selindung Bulan dan ketulusan hati Sayid Hussein bergantung harap dan bertawakal kepada Allah agar dipermudahkan segala urusan menyebar dakwah dan selama perkelanaan supaya selamat pergi serta kembali.

Sementara cucu perempuan nenek mengacau, atuk bercerita mengenai warna merah cili dan rasa pedas itu secara simbolik menyemarakkan rasa bangga atas kemenangan Raja Bharubhasa dan Patih Gajah Mada menewaskan Siam pada tahun 1357 Masihi, lalu mengisyiharkan Kota Jiddah (Bukit Panau, Tanah Merah) di Kelantan sebagai ibu kota empayar Majapahit Barat, sementara kepulauan Jawa menjadi Majapahit Timur.

Nenek mencuci bersih kunyit hidup sebesar empat ruas jari yang siap dikikis lalu menumbuknya sehingga lumat. Perlambangan warna kuning itu pula sebagai ikon kegemilangan perkahwinan puteri diraja dengan wali yakni Sayid Hussein menikahi Puteri Selindung Bulan binti Sultan Baki Syah ibni Raja Bharubhasa.

Neneh rancak berbari sementara emak terus menulis bahan-bahan kisar hingga garing dan pecah minyak. Semerbak aroma bahan-bahan tumis itulah ekspresi kemuncak kegembiraan bagi gabungan keluarga diraja umara ulama yang menyambut kelahiran putera Sayyid Ali Nurul Alam ibni Sayid Hussein Jamadil Kubra pada tahun 1366 Masihi.

Wangian itu juga tamsilan kegembiraan berganda apabila Allah SWT mentakdirkan ketika berusia 66 tahun, Ali Nurul Alam dilantik oleh Raja Iskander Shah Nenggiri menjadi Perdana Menteri Majapahit II di Kelantan. Sempena pelantikan ke jawatan itu, bagi mengenang jasa Panglima Perang Majapahit-Jawa iaitu Patih Gajah Mada yang telah menolong datuk (jurusan sebelah bondanya) yang meninggal dunia dua tahun sebelum kelahirannya (1364M), Ali Nurul Alam menggelarkan dirinya sebagai Patih Aria Gajah Mada.

Setelah bahan tumis hampir garing, nenek masukkan ricihan gula melaka, gula pasir serta garam sesedap rasa sambil si dara mengacau kesemua campuran itu dengan cermat dan berhati-hati sambil memegang telinga kuali besar yang bertenggek di atas api yang perlahan. Aktiviti mengacau sehingga kering (dialek Kelantan panggil "seghing") tanpa henti itu disertai selawat ke atas Nabi SAW.

Begitulah asal usul resipi serondeng yang sarat falsafah tersirat dan ibrah tersurat sebagai juadah pengiring makanan ruji seperti nasi dan roti yang amat sesuai menjadi bekal berjalan kerana sifatnya yang tahan lama telah disebarluaskan daripada bibir ke bibir oleh moyang Melayu. ■



Gaul campuran bahan.



Campuran bahan masakan yang hampir masak.



Sediakan gula melaka.



Masukkan gula melaka ke dalam bahan masakan.




Masukkan gula.



Daging dimasak sehingga empuk.



Masukkan daging ke dalam mesin pengisar.



Kisar daging sehingga halus.



Masukkan daging yang telah dikisar.



Serondeng siap untuk dibungkus.

\*Penyediaan serondeng oleh Salma Serunding, Jalan Kubur Meras.

# MENJEJAKI CHINTA WANGSA

## MENGULANGI KEGEMILANGAN SEJARAH SILAM

Oleh: Mustaqim Amir Azuar Mohamed  
Foto: Ahmad Naime Muhammad



Tiga puncak tertinggi dalam Trans Jelawang adalah Puncak Stong, Ayam dan Baha.

Kebelakangan ini, sebuah nama yang hilang muncul kembali untuk mewarnai landskap sejarah Kelantan khususnya dan sejarah Melayu umumnya. Chinta Wangsa kembali popular dalam kalangan pencinta dan pengkaji sejarah tempatan. Betapa besar Chinta Wangsa dalam landskap sejarah Kelantan. Ia bukan sekadar nama bahkan mempunyai tautan utuh dengan landskap pemerintahan dan pembentukan negeri Kelantan itu sendiri. Namun kembalinya Chinta Wangsa disambut tari berliku. Ada tari rentaknya senada, ada pula tari berselingkuh dan tidak kurang juga berlangkah sumbang. Tersilap bicara, padah menulah.

### **Adruja dalam catatan Ibnu Battuta**

Gah dan tersohornya nama Chinta Wangsa kerana ia merupakan pusat pemerintahan Kelantan purba yang gilang-gemilang diterajui oleh Raja Perempuan Paduka Cik Siti Wan Kembang. Pemerintah wanita terulung dalam sejarah Tanah Serendah Sekebun Bunga. Paduka Cik Siti sangat sinonim dengan negeri ini malah tidak salah andai dikatakan pengaruhnya cukup kuat dalam pembentukan identiti rakyat serta struktur pemerintahan Kelantan.

Kisah Paduka Cik Siti mempunyai banyak versi. Namun lebih popular dewasa ini adalah versi yang mengatakan Cik Siti Wan Kembang adalah Adruja

Vijayamala Singha. Ini berikutan terdapat beberapa persamaan antara keduanya daripada segi perwatakan, kisah dan faktor lokasi seperti terdapat dalam catatan penjelajahan Ibnu Battuta.

Ibnu Battuta (Februari 1304-1368/69) merupakan cendekiawan Islam terkenal dari Maghribi. Beliau menghabiskan lebih 30 tahun menjelajah dunia. Boleh dikatakan, catatan beliau kini dijadikan rujukan induk oleh pengkaji sejarah tempatan. Ia telah mendorong kepada kajian yang lebih mendalam berkenaan sejarah Cik Siti Wan Kembang.

### **Persamaan fakta**

Catatan Ibnu Battuta menyebut Adruja Vijayamala Singha sebagai pemerintah wanita di sebuah kota bernama Kailukari yang fasih berbahasa Turki dan pandai menulis dalam bahasa Arab. Adruja Vijayamala Singha (1318 – 1348) merupakan puteri kesayangan Raja Sang Tawal (1267 – 1335) yang merupakan pemerintah Empayar Langkasuka yang ketika itu berpusat di Ligor.

Ia mirip dengan kisah Cik Siti Wan Kembang yang merupakan pemerintah Wilayah Kelantan Selatan yang mana pusat pemerintahannya berada di Kuala Krai. Persamaan lain antara Cik Siti Wan Kembang dan Adruja Vijayamala Singha adalah ketegasan, kemahi-

ran dalam ilmu bela diri serta digeruni di medan perang. Namun persamaan yang lebih popular adalah kisah peperangan dan musuh dihadapi.

Sejarah lama menyebut Adruja Vijayamala Singha bersama pasukannya yang dikenali sebagai Seri Vijayamala pernah membantu angkatan perang Raja Sang Tawal dalam perang di Grahi. Musuh yang dihadapi ketika itu adalah Sukhothal yang diketua raja-nya, Rama Khamheang. Dalam peperangan itu, Adruja dikatakan telah berjaya membunuh Rama Khamheang dan memenggal kepala raja itu.

Kisah ini dilihat oleh pengkaji sejarah tempatan sebagai selari dengan keadaan Kelantan pada masa pemerintahan Cik Siti Wan Kembang yang mana umum mengetahui bermusuh dengan Siam. Di sini, Rama Khamheang dilihat memainkan peranan penting dalam menentukan signifikan antara Adruja Vijayamala Singha dan Cik Siti Wan Kembang.


Secara ringkasnya, daripada kisah berkenaan dan catatan Ibnu Battutalah nama Chinta Wangsa mula timbul dalam perbincangan peminat serta pengkaji sejarah tempatan. Bagaimanapun, lokasi sebenar Chinta Wangsa masih menjadi teka-teki kerana terdapat pelbagai pendapat tanpa sebarang bukti kukuh yang boleh mengesahkan di mana lokasi sebenar Chinta Wangsa.

#### Di mana Chinta Wangsa?

Antara pendapat popular bagi sesetengah peminat dan pengkaji sejarah tempatan adalah lokasi sebenar Chinta Wangsa berada di daerah Dabong. Terdapat dakwaan mengatakan bahawa Gunung Ayam di Hutan Jelawang adalah Gunung Chinta Wangsa. Terdorong oleh pendapat ini, malim gunung yang berpengalaman di Hutan Jelawang iaitu Mohd Odie Borhanuddin, 37, ditemui berikutkan arwah bapanya, Borhanuddin Hassan, 60, atau lebih popular dengan panggilan Pak Da Baha ialah orang pertama menerokai Hutan Jelawang.

"Menurut arwah ayah, nama Gunung Ayam ini telah wujud sejak dahulu lagi dan tiada nama lain selain itu. Bagaimanapun, terdapat sebuah cerita rakyat mengenai bagaimana Gunung Ayam di Hutan Jelawang ini mendapat namanya. Mungkin cerita itulah yang menyebabkan orang ramai mengaitkan gunung ini sebagai Gunung Chinta Wangsa," jelas Mohd Odie memulakan kisah Gunung Ayam.

Menurut Mohd Odie, arwah ayahnya dan orang tua-tua di Jelawang menceritakan bahawa Cik Siti Wan Kembang pernah menjadikan puncak Gunung Ayam sebagai tempat bertapa berpunca daripada kekecewaan terhadap sikap tidak jujur orang ramai dalam urusan pinjam-mempinjam perkakasan miliknya. Semasa Cik Siti Wan Kembang naik ke Gunung Ayam, baginda membawa bersama seekor ayam peliharaannya. Pada masa itu juga, penduduk kampung sering naik ke gunung berkenaan untuk mencari rotan, damar dan kayu api. Mereka dikatakan sering kali melihat ayam peliharaan Cik Siti Wan Kembang itu dan dari situ lah Gunung Ayam mendapat namanya," jelas Mohd Odie lagi.



Laluan mendaki melalui jambatan gantung disediakan.



Wartawan menemuramah malim gunung, Mohd Odie Borhanuddin.



## Puncak tertinggi dan cerita rakyat

Gunung Ayam adalah salah satu daripada sembilan puncak yang terdapat di dalam Hutan Jelawang. Lapan puncak lain adalah Baha, Stong, Kob, Ngelit, Beirut, Saji, Tera dan Cik Tahir. Kesemua sembilan puncak tersebut dikenali sebagai Trans Jelawang.

"Tiga puncak tertinggi dalam Trans Jelawang adalah Gunung Ayam (1,504 meter), Baha (1,450 meter) dan Stong (1,422 meter). Mengikut maklumat melalui cerita-cerita diwarisi daripada arwah ayah serta orang tua-tua, tiada nama lain bagi gunung itu," tegas Mohd Odie menutup bicara.

## Lokasi belum diketahui

Maklumat diperoleh daripada Mohd Odie telah mendorong penulis untuk menemui seorang individu yang mendakwa tahu di mana Chinta Wangsa berada. Namun individu yang ditemui melalui bantuan sebuah persatuan yang giat mengkaji sejarah tempatan itu meminta agar identiti dirinya disembunyikan. Tujuannya adalah agar dirinya tidak dicari dan amanah serta rahsia dipegang terus terpelihara.

Individu berkenaan mendakwa telah lama mengkaji sejarah Cik Siti Wan Kembang termasuk Chinta Wangsa secara bersendirian. Rujukan utama pengkajian beliau adalah petunjuk-petunjuk tinggalan moyangnya sehingga beliau berjaya menemui lokasi sebenar Chinta Wangsa. Malah beliau telah merekodkan lokasi berkenaan melalui pemetaan menggunakan kepakarannya dalam bidang geologi.

Bagaimanapun, individu berkenaan dengan tegas menyatakan, beliau tidak akan sesekali mendedahkan lokasi sebenar Chinta Wangsa. Alasan utamanya adalah kerana tidak mahu lokasi berkenaan dijarah oleh pihak tidak bertanggungjawab yang rakus mengaut keuntungan melalui tinggalan sejarah. Beliau mengambil keputusan itu demi rasa sayang dan kecintaan kepada sejarah negeri yang tiada galang ganti.

## Jelawang Jungle

Pendaki boleh melihat penunjuk arah yang disediakan setelah tiba di hutan Jelawang.



Permulaan trek pendakian untuk ke tapak perkhemahan ke Kem Baha.

Namun beliau tetap sudi berkongsi beberapa fakta yang boleh menjelaskan kenapa Gunung Ayam di Hutan Jelawang tidak boleh dianggap sebagai Chinta Wangsa. Menurutnya, perbincangan atau pembinaan bukti sejarah sepatutnya didasarkan kepada fakta yang jelas. Ia tidak boleh semata-mata bergantung kepada cerita rakyat atau tanggapan semata-mata.

Kata beliau, sebuah pusat pemerintahan perlu mempunyai jalan perhubungan dan dahulu kala, jalan perhubungan paling praktikal adalah sungai yang akan turut menjadi sumber air buat rakyat. Faktor inilah menurut beliau, menjadi asas utama bagi mengatakan tidak mungkin Gunung Ayam di Hutan Jelawang adalah Chinta Wangsa. Ia diperkuatkan lagi oleh faktor bentuk muka bumi sekitar Hutan Jelawang yang mempunyai ruang bagi penempatan rakyat.



Keindahan Air Terjun Jelawang berhampiran Kem Bahá.



Susunan batu menjadi tumpuan para pengunjung Air Terjun Jelawang.

### Lokasi lain dikenal pasti


Hasil carian melalui internet menunjukkan satu lagi gunung yang didakwa sebagai lokasi sebenar Chinta Wangsa iaitu Gunung Dang Besar yang terletak di Hulu Kelantan, kira-kira 40 kilometer di tenggara Kuala Krai. Gunung berkenaan berdiri pada ketinggian 1,185 meter dan mempunyai hutan dipterokarpa bukit dan hutan dipterokarpa atas. Titik koordinat yang direkodkan adalah 5.1864745°U, 102.4151087°T.

Tidak terdapat banyak maklumat berkenaan Gunung Dang Besar ini kecuali dakwaan namanya ditukar kepada Chinta Wangsa setelah Paduka Cik Siti berkenan menjadikan ia sebagai pusat pentadbiran. Oleh itu, sekali lagi ia sekadar menjadi pendapat atau teori tanpa bukti jelas untuk mengesahkan bahawa ia adalah lokasi sebenar Chinta Wangsa.

Boleh dikatakan nama Gunung Dang Besar kurang popular dalam perbincangan mengenai lokasi sebenar Chinta Wangsa. Mungkin ia dibayangi atau ditenggelam oleh populariti Gua Ikan yang dikatakan tempat bersemayam Paduka Cik Siti Wan Kembang dan Air Terjun Jelawang, setinggi 303 meter dari aras laut menjadikan ia air terjun tertinggi di Asia Tenggara. Destinasi tersohor lokasi pertembungan dua sungai dari Gunung Stong dan Gunung Ayam yang digelar "The Last Waterfall" itu terletak dalam taman negeri yang tercatat sebagai lima destinasi ekosistem terbaik negara makin memuncakkan pendapat yang mengatakan Gunung Ayam di Hutan Jelawang adalah Gunung Chinta Wangsa. Sekali lagi, faktor ini mungkin dipengaruhi oleh status Gunung Ayam sebagai puncak tertinggi di Kelantan dan cerita rakyat yang popular.

### Sejarah pasti berulang

Ternyata usaha menjadikan lokasi sebenar Chinta Wangsa amat sukar dan berpanjangan. Namun diharapkan pihak berwajib terus mempergiatkan usaha mengenal pasti lokasi sebenar agar kegemilangannya mampu mendidik jiwa generasi muda ke arah mencintai dan menyayangi sejarah tempatan dan tanah tumpah darah. Hikmah di sebalik peninggalan Chinta Wangsa bakal dijarah oleh tangan-tangan rakus pihak tidak bertanggungjawab andai lokasinya didedahkan. Paling penting yang perlu selalu dilihat oleh pemimpin dan rakyat adalah falsafah kisah Chinta Wangsa sememangnya pemugar semangat untuk meneruskan lagenda kegemilangan Kelantan silam kerana sejarah pasti berulang. 13



Kedudukan titik koordinat ini berhampiran sempadan Kelantan-Terengganu.



Keindahan Gunung Stong bukan sahaja terletak pada air terjun malahan kaya dengan kepelbagaiannya flora.

# ABDULLAH MOHAMED @ NAKULA TOKOH PENGKAJI ULUNG KELANTAN

Oleh: A.Aziz Desman

Sumber foto: Ihsan Perbadanan Muzium Negeri Kelantan

Kehebatan Allahyarham Ustaz Abdullah bin Mohamed (Nakula) sungguh luar biasa kerana ketersendiriannya sejauh ini. Beliau memang tokoh pengkaji ulung Kelantan. Kegigihannya mengkaji, menulis dan melakukan penerbitan hasil-hasil kajian tentang pelbagai bidang sukar ditandingi. Beliau mendukung proses kesarjanaan sendiri merangkumi bidang agama dan budaya bangsanya.

Setakat yang diketahui, sehingga awal tahun 2019 menunjukkan hasil-hasil penulisan beliau yang dicetak ialah buku-buku bacaan umum, sejumlah buku dan kertas kerja yang belum dicetak, buku-buku teks sekolah dan puluhan rencana yang disiarkan antaranya dalam majalah *Pengasuh*, *Jurnal Persatuan Sejarah Malaysia (PSM) Kelantan*, *Utusan Melayu*, *Utusan Zaman*, *Majalah Kelantan*, *Dewan Budaya*, *Warisan Kelantan*, *Pelajar* dan lain-lain.

Beliau muncul sebagai seorang pengkaji yang membuat kerja berdasarkan kaedah saintifik sesuai dengan kehendak baharu ilmu secara ilmiah, diimbangi dengan ilmu kerohanian atau kasyf dan melalui *ilmu laduni* yang tentunya tidak dapat dilihat oleh mata kasar. Kekuasaan Allah SWT itu amat besar atas sifat-Nya Yang Maha Pemurah dan Penyayang, maka tidak ada sesuatu yang mustahil.

Ustaz Nakula telah menjalani dua bentuk pengajian; pengajian secara formal dan tidak formal. Keduanya membawa hubungan rapat dengan pengalaman beliau dalam penulisan dan kegiatan sosio-budaya yang lain. Beliau sendiri memberitahu penulis bahawa pengajian formal beliau 20% sahaja, manakala pendidikan tidak formalnya (*self study*) 80% yang mengisi kerja-kerja pengkajian dan kesarjanaan peribadinya.

Pembentukan peribadinya banyak dipengaruhi oleh dua kategori masyarakat yang "menguliti" dan "membelai" jiwnya sejak kecil. Kehidupannya di dalam kawasan institusi Pondok Datuk Haji Ahmad Manan, yakni salah seorang daripada tokoh ulama Kelantan dan di sebelah kawasan perpondokan itu, terletak pula suatu kawasan perumahan seorang keluarga D'raja Kelantan, Tengku Temenggong selaku pelindung seni budaya Kelantan yang terkenal. Paduan daripada dua suasana kehidupan masyarakat itu menjadikan Nakula seorang yang mencintai agama dan menyayangi warisan budaya bangsanya.

Perjalanan Nakula dalam dunia akademik bermula seawal November 1942 (maknanya sejak berusia 11

tahun). Beliau mencatat segala peristiwa dalam sebuah buku peringatan. Catatan awal beliau ialah mengenai "Sejarah Serangan Tentera Jepun Ke Atas Kelantan". Pada zaman Jepun itu tidak ada kemudahan untuk menerokai ilmu. Nakula beruntung kerana keupayaannya tidak terhalang. Ada tiga buah pustaka peribadi yang terdapat dalam keluarganya sendiri iaitu:

- i) Perpustakaan datuk di sebelah bapa, Haji Omar Nurud-Din, salah seorang daripada tokoh tokoh ulama Kelantan dan seorang ahli ilmu falak (astronomi) yang terkenal.
- ii) Perpustakaan datuk pada sebelah ibu, Haji Ahmad Manan.
- iii) Perpustakaan bapa sepupunya, Ahmad ibn Yusuf.



Buku serta penulisan beliau boleh didapati di Perbadanan Muzium Negeri Kelantan.

Di dalam tiga buah perpustakaan itu terkumpul sebahagian besar buku-buku bahasa Arab dan kumpulan yang lengkap majalah bahasa Melayu seperti *Pengasuh*, *Al-Kitab* dan lain-lain. Pada zaman pemerintahan Jepun, Nakula mulai membeli dan mengumpulkan buku-buku, majalah dan akhbar.

## Perhatian dan tumpuan keilmuan

Nakula ternyata seorang tokoh yang suka membaca, menelaah, menyalin sehingga digelarkan "ulat buku". Ratusan buku dibaca dan banyak kerja penyalinan teks atau rencana yang beliau lakukan. Pelbagai judul buku bacaan umum dan rencana yang beliau tulis telah disiarkan dalam majalah, jurnal terbitan di Kelantan dan dalam akhbar tanah air.

Ilmu yang mula-mula menarik perhatian Nakula untuk dikaji ialah sejarah diikuti bahasa. Pada tahun 1955, satu projek besar untuk mendisiplinkan seluruh ilmu kajiannya dalam sebuah kerangka telah dibuat.



Abdullah Mohamed  
lebih dikenali  
dengan nama pena beliau  
iaitu Nakula.

Beliau juga pernah  
menjadi guru di  
Sekolah Kebangsaan  
Kuala Krai.



Tujuan utama projek ini untuk mengikatkan seluruh ilmu yang telah dipelajari secara formal dan tidak formal itu menjadi konsep jelas untuk beliau sendiri. Kemudian barulah akan difikirkan tentang pendekatan yang sesuai.

Secara kronologi, bidang-bidang kajian yang menjadi perhatian dan tumpuan kajian Nakula ialah ilmu astronomi, politik, jiwa, geologi, ekonomi, etika, sosiologi, sejarah, antropologi, sastera, falsafah, agama-agama besar, seni lukis dan kimia yang berkaitan dengan atom.

Menyorot bukunya dalam bidang sejarah Islam yang mencakupi politik, sejarah penyebaran dan kebudayaan Islam berjudul "Sejarah Islam: Politik, Penyiaran dan Kebudayaannya" amatlah menarik kerana tumpuan bukan sahaja diberikan kepada sejarah Islam di Asia Barat, bahkan ke Eropah dan Afrika Tenggara. Manakala, bidang Fiqh pula, buku "Pengantar Kepada Hukum-Hukum Islam" memuatkan bahagian hukum ibadah, hukum munakahat (hukum kekeluargaan), hukum jinayat (hukum jenayah), bahagian hukum muamalat (hukum awam) dan bahagian hukum sultaniyat (hukum kenegaraan).

Kajian beliau berasaskan kepada tiga bentuk; kajian dan pengalaman diri (*kasyf* dan *ilmu laduni*), kajian lapangan dan kerja penterjemahan. Buku-buku kajian itu ialah "Alam Yang Mengagumkan", "Bentuk-Bentuk Bangunan Masjid: Kunci Memahami Kebudayaan Melayu" dan terjemahan buku-buku berkaitan ketuhanan, alam dan falsafah.

Buku "Alam Yang Mengagumkan" ditulis daripada cita-cita asal Nakula sejak kejayaan kapal angkasa Appolo 11 (mendarat di bulan pada bulan Julai 1969) telah menarik perhatian semua pihak. Buku itu ditulis semula kali kedua pada bulan November 1973 (1393H). Buku-buku karangannya dikatakan, selain menggunakan kaedah ilmiah bersandarkan kajian dan rujukan, banyak dibantu oleh *kasyf* dan *ilmu laduni*. Kandungan teks ini terbahagi kepada empat bahagian yakni tinjauan kembali pengertian sekarang mengenai alam benar atau salah; bentuk alam; penghuni alam (malaikat, jin dan hubungan mereka); dan perkara yang ada di sebelah alam sana.

Bahagian terbesar daripada bentuk alam yang dibicarakan itu mencakupi alam tinggi antaranya *al-arsyul majid* terus sampai kepada *al-arsyul azim* yang digelar-

kan juga "*Alamul-hujub*" (*Alam Hijab-hijab*). Walau bagaimanapun, apa yang ditulis hanyalah garisan yang terlalu kasar kerana beliau fikir pembaca umum sukar memahaminya.

Kedua, penyelidikan tentang bentuk-bentuk bangunan masjid yang terdapat di Malaysia atas permintaan Kementerian Kebudayaan Belia dan Sukan (KKBS). Kajian di Melaka pada tahun 1975 itu melihat daripada segi sejarah, seni bina, segala ukiran yang terdapat di masjid dan kajian perbandingan. Kajian ini merupakan suatu percubaan pertamanya bagi menerapkan konsep-konsep ketuhanan dan alam secara terbuka dalam penafsiran mengenai salah satu daripada sifat-sifat keperibadian (*trait*) kebudayaan Melayu yang ada pada bentuk bangunan masjid. Hasil kajian tersebut disusun dengan nama "*Bentuk-bentuk Bangunan Masjid Sebagai Kunci Untuk Memahami Kebudayaan Melayu*".

Ketiga, di arena penterjemahan, Nakula sangat berminal dengan karangan beberapa tokoh besar Islam terutama mengenai analisis Imam al-Ghazali tentang ilmu ilham. Beliau mendapat satu risalah patut ditafsirkannya dengan menggunakan konsep-konsep ketuhanan dan alam sebagai alat iaitu "*ar-Risalatul-Laduniyah* (*Risalah Ilmu Laduni*) yang pendek isinya tetapi penuh dengan istilah-istilah ilmu falsafah, ilmu kalam, ilmu tasawuf dan lain-lain. Terdapat juga ayat-ayatnya mengandungi teka-teki yang sukar difahami.

Bagi memperdalamkan pengetahuan dalam ilmu falsafah klasik, sambil menterjemah karangan Al-Ghazali itu, beliau turut menterjemah kitab "*Hidayatul-hikmah*" (*petunjuk falsafah*) oleh Al-Abhari yang mengandungi semua prinsip falsafah klasik itu dijadikan teks untuk kajian yang serius. Kitab "*Maqaasidul-Falsafah*" (Maksud-maksud Ahli-ahli Falsafah) turut dijadikan bacaan tambahan. Kemudian beliau membaca sebahagian besar kitab yang terkenal "*Tahaafutul-Falsafah*" (*Kesesatan ahli-ahli falsafah*) serta banyak lagi buku rujukan yang lain dalam ilmu-ilmu falsafah, kalam dan tasawuf.

#### Falsafah dan pemikiran orang-orang Melayu

Kajian beliau tentang falsafah dan pemikiran orang Melayu ada kaitannya dengan tugas yang diserahkan KKBS bagi beliau menyampaikan ceramah, bengkel dan kursus dalam bidang agama dan budaya. Antara

pemikiran yang bellau lontarkan ialah ajaran membincarakan konsep-konsep ketuhanan dan alam orang-orang Islam dari bangsa Melayu pada zaman purba.

Bellau menggambarkan bagaimana agama Brahma, Buddha dan Islam dalam wadah "Bunga Teratal" berupa acuan yang sesuai untuk semua berkonsept pemikiran, falsafah dan fahaman penduduk Asia Tenggara atau dunia Melayu zaman purba mulai zaman Sriwijaya dalam abad ke-7. Daripada lambang bunga teratal berubah menjadi bulan pada abad ke-8.

### TERATAI

Engkau  
terataiku di alam ini  
kelopaknya jiwa  
tangkalnya hati  
memuja rasa  
menuju Ilahi,  
terataiku di alam tradisi  
nadanya seni  
iramanya sufi.  
Aku yang kembara  
melihat segalanya  
tentang pernyataan dan hubungan  
hamba dengan Tuhan,  
engkau terukir di atas kuburan  
kuncup kehilangan kembang  
seumpama roh menghadap Tuhan,  
engkau terukir mekar di istana seniman  
seumpama perjuangan dan kehidupan  
meniti zaman ke zaman.

A. AZIZ DERAMAN  
(MASTIKA, Mei 1990/1 Muhamarram 1410)

Kemudian, Nakula menggambarkan simbol bunga teratal itu diluhur sual dan dicantumkan dengan lambang bulan sehingga terbit satu imej lagi yang masih popular hingga sekarang iaitu Wau Bulan. Oleh itu, alangkah moleknya kerajaan negeri Kelantan mendaulatkan semula Teratal sebagai bunga rasmi negeri Darul Naim ini.



Keluarga anak Nakula.

### Kesimpulan

Nakula adalah seorang tokoh penelaah, pencatat, pengkaji, penulis dan pengarang yang cukup berwibawa dan dinamik. Allahyarham memiliki iltizam, daya juang persuratan yang kukuh dan optimistik dengan wawasan yang didukunginya. Kata orang Kelantan "jarang biji mata" bagi kita mencari seorang tokoh yang bersikap dan bertabiat begitu. Benarlah bahawa beliau adalah tokoh pengkaji ulung Kelantan yang luar biasa. ■



Sebahagian besar buku, bahan bacaan dan sumber kajian yang diarkibkan di Muzium Islam adalah dari pustaka peribadi milik Allahyarham Nakula.

Rujukan:

- A Aziz Deraman, 1979. **Abdullah Mohamed (NAKULA)**. Siri Stensilan. Kuala Lumpur: KKBS.  
A Aziz Deraman, 1994. **Kau dan Aku**, Kumpulan Puisi. Kuala Lumpur: DBP.

Penulis:

Dato' A Aziz Deraman adalah Presiden Pertubuhan Peradaban Melayu Malaysia Kelantan (PERADABAN) sejak penubuhannya pada tahun 2011, AJK Gabungan Persatuan Penulis Nasional Malaysia (GAPENA) (2004 – 2014), Mantan Ketua Pengarah DBP (1994-2004), Ketua Pengarah Kebudayaan (1981-1989), Prof Tamu/Kehormat Guangdong University of Foreign Studies (GDUFS), Guangzhou, China (2001 – 2006), Prof Adjung Universiti Utara Malaysia (UUM) (2007-2009), Penerima Anugerah Culture and Education, Universiti Sokka, Tokyo, Jepun (2006) dan Ahli Lembaga Pengarah International Research Centre for Islamic Culture, Arts and History (IRCICA/OIC), Istanbul (2004-2010). Beliau banyak menulis buku dan rencana tentang pemikiran kebudayaan dan peradaban Melayu serta dikenali sebagai seorang budayawan-pentadbir dan penulis-penyair. A Aziz masih terlibat dalam gerakan bahasa, sastera dan budaya pada peringkat kebangsaan, serantau dan antara-bangsa.

# Fokus baharu docnan Industries

## Bangkit dan terus berlari

Oleh: Mustaqim Amir Azuar Mohamed

Foto: Ahmad Nalme Muhammad

Kepercayaan menjadi teras dunia niaga dan operasi syarikat. Ia adalah tunjang kejayaan Dr. Wan Hasnan memajukan syarikatnya, Docnan Industries Sdn. Bhd. yang merupakan sebuah perniagaan yang diasaskan dengan kepercayaan sehingga muncul sebagai syarikat percetakan nombor satu di Kelantan. Malah kepercayaan adalah pendorong utama kebangkitan semula Docnan Industries selepas berdepan kejatuhan.

Kepercayaan juga menjadi asas kewujudan pelbagai lingkaran yang mengumpulkan usahawan-usahawan dalam pelbagai bidang. Menurut Dr. Wan Hasnan, kewujudan lingkaran berkenaan sangat penting dalam dunia niaga. Usahawan-usahawan dalam lingkaran itulah akan membantu apabila berdepan masalah termasuk kejatuhan dalam perniagaan.

### Sejarah

Docnan Industries tidak dibina dalam sekilip mata sebaliknya melalui perjalanan panjang bersulam kerja keras dan pengorbanan besar. Ketika mula mencebur ke perniagaan ini, Wan Hasnan langsung tidak mempunyai pengalaman atau pengetahuan dalam bidang percetakan. Bahkan ia lari jauh daripada bidang yang dipelajarinya di universiti.

Mengikut cerita pemegang Ijazah Perubatan Veterinar dari Universiti Putra Malaysia (UPM) itu, beliau sudah mula cuba bermula sejak menamatkan pengajian pada tahun 1997. Pelbagai bentuk perniagaan dicuba dan kebanyakannya melibatkan pemakanan. Ini termasuklah dengan menjual serondeng dagling di pasar malam sekitar Kuala Lumpur.

Beliau kemudiannya pulang ke Kelantan dan memulakan perniagaan dalam bidang percetakan kerana ia dilihat mempunyai potensi tinggi dan kurang diceburi oleh usahawan bumiputera. Usaha beliau bermula secara kecil-kecilan di rumah ibu bapanya di Pengkalan Kubor dengan modal RM500. Ia telah membawa kepada pembentukan Docnan M&M Enterprise pada penghujung tahun 1999.

"Docnan adalah singkatan nama saya. Pada awalnya, saya betul-betul kerja keras dan banyak menjalankan promosi termasuk di sekolah-sekolah. Ketika itu saya beri tumpuan kepada projek-projek cetak baju kelab-kelab pelajar kerana menggunakan bayaran tunai. Saya belum ambil kontrak cetak baju jabatan kerajaan pada masa itu sebab kebanyakannya guna local order (L.O) dan saya kekurangan modal.



"Saya ambil masa tiga hingga empat tahun untuk dapat kepercayaan pelanggan pada awal perniagaan saya. Selepas itu Docnan M&M Enterprise terus berkembang sehingga tertubuhnya Docnan Industries Sdn Bhd yang didaftarkan pada 17 April 2003. Pada tahun itu juga saya dapat pinjaman MARA sebanyak RM215,000 untuk mengembangkan perniagaan," katanya.

### Cabarannya utama

Cabarannya utama yang dihadapi Wan Hasnan ketika memulakan perniagaan sekitar 20 hingga 30 tahun lalu adalah mendapatkan kepercayaan pelanggan. Beliau bermula tanpa sebarang pengalaman dan mengambil masa selama tiga tahun untuk memperkuuhkan Docnan Industries.

Di kemuncak kejayaannya, Docnan Industries mempunyai sebuah pusat percetakan dan sebuah kilang jahitan selain sebuah pejabat berserta pusat jualan. Malah ia pernah mempunyai dua cawangan di Tanah Merah. Docnan Industries juga pernah mempunyai begitu banyak mesin cetak pelbagai jenis yang menjadi aset syarikat.

Pada awal penubuhannya, Docnan Industries memberi tumpuan kepada cetakan asas enam skrin. Namun, bersetujuan dengan perkembangan syarikat dan teknologi, jenis cetakan bertambah dengan kemasukan pelbagai mesin cetak berteknologi moden. Kini Docnan Industries mampu menawarkan pelbagai jenis cetakan dan produk. Ia termasuklah cetakan *sublimation* (untuk jersi dan sebagainya), percetakan digital dan sulaman berkomputer (embroidery).

### Jatuh dan bangkit kembali

Docnan Industries pernah berada di puncak kejayaan dan mengalami kejatuhan pada tahun 2011. Kini syarikat berkenaan sedang dalam proses kebangkitan, penjenamaan dan pengukuhan semula. Menurut Wan Hasnan, kejatuhan yang berlaku itu berpunca daripada kesilapan beliau sendiri. Situasi itu dihadapi dengan tabah serta berlapang dada dan beliau berazam untuk bangkit dengan lebih gagah.

"Sebenarnya saya bersyukur apabila kejatuhan itu berlaku sebab saya dapat belajar banyak perkara. Saya perlu perbetulkan kesilapan diri terutamanya dalam aspek ibadah serta hubungan dengan Allah SWT. Seterusnya baiki hubungan dengan keluarga, rakan-rakan dan orang sekeliling. Dari segi teknikal, kita perlu perbaiki dan tambah sedikit demi sedikit. **Apa yang penting kita perlu sentiasa ingat bahawa kekayaan yang diperoleh sebenarnya ada dua makna. Sama ada ia benar-benar satu nikmat atau ujian daripada Allah SWT. Secara peribadi, saya yakin semua masalah dapat diselesaikan dan Docnan Industries akan bangkit lebih besar daripada dahulu," katanya.**

Berkenaan sokongan ketika berdepan kejatuhan, beliau menegaskan bahawa sokongan utama perlu datang daripada diri sendiri. Diri dan jiwa perlu kuat untuk hadapi perkara mendatang dan ia diperkuatkan dengan sokongan daripada keluarga serta lingkaran rakan niaga. Sekali lagi aspek kepercayaan menjadi teras utama.

"Kerana itu kita perlukan lingkaran rakan niaga yang boleh dipercayai. Mereka inilah yang akan beri khidmat nasihat serta berkongsi pengalaman, pengetahuan dan buah fikiran untuk kita bangkit kembali. Malah lingkaran rakan niaga yang betul akan turut kongsi cara pengurusan perniagaan yang terbaik agar dapat bersama-sama maju ke hadapan," katanya.

### Penstrukturkan semula

Antara kesilapan yang dilakukan oleh Wan Hasnan dahulu adalah terlalu ghairah menambah aset fizikal syarikat sehingga akhirnya mencengkam diri dan membawa kepada kejatuhan Docnan Industries. Aset fizikal berkenaan akhirnya terpaksa dikurangkan sebagai langkah pengecilan operasi.

"Sepatutnya tumpuan diberikan kepada penambahan ilmu perniagaan termasuk perniagaan dalam talian (online) agar sesuai dengan perkembangan semasa. Dengan perkembangan ilmu perniagaan, operasi syarikat boleh terus berjalan walaupun kurang aspek teknikal. Namun kita ada kelebihan jika mempunyai kedua-duanya. Sekarang saya buat penstrukturkan semula termasuk menetapkan bentuk percetakan tumpuan serta memperkasakan perniagaan atas talian dan penggunaan media sosial. Saya berharap untuk menjadikan Docnan Industries sebagai syarikat percetakan sulaman berkomputer terbesar di Kelantan pada tahun hadapan (2020). Sedikit masa lagi, bahagian sulaman berkomputer akan dibesarkan dan mesin-mesin akan diperbanyakkan," tambah Wan Hasnan.

Docnan Industries pernah mempunyai jumlah kakitangan mencecah 102 orang tetapi terpaksa dikurangkan semasa proses pengecilan operasi ketika kejatuhan. Oleh itu, satu lagi hasrat Wan Hasnan adalah untuk melihat syarikatnya kembali menyediakan peluang pekerjaan untuk sekurang-kurangnya 50 orang pada tahun hadapan.





#### Kongsi pengalaman

Keperitan berdepan kejatuhan menjadikan Wan Hasnan lebih prihatin dan berhasrat melihat usahawan lain sentiasa bersedia untuk sebarang kemungkinan. Beliau tidak lokek berkongsi pengalaman serta ilmu pengetahuan dalam perniagaan. Malah beliau turut menulis dan menerbitkan buku sebagai panduan untuk usahawan-usahawan dalam bidang percetakan baju.

Salah satu buku ditulisnya adalah Panduan Asas Cetak Baju yang memberi tumpuan kepada aspek teknikal dalam kerja-kerja mencetak baju. Turut diterbitkan adalah video cakera padat (VCD) Asas Cetak T-Shirt sebanyak empat siri. Kesemuanya boleh didapati di ibu pejabat Docnan Industries di Tanjung Mas, Jalan Pengkalan Chepa.

"Saya kini dalam proses menulis sebuah lagi buku dan baru-baru ini ada mengusahakan e-book. Berbeza dengan buku yang diterbitkan sebelum ini, e-book lebih menumpukan kepada ilmu perniagaan. Ramai usahawan muda hanya belajar aspek teknikal percetakan tetapi tidak mempunyai ilmu perniagaan. Mereka beli aset mengikut apa dicadangkan oleh orang sekeliling tetapi tidak tahu buat jualan. Sebab itu e-book diusahakan dan saya harap dapat diterbitkan dalam masa terdekat. **Antara tujuan e-book diusahakan adalah kerana menyedari betapa penting usahawan memilih bentuk percetakan tumpuan. Industri cetak ini terlalu luas dan mustahil seseorang usahawan dapat buat semua. Kerana itu mereka perlu pilih percetakan tumpuan agar pengurusan perniagaan lebih tersusun,**" katanya.

Wan Hasnan juga menyimpan hasrat untuk mewujudkan bengkel usahawan cetak di bawah jenama Docnan. Bagaimanapun ia terpaksa ditangguhkan berikutan kekangan masa kerana bellau kini sibuk menuhi pelawaan untuk sesi perkongsian anjuran banyak syarikat dari dalam dan luar negara.

**"Kepada pendatang baharu industri percetakan, jangan hanya belajar aspek teknikal kerana pada hakikatnya, ia hanya bahagian belakang industri ini. Lebih penting adalah kita kembangkan minda dan kuasai ilmu perniagaan kerana itulah yang diperlukan untuk jana keuntungan serta memajukan syarikat. Jangan terlalu ghairah tambah aset fizikal dalam industri sehingga akhirnya mencengkam diri. Itulah yang berlaku kepada saya dahulu. Pengalaman ini saya kongsikan agar usahawan lain tidak mengulanginya dan dapat bersama-sama maju dalam industri ini,"** pesan Wan Hasnan mengakhiri wawancara. ■



# LEDAKAN SELERA BUNDLE TERPAKAI TETAP BERNILAI

Oleh: Zanazanzaly | Foto: Ahmad Naime Muhammad



Kes penemuan wang tunai sebanyak 550,000 yen (RM20,775.84) oleh seorang pengusaha barang terpakai di Bachok, Kelantan pada awal tahun ini telah meletuskan populariti luar jangka kepada imej perniagaan barang terpakai atau *bundle* yang sebelum ini dianggap sebagai bermula "sampah-sarap" dan kerjaya kurang berprestij.

Kerancakan industri keusahawanan *bundle* kian pesat selari dengan kecanggihan teknologi digital masa kini memberi nilai tambah kepada para peniaga dan juga peminatnya. Impaknya, kedai produk *bundle* di sekitar negeri Kelantan giat berkembang seperti cendawan tumbuh selepas hujan apabila ia bukan sahaja popular dalam kalangan komuniti bandar, malah sudah menular ke persekitaran masyarakat desa.

Fenomena ini jelas kelihatan ketika kita menyusuri jalan-jalan utama sekitar negeri Kelantan pada anggaran jarak satu hingga lima kilometer pasti akan berjumpa deretan kedai yang menjual barang terpakai yang meliputi kerencaman jenisnya.

Qiadah kali ini menampilkan empat usahawan syarikat barang terpakai yang mewakili dua produk utama keperluan dalam kehidupan iaitu pakaian dan kasut serta dua lagi barang lengkap kehidupan yakni perabot dan beg bagi meninjau sejauh mana populariti item barang terpakai ini tetap bernilai di mata pengguna sehingga mencetuskan ledakan selera bercita rasa tersendiri dalam kalangan rakyat Kelantan.



Dalam Rhu, Semerak.



## Bundle Mania sediakan pakaian RM1

Kedai Bundle Mania atau lebih dikenali dengan julukan *bundle* pakaian RM1, (milik adik-beradik) ditubuhkan pada tahun 2017 hasil cetusan idea oleh bapa pengasas Bundle Mania tersebut iaitu Rokaid Chik, 53, seorang peniaga runcit yang berjaya. Lantaran berlitar belakangkan keluarga usahawan, bermodalkan RM20,000, Ahmad Imtiyaz Irfan Rokaid, 23, membuka cawangan pertama perniagaan *bundle* pakaian milik keluarga mereka di Selising, Pasir Puteh.



Menurut Ahmad Imtiyaz, pada awalnya, majoriti peminat *bundle* tanpa mengira usia menggemari pakaian terpakai ini kerana harganya murah dan kondisi terbaik terutama oleh penggemar dan pengumpul item berjenama seperti Disney dan Vintage berslogarkan "dulu suko dulu", pelanggan mengakui hidup di dalam dunia *bundle* ini mampu mengembalikan zaman dahulu kala.

Oleh kerana permintaan yang tinggi terhadap pakaian *bundle*, dalam masa dua tahun, lima cawangan lagi terpaksa dibuka demi memenuhi kehendak pelanggan yang tinggi dan pelbagai cita rasa sehingga wujudnya Bundle Mania cawangan Tanah Merah, dua cawangan tambahan di Pasir Puteh berlokasi di Padang Pak Amat dan Dalam Rhu, Semerak. Sementara sebuah cawangan di Pasir Dusun, Jeli serta Pengkalan Nyireh, Besut, Terengganu dengan purata pendapatan RM10,000 sebulan bagi setiap premis.

Ahmad Aqil Akhtar Rokaid, 26, menguruskan pengagihan tongkol atau guni *bundle* seberat 50 hingga 100kg setiap satu daripada kategori biasa, sederhana dan terbaik yang berlabel C, B dan A berdasarkan kualiti.

"Stok pakaian terpakai ke semua cawangan kedai Bundle Mania dihantar oleh kilang kakak dan abang ipar kami yakni FA Used Clothing Global yang beroperasi di Sijangkang, Teluk Pandamaran, Selangor" kata Ahmad Aqil.

Menariknya, setelah permintaan terlampaui tinggi daripada pelanggan di semua enam cawangan Bundle Mania, pemilik kilang tersebut yang berkelulusan dalam pengajian perubatan di Timur Tengah, Dr. Nurliyana Adibah Rokald, 29, dan suaminya Dr. Faidhi Othman, 31, terpaksa mengambil inisiatif menubuhkan kilang pengedaran barang import eksport tersebut pada tahun 2018 dengan kekuatan tenaga kerja seramai 19 orang yang kebanyakannya adalah anak-anak Kelantan yang merantau ke Lembah Klang.

Kilang *bundle* ini mengimport 20 hingga 30 kontena pakaian terpakai bernilai RM250,000 sebulan untuk pelanggan tempatan dan mengeksport ke Thailand dan Pakistan. Pakaian terpakai tersebut diklasifikasi sebagai pelbagai jenis pakaian termasuk kanak-kanak sehingga dewasa, dari kain buruk sehingga yang berkualiti pada skala terbaik 9/10 dan banyak juga yang masih ada tanda harga.

### **62 Bundle di tiga cawangan strategik**

Kasut berfungsi secara tersendiri membuka ruang pasaran kepenggunaan yang lebar sebagai keperluan kepada masyarakat tanpa membatasi usia dan status sosial. Tidak hairanlah jika produk kasut ini mendapat permintaan tinggi termasuk item terpakai yang mempunyai keistimewaan tersendiri dalam aspek pilihan jenama, harga dan keperluan tertentu.

Mohd Amirul Bakri, 22, menjalankan perniagaan kasut terpakai sejak tahun 2012 telah memiliki tiga rangkaian kedai yang diberi nama 62 Bundle di Kota Bharu, Kubang Kerian dan Wakaf Che Yeh. Beliau mendapat permintaan terhadap kasut terpakai begitu menggalakkan sementalah premis-premis beliau berada di lokasi strategik lalu kawasan tumpuan bagi memberi penawaran terbaik kepada pelanggan. Malah, perniagaannya beroperasi dari pukul 10.00 pagi hingga lewat malam sehingga pukul 2.00 pagi.

"62 Bundle menyediakan jualan kasut terpakai dengan pelbagai pilihan yang berkualiti bersesuaian dengan permintaan pasaran. Antaranya kasut kulit pejabat, kasut sukan, kasut mendaki, dan kasut kasual termasuklah kasut berjenama seperti Nike, Adidas, Vans dan Converse yang boleh didapati dengan harga semurah RM35 sepasang sehingga RM380 sepasang, jelas Mohd Amirul terperinci.

"Bermodalkan RM10,000 pada awal perniagaan dengan hasilnya tiga cawangan, 62 Bundle sekali gus

berjaya dikembangkan untuk memberi variasi kepada pelanggan. Alhamdulillah, setakat ini sambutan agak memuaskan kerana kasut-kasut yang dijual dengan harga berpatutan sesuai dengan latar belakang pelanggan dengan pulangan keuntungan purata RM35,000 sebulan," sambung Amirul lagi.

### Remley Perabot Bundle diminati ramai

Lumrah alam perniagaan berpandukan, semakin tinggi permintaan maka kian tinggi jugalah penawaran harganya. Demikian juga dalam industri perniagaan perabot *bundle* kerana menurut Remley Mohd Nor, 56, pemilik Remley Perabot Bundle dan Enterprise yang beroperasi di hadapan Petron Kampung Kasar, Pasir Mas, suatu masa dahulu, perabot *bundle* menjadi pilihan khususnya golongan menengah dan bawahan kerana tawaran harga yang murah.

"Kebiasaannya, perabot *bundle* dianggap sebagai barang terpakai dengan nilai harga lebih murah berbanding produk baharu dalam pasaran terutamanya set ruang tamu, bilik tidur dan meja makan serta kelengkapan bilik bagi rumah tumpangan dan asrama." Ujar Hanisah Ismail, 54, yang lebih mesra dipanggil Kak La selaku isteri kepada Remley yang sama-sama berganding bahu mengusahakan perniagaan yang berusia 17 tahun itu.

Faizul Remley, 35, pula menerangkan tentang faktor harga rendah berbanding perabot baharu, permintaan terhadap perabot terpakai dilihat memberangsangkan. Selain daripada pelanggan perseorangan, banyak permintaan datang daripada kedai perkhidmatan sewaan peralatan majlis perkahwinan, pengusaha rumah tumpangan bajet dan pihak asrama pusat tahfiz.

"Pelanggan memilih perabot murah dan sesuai dengan keperluan masing-masing. Namun sejak kebelakangan ini, perabot *bundle* bukan lagi sekadar harga murah, malah terdapat banyak item perabot *bundle* berharga mahal sekali gus menjadi pilihan golongan berpendapatan tinggi seperti set meja makan berukir kayu jati berkerusi Jepan buatan Jepara, Indonesia yang pernah dibeli oleh pelanggan dari Bangi, Selangor berharga RM4,500," kata Faizul secara rinci.

Oleh kerana pilihan barang terpakai semakin mendapat tempat dalam kalangan golongan berpendapatan tinggi disebabkan faktor pengaruh jenama seperti Rosewood dan Lavino dari Itali, nilai vintaj sebagaimana yang terdapat pada kesenian jati berukir dari Indonesia, mutu meja marmar dari China, produktiviti pengeluaran, negara pengeluar atau pengilang asal, tahun keluaran dan sebagainya, maka pihak pengurusan Remley Enterprise mengkhususkan 10 triler panjang untuk mengangkut barang jualan seberat 8 tan.

"Dek kerana cita rasa pelanggan yang bukan sebarang, tidak mengejutkan jika perabot *bundle* kini berharga semurah RM400 sehingga mencapai ribuan Ringgit Malaysia kerana harga yang diletakkan pada barang terpaksa dikira dari setiap segi termasuk kos operasi pengangkutan dua kali sebulan berulang-alik ke Singapura." Jelas Remley yang mempunyai 20 orang pekerja bagi membantu urus niaganya dari pukul 10.00 pagi hingga 6.30 petang.



## Jualan Nyelam Beg Bundle secara dalam talian

Impak kepesatan arus teknologi dan kecanggihan telekomunikasi melangku sempadan adalah faktor terpenting yang mengaktifkan perkembangan perniagaan *bundle* membuatkan pemain industri ini, Rahmat Ramli, 44, selaku pemilik Nyelam Beg Bundle International memaklumkan stok beg terpakai dagangannya diimport daripada pembekal beg terbesar iaitu Nyelam Vintage Event dan juga pusat-pusat beg terpakai di Jepun, Korea, Thailand dan Vietnam.

Jualan secara dalam talian (online) melalui media sosial seperti Instagram, e-mel, Facebook, serta jualan melalui panggilan suara dan aplikasi WhatsApp adalah medium utama gaya dagangan kontemporari.

Jenama Bangbang yang paling murah serendah RM0.50 pernah dijual dan penentuan harga bagi beg terpakai dikira berdasarkan usia tahun keluaran iaitu lebih lama tahun keluaran, akan lebih mahal harganya. Kualiti seperti LV, Alviero Martini, Prada, Balenciaga, Coach, Chanel, Gucci dan Gregory berada dalam senarai beg terpakai paling mahal yakni RM3,000 pernah didagangkan.

"Trend semasa turut dimanipulasikan oleh peniaga beg terpakai melalui teknik "bidaan" menggunakan media sosial bagi mlariskan produk. Semakin tinggi mutu sesuatu barang, semakin tinggi tawaran harga bidaan akan dibuat oleh peminatnya. Misalnya, sebuah beg *bundle* berjenama asli buatan England pada tahun 1970-an, dibuat bidaan mencecah puluhan ribu ringgit kerana item itu susah didapati dalam pasaran terbuka dan produk tersebut tidak lagi muncul dalam pasaran baharu selepas perkilangan di England ditutup," hurai Rahmat panjang lebar.

Kegairahan para peminat item tersebut berebut-rebut membida harga beg idaman dengan tawaran

harga mengikut kemampuan masing-masing kian menaikkan harga ke tahap tertinggi dalam tempoh masa ditetapkan oleh peniaga dan pembida tertinggi akan memiliki item vintaj berkenaan.


Faktor kepopularan beg terpakai yang digayakan oleh selebriti turut menjadi rebutan peminat selebriti tersebut, sementelah selepas selebriti itu bersemadi dalam kenangan. Peninggalan "pre-loved" itu dikategorikan sebagai item yang mempunyai "sentimental value" atau nilai nostalgia lalu diburu kerana bersifat "langka" (rare) dek sukar diperolehi dan terhad.


## Menaikkan imej

Rezeki Allah SWT datang daripada pelbagai cara yang tidak disangkakan dan sememangnya kini usahawan dan perniagaan *bundle* semakin mendapat kedudukan mantap daripada aspek pendapatan serta tempat dalam hati masyarakat di negeri Kelantan oleh peminat barang langka, berjenama dan berkualiti.

Oleh itu, Kelantan menjadi destinasi pilihan "lubuk *bundle*" dalam kalangan penggemarnya kerana imej perniagaan *bundle* diyakini mampu bergerak dengan perkembangan positif bagi jangka masa panjang khususnya kepada mereka yang sedang dan bakal menceburti perniagaan ini.

Secara positif, ledakan selera dan cita rasa penggemar barang terpakai namun tetap bernilai ini akan terus melestarikan perkembangan usahawan *bundle* pada masa hadapan semakin cerah lebih-lebih lagi bersesuaian dengan kematangan selera pengguna dalam membuat pilihan berdasarkan keperluan dan kehendak semasa sekali gus menaik taraf imej pemain industri ini ke peringkat yang lebih tinggi. ■





Oleh: Nor Zainah Nordin

## DATO' DR. MOHD RADZUAN IBRAHIM

### Apabila peguam bersastera, bermaya budaya dan bangsa

**Qiadah:** Untuk tatapan pembaca Qiadah, bolehkah Dato' ceritakan serba sedikit latar belakang bagaimana bermulanya kehidupan Dato' sebagai pengamal undang-undang?

Dato' Dr. Radzuan: Saya dilahirkan dalam sebuah keluarga yang agak besar yang mana saya merupakan anak keenam daripada tujuh orang adik-beradik. Saya memiliki Ijazah Doktor Falsafah (PhD) dalam bidang pengurusan dan Ijazah Perundangan dari Universiti Kebangsaan Malaysia (UKM).

**Qiadah:** Bagaimana Dato' melalui perjalanan kerjaya Dato' daripada bidang kepolisan, seterusnya berkecimpung sebagai pegawai pendakwa dan kemudiannya peguambela sehingga mencapai tahap sekarang?

Dilahirkan di Bachok, Kelantan, Dato' Dr. Mohd Radzuan Ibrahim terkenal bukan sahaja sebagai seorang pengamal undang-undang yang mewakili kesesek berprofil tinggi, namun namanya juga harum dalam mengembangkan kesusastraan Melayu pada peringkat global.

Suami kepada Datin Hajah Azizah Osman, 58, ini berusia 61 tahun. Radzuan lahir hasil perkongsian hidup ulama tersohor, Allahyarham Haji Ibrahim Abu Bakar yang lebih dikenali sebagai Tuan Guru Haji Ibrahim Permatang Pasir, Bachok dengan pasangannya, Hajah Som Abd Rahman.

Selesa memakai nama pena Wanrazuhar, bapa kepada 3 orang anak, merangkap datuk kepada 4 orang cucu ini adalah peguam terkenal yang telah menghasilkan 21 buah buku di samping berjaya mengharumkan nama sebagai penyair dan pemuisi yang aktif mengembangkan seni budaya Melayu di dalam dan luar negara.

Untuk lebih mengenali personaliti dan penglibatan beliau dalam bidang perundangan dan sastera – dua bidang yang tidak nampak kaitannya, Qiadah membawa catatan hasil temu ramah bersama anak Kelantan yang kini menetap di Lembah Klang ini.

Dato' Dr. Radzuan: Saya memulakan kerjaya sebagai Pegawai Kanan Polis pada tahun 1977 dan menjawat beberapa jawatan termasuklah Pegawai Penyiasat Jenayah, Pegawai Perhubungan Awam Bukit Aman dan Pegawai Pendakwa di Mahkamah Jalan Duta, Kuala Lumpur. Saya juga pernah menjadi pensyarah undang-undang di Pusat Latihan Polis Jalan Gurney, Kuala Lumpur. Pada tahun 1990, saya telah meletakkan jawatan dan membuka firma guaman sendiri iaitu Messrs. Radzuan Ibrahim & Co. di Kuala Lumpur pada tahun 1992. Firma saya kini mempunyai cawangan di Kota Bharu, Kuala Terengganu dan Ampang, Selangor.

Saya mempunyai penghususan dalam kes-kes jenayah, litigasi sivil dan conveyancing. Selain itu, saya juga peguam syarie bertauliah bagi negeri-negeri Kuala Lumpur, Selangor, Negeri Sembilan, Melaka, Pulau Pinang, Perlis, Pahang dan Kelantan.

Semasa dalam perkhidmatan polis, banyak pengalaman yang menjadi ingatan khususnya ketika menyiasat kes-kes bunuh dan kenangan semasa menjalankan pendakwaan di mahkamah.

Sebagai peguam pula, saya banyak mengendalikan kes-kes berprofil tinggi yang melibatkan artis dan ahli politik termasuklah kes berat seperti kes bunuh, pengedaran dadah, culik, rogol, rasuah, jenayah komersial dan kes-kes syariah yang berkaitan kes perceraian, harta sepencarian, mutaah, hak jagaan anak, nafkah, khalwat, poligami tanpa kebenaran dan sebagainya.

**Qiadah: Bagaimanakah tercetusnya minat dalam bidang kesenian, kebudayaan dan kemasyarakatan dan sejauh manakah Dato' berjaya membawa seni budaya kita ke peringkat global?**

Dato' Dr. Radzuan: Saya meminati bidang sastera sejak di bangku sekolah lagi dengan mewakili sekolah dalam pertandingan pidato dan baca puisi serta pertandingan drama pentas berjudul "Serunai Malam". Semasa di universiti, dalam Grupemuisi UKM, saya adalah Ketua Satu. Dari situ lah tercetusnya minat saya dalam bidang sastera dan kian subur apabila saya berusaha mencari ilmu dalam penulisan puisi, cerpen dan novel walaupun jauh dari pengkhususan pelajaran saya di universiti iaitu undang-undang. Setelah berkerjaya, saya berkarya di akhbar, majalah dan radio serta menerbitkan beberapa buah buku.

Mengenai seni dan budaya, saya bergiat cergas dalam aktiviti baca puisi dan lagu-lagu puisi. Saya pernah menyertai beberapa acara di luar negara dan saya diberi peluang membacakan puisi serta menyanyikan lagu-lagu puisi. Seterusnya selaku Presiden Persatuan Penyair Malaysia (PENYAIR), saya dan rakan-rakan telah berjaya menganjurkan Konvensyen Penyair Dunia (KONPEN) di Bachok, Kelantan pada 20 hingga 22 Julai 2018 yang disertai peserta dari 12 buah negara. Alhamdulillah, pencapaian terbesar apabila saya berjaya memperkenalkan seni dan budaya Kelantan ke peringkat dunia.

**Qiadah: Boleh Dato' senaraikan karya-karya yang telah diterbitkan?**

Dato' Dr. Radzuan: Semuanya bermula dengan buku Antologi Sepi pada tahun 1977 yang diterbitkan oleh Yayasan Ikhwan. Yang lain-lain termasuklah Senja Merah di Kuala Lumpur (1981), Warna-warna Kota (1980), Genggaman Api (1984), Kumpulan Puisi Lagu Rindu (1985), Buku Polis Diraja Malaysia-Sejarah, Peranan dan Cabaran (1983, ulang cetak 1987), Air Mata Kasih (1987), Di luar Bingkai Diri (1987), Novel Gerakan Malam Jahanam (1989), Duka Gadis (1989), Undang-undang Rogol (1989), Lemas Di Lembah Kota (1989), Antologi Puisi Orang Kita (1989), Novel Kes Bunuh Janda (1989), Buku Polis Dalam Sistem Keadilan Jenayah Di Malaysia (1990), Undang-undang kekerasan Terhadap Wanita (1990), Cinta Isteri di Persimpangan (1998), Munakahat: Undang-undang & Prosedur (2005), Kumpulan Puisi Bicara Di Luar Kamar (2016), Kumpulan Puisi Kukejar Kata (2016),



Kumpulan Puisi Bahtera Tersadai (2018) dan Beban Pembuktian: Perbandingan Undang-undang Syariah dengan Undang-undang Jenayah di Malaysia (dalam proses penerbitan).

**Qiadah: Dato' juga aktif dalam aktiviti kemasyarakatan, khususnya yang berkaitan seni budaya, boleh Dato' ceritakan sedikit mengenainya?**

Dato' Dr. Radzuan: Saya banyak menjalankan aktiviti kemasyarakatan seperti menganjurkan kelas tarian tradisional, bengkel penulisan kreatif, kelas kompong kepada anak-anak ahli bermula akhir 1970-an dan awal 1980-an semasa berkhidmat di Ibu Pejabat Daerah Polis Georgetown, Pulau Pinang atas lantikan sebagai Pengurus Kelab Kebudayaan dan bertambah aktif semasa bertugas sebagai Pegawai Perhubungan Awam di Bukit Aman sekitar tahun 1980-an.

Selepas melepaskan jawatan polis dan membuka firma guaman sendiri, saya terlibat sebagai Penasihat Undang-undang yang kerap memberi ceramah, bengkel, kursus dan perjumpaan dengan masyarakat mengenai undang-undang. Dalam bidang seni, saya ber-

giat sebagai Presiden Persatuan Penyair Malaysia (PENYAIR) dan telah mengadakan pelbagai program mendekati masyarakat dengan aktiviti seni dan sastera. Satu lagi aktiviti kemasyarakatan yang saya lakukan ialah sebagai panel dan tetamu jemputan di televisyen dan radio yang memberikan pendedahan kepada masyarakat dalam pelbagai tajuk mengenai undang-undang jenayah, sivil dan syariah.

**Qiadah: Dato' terlibat dalam aktiviti seni sastera di luar negara dan terkenal sebagai penyampai televisyen, apakah perkara menarik boleh Dato' kongsikan?**

Dato' Dr Radzuan: Saya pernah menjadi pengacara rancangan Selamat Pagi Malaysia, Sinar Zaman, Dari Pusat Islam dan beberapa rancangan lain di TV1 dalam tahun 1990-an. Saya merupakan Ahli Jawatan-kuasa (AJK) Induk Temu Sastera ASEAN 1994 dan pada tahun lepas, saya menggalas amanah sebagai Pengarah Konvensyen Penyair Dunia (KONPEN) 2018 di Bachok, Kelantan. Perkara menarik yang boleh dikongsi dan dimanfaatkan oleh pembaca Qiadah, saya kira fokusnya tertumpu kepada pengalaman saya mengenai komitmen mengadaptasi dan mengurus selia hal ehwal aktiviti penggiat seni di dalam dan luar negara.

Sebagai contoh di Indonesia, penggiat seni di sana begitu komited dengan aktiviti yang dilakukan. Persembahan mereka mantap, malah mereka boleh cari makan dengannya. Rumah mereka dijadikan panggung tempat membuat persembahan tarian tradisional dan teater untuk tontonan pelancong dan berbayar. Konsistensi mereka menginspirasikan saya membina pentas terbuka khas bangsal Wayang Kulit di hadapan rumah tamu saya bernama Danga Tok Wan di pesisir Pantai Chap, Bachok.

Para pelancong yang datang melawat Kelantan berpeluang menyaksikan persembahan seni tradisional dan permainan rakyat Kelantan di atas pentas sambil duduk di atas wakaf dengan bertemankan angin laut bertiup sepoi-sepoi bahasa. Pengalaman yang menarik ini, saya kira seharusnya dicontohi dan diikuti oleh ramai lagi warga Kelantan agar banyak warisan seni yang menarik dapat dihidupkan dengan meriahnya di negeri yang kaya budi bahasa dan budaya ini.

**Qiadah: Sebagai anak Kelantan yang berada di perantauan, apakah harapan Dato' kepada kerajaan Kelantan?**

Dato' Dr. Radzuan: Saya sedar ramai anak Kelantan kini berada jauh di negeri orang, namun Kelantan sentiasa dekat di hati kami. Harapan saya agar Kelantan terus maju dan membangun dengan mengekalkan keistimewaan dalam hal-hal agama dan adat resam orang Melayu berkonsepkan Membangun Bersama Islam. Saya juga berharap kerajaan dapat membina sebuah bangunan khas seperti Istana Budaya bagi tujuan kegunaan aktiviti-aktiviti seni agar perkembangan penggiat seni sastera dan budaya dapat dipertingkatkan.



**Qiadah: Boleh Dato' berkongsi perancangan misi dan visi Dato' pada masa akan datang?**

Dato' Dr. Radzuan: Saya masih dan insya-Allah akan terus aktif dalam aktiviti sastera khususnya puisi. Saya nampak perkembangan mutakhir di Kelantan amat menggalakkan kerana Exco kebudayaan amat memesra penggiat seni dan menyemarakkan kegiatan seni di bumi Kelantan. Insya-Allah, saya akan cuba membawa projek-projek seni bertaraf antarabangsa seperti Konvensyen Penyair Dunia (KONPEN) ke Kelantan secara tahunan untuk memperkenalkan seni budaya Kelantan kepada dunia.

**Qiadah: Sebagai anak jati negeri ini, apakah sumbangan yang mahu Dato' berikan kepada kerajaan Kelantan?**

Dato' Dr. Radzuan: Saya amat cinta untuk berkhidmat kepada kerajaan dan rakyat Kelantan dalam aspek perundungan dan juga kegiatan seni sastera dan budaya. Daripada aspek perundungan, sebagai seorang peguambela, peguamcara dan juga peguam syarie lebih 27 tahun, saya mempunyai kepakaran dalam bidang undang-undang negara. Sekiranya kerajaan negeri memerlukan khidmat saya, saya rela menyambutnya demi rasa cinta saya kepada negeri kelahiran saya. Berkenaan rakyat Kelantan, saya dapati ramai yang masih tidak faham mengenai undang-undang.

Kerajaan negeri wajar lebih giat lagi menganjurkan seminar agar rakyat faham berkenaan undang-undang khususnya berkaitan dengan hak-hak rakyat dalam pembelaan kes-kes jenayah, undang-undang dadah, undang-undang keluarga, undang-undang fitnah, kebankrapan, undang-undang tanah dan lain-lain lagi supaya rakyat lebih bijak mengatasi setiap masalah yang dialami.

Sementelahan, Kelantan memang terkenal sebagai lubuk orang-orang sastera dan seni, saya pun mengambil inisiatif menubuhkan Persatuan Penyair Malaysia Cawangan Kelantan yang dipengerusikan oleh Cikgu Abdullah Awang. Exco Seni Budaya di Kelantan sangat aktif dan mesra bercampur dengan penggiat seni, maka molek benar bantuan dana kepada setiap penggiat seni seharusnya diuruskan dengan lebih baik kerana dengan adanya dana yang mencukupi, aktiviti seni sastera akan lebih bergemerlapan di persada bumi Tanah Serendah Sekebum Bunga ini.

**Qiadah: Pada hemah Dato' bagaimakah sejarah kegemilangan Kelantan purba wajar dipugar agar semua rakyat sedar bahawa leluhur kita bukan calang-calang gerangannya?**

Dato' Dr. Radzuan: Sejarah negeri Kelantan dengan keberanian dan kekekalan raja-raja, para ulama dan pejuangnya sudah terpahat kukuh dalam pengetahuan masyarakat awam melalui cerita lisan. Harapan saya, negeri tercinta Kelantan akan terus mempertahankan seni budaya tradisional yang menjadi khazanah bangsa untuk diwarisi generasi yang akan datang. Pembangunan tradisi bangsa akan lebih mantap dan bermakna sekiranya beserta roh dan semangat. ■





### SKIM BANTUAN IMAM AL-GHAZALI SIRI 11

Perbadanan Menteri Besar Kelantan (PMBK) merupakan sebuah agensi kerajaan yang dipertanggungjawabkan untuk memajukan ekonomi negeri Kelantan melalui projek-projek pembangunan infrastruktur, industri, perumahan, perniagaan dan juga kebaikan rakyat di negeri Kelantan. Bagi menyempurnakan lagi fungsi penubuhan PMBK yang mengutamakan prinsip berkebajikan rakyat selaras dengan dasar yang diamalkan oleh kerajaan negeri, PMBK mengambil tanggungjawab untuk membela nasib pelajar-pelajar yang mempunyai potensi cemerlang dalam bidang akademik.

Skim Bantuan Imam Al-Ghazali merupakan satu program tanggungjawab sosial berupa bantuan kepada pelajar terpilih yang cemerlang dalam PT3 di bawah kelolaan Yayasan Islam Kelantan (YIK) dan memenuhi kriteria tambahan yang telah ditetapkan oleh pihak PMBK. Program ini merupakan cetusan idea Allahyarham Tuan Guru Dato' Bentara Setia Hj Nik Abdul Aziz Nik Mat, mantan Menteri Besar Kelantan yang telah dilancarkan pada 02 Jamadil Akhir 1430 bersamaan 27 Mei 2009. Bantuan ini diberikan selama dua tahun kepada pelajar yang telah dipilih oleh pihak YIK.

Pada 15 April 2019, bertempat di Dewan Maahad Muhammadi Pasir Pekan, telah berlangsung Majlis Penyampaian Skim Bantuan Imam Al-Ghazali siri ke-11 yang disempurnakan oleh Ustaz Dato' Bentara Kanan Menteri Besar Kelantan. Seramai 75 orang pelajar baharu telah dipilih untuk menerima bantuan ini. Bermula tahun ini, bantuan tersebut telah dinaikkan daripada RM50 kepada RM80 setiap bulan. Sehingga 2019, seramai 750 orang pelajar telah menerima manfaat program ini.

Diharapkan dengan adanya bantuan sebegini, dapat membantu pelajar-pelajar yang berpotensi cemerlang untuk mencapai keputusan yang lebih cemerlang pada masa akan datang. ■

Gambar kenangan sempena program Skim Bantuan Imam al-Ghazali Siri ke-11



Majlis dimulai dengan bacaan doa oleh Ustaz Baharuddin.

Timbalan pengarah YIK menyampaikan kata alu-aluan.



Sesi bergambar pelajar cemerlang dan pelajar muslimin bersama Menteri Besar Kelantan.



Gambar kenangan pelajar muslimat bersama Menteri Besar Kelantan.



Ustaz Mohd Muhaimin mengetual bacaan al-Quran.

# MAJLIS KHATAM AL-QURAN & USRAH PERDANA

Meraih kemuliaan hidup dengan al-Quran

Oleh: Shariah Derahman Foto: Ahmad Naime Muhammad

Sudah menjadi kelaziman warga kerja PMBK memulakan hari dengan membaca al-Quran yang diketual oleh Ustaz Mohd Muhaimin Mazlan disusuli dengan bacaan doa agar urusan pekerjaan sehari-hari diper mudahkan oleh Allah SWT. Pada pukul 8.45 pagi, al-Quran akan dialunkan oleh Ustaz Mohd Muhaimin yang akan dilikuti oleh semua warga kerja di bangunan PMBK.

Tepat pada 23 Jamadil Akhir 1440 bersamaan 28 Februari 2019, telah sempurna 114 surah dibaca. Maka Majlis Khatam al-Quran telah diadakan pada 07 Mac 2019 bertepatan dengan malam Jumaat 1 Rejab 1440. Majlis ini diadakan bersekali dengan usrah yang menjadi rutin setiap dua bulan sekali.

Majlis bermula pada pukul 6.45 petang dengan kehadiran warga kerja PMBK bersama ahli keluarga masing-masing dan dimulai dengan solat Maghrib berjemaah, disusuli dengan khatam al-Quran beramai-ramai dengan membaca surah-surah lazim bermula Surah Dhuha yang dipimpin oleh Ustaz Mohd Muhaimin.

Majlis diteruskan dengan solat Isyak berjemaah yang diimamkan oleh Ustaz Najid Abdullah dan seterusnya usrah yang bertajuk "Meraih kemuliaan hidup dengan al-Quran" yang disampaikan oleh Ustaz Saibon Ismail.

Majlis diakhiri dengan sedikit jamuan ringan untuk warga kerja yang hadir. Pada kesempatan ini, warga kerja PMBK mengambil peluang beramah mesra disamping mengeratkan silaturahim yang telah terjalin antara ahli keluarga. ■



Bulatan menunjukkan kesepakatan.



Muslimat berserta anak-anak turut serta mengalunkan bacaan al-Quran.

Anak-anak warga kerja turut terlibat dalam bacaan ayat suci al-Quran.



Gelagat anak kecil yang menceriakan majlis ini.



Warga kerja yang hadir sama-sama mengaminkan doa agar segala urusan dipermudahkan oleh Allah SWT.



Ustaz Saibon menyampaikan tazkirah tentang al-Quran.



Khusyuk mendengar tazkirah yang disampaikan.



Goodies disediakan kepada anak-anak yang hadir.





# INOVASI BECA KELANTAN

## INSTRUMEN ELEKTRIK SEBAGAI SENTUHAN KEMODENAN

Oleh: Mahadi Mokhtar Foto: Ahmad Naime Muhammed

Beca atau lebih dikenali sebagai "teksi roda tiga" dalam kalangan penduduk Kelantan merupakan salah satu keunikan budaya Kelantan. Ia pernah melalui zaman kegemilangan suatu masa dahulu dan menjadi pengangkutan utama yang menjadi lambang kebanggaan dan kemewahan penduduk Kelantan terutama bandar Kota Bharu.

Zaman berganti lalu meninggalkan beca dengan kayuhan yang meletihkan. Namun dek kerana ia seloah budaya yang ikonik dengan negeri "Tanah Serendah Sekebun Bunga", beca masih bernafas walau dengan denyutan nadi yang agak perlahan. Sementelah kebanyak pengayuh beca merupakan warga emas berusia 59 hingga 71 tahun dan hanya 45-50 pengayuh beca yang masih aktif di sekitar Kota Bharu jika diukur berdasarkan rekod pendaftaran Pusat Penerangan Pelancongan Negeri Kelantan (TIC).

Penggunaan beca hari ini di sekitar bandar Kota Bharu pula adalah terhad untuk menghantar barang basah serta borong dari pasar Siti Khadijah, bazar-bazar sekitar termasuk Bazar Tok Guru dan beberapa destinasi

tertentu sahaja. Penggunaannya amat terhad dan penumpangnya juga selain barang adalah warga emas.

Namun demikian, atas faktor sejarah dan budaya, kerajaan negeri Kelantan telah mengambil beberapa inisiatif baharu bagi menghidupkan kembali kemeriahinan aktiviti beca ini sebagai salah satu tarikan pelancong. Inisiatif baharu yang diperkenalkan akan membantu meringankan beban para pengayuh beca iaitu dengan menaik taraf beca yang sedia ada kepada beca elektrik.

Menerusi kerjasama antara TIC dan Kelantan Utilities Mubaarakah Holdings Sdn Bhd (KUM), sebuah anak syarikat milik penuh Perbadanan Menteri Besar Kelantan, kerja-kerja menaik taraf beca yang sedia ada kepada beca elektrik telah dilaksanakan dengan jayanya bermula 4 hingga 9 Jun 2018. Sebanyak 10 beca yang telah dipilih untuk dinaik taraf pada peringkat pertama. Keunikan beca elektrik ini ialah masih mengekalkan ciri-ciri budaya dan tradisional walaupun dilengkapi dengan motor dan bateri yang boleh dicas.



Pada 4 Julai 2018, Menteri Besar Negeri Kelantan, Ustaz Dato' Bentara Kanan Haji Ahmad Yakob bersama Pengerusi Jawatankuasa Perpaduan Masyarakat, Kebudayaan, Warisan dan Pelancongan, Mejar (B) Dato' Md. Anizam Ab Rahman menaiki beca elektrik dari Kompleks Kota Darulnaim ke bangunan PMBK sebagai gimik prapelancaran beca elektrik.

Maklum balas yang diterima oleh para pengayuh beca adalah sangat memberangsangkan. Dengan adanya ciri-ciri moden ini, ia dapat memudahkan dan mengurangkan beban para pengayuh di samping meningkatkan kecekapan mereka.


Ia juga dapat mengurangkan tempoh perjalanan dan menambah kekerapan perjalanan para pengayuh. Pendapatan para pengayuh beca juga telah meningkat terutamanya pada hari minggu dan cuti sekolah. Dengan publisiti yang meluas, kebanyakan penduduk tempatan dan juga para pelancong terdorong ingin mencuba menaiki beca tradisional yang dilengkapi dengan motor elektrik ini.

Pada 13 Mac 2019, Timbalan Menteri Besar, Dato' Haji Mohd Amar Abdullah bersama Mejar (B) Dato' Md. Anizam Ab Rahman telah menaiki beca elektrik yang baharu dan dicadangkan akan dibekalkan kepada pengayuh beca generasi muda di negeri ini.

Di samping itu, pihak TIC bersama KUM akan mengenal pasti sekiranya terdapat beca sedia ada yang sesuai untuk dinaik taraf menjadi beca elektrik. Diharap ia dapat merancakkan lagi penggunaan beca sebagai salah satu daya tarikan pelancong di negeri Kelantan. ■



4 Julai 2018 - Menteri Besar Negeri Kelantan menaiki salah satu beca yang telah dinaik taraf menjadi beca elektrik semasa prapelancaran beca elektrik.



13 Mac 2019 - Timbalan Menteri Besar Kelantan menaiki beca baharu semasa pelancaran beca elektrik.

SEMINAR  
**KELESTARIAN  
BUDAYA  
INTEGRITI  
DALAM KERJAYA**

Oleh: Shariah Derahman

Foto: Ahmad Na'im Muhammad



Integriti secara umumnya adalah kualiti unggul, etika dan nilai-nilai murni yang wujud secara keseluruhan pada individu dan sesebuah organisasi. Ianya juga membawa maksud kejujuran, ketelusan dalam melaksanakan amanah dan tanggungjawab. Penghayatan integriti juga sejajar dengan tuntutan Islam yang mengajar umat-Nya supaya jujur dan telus dalam menjalankan tugasannya.



Namun, hakisan nilai integriti dalam kalangan penjawat awam akan menyebabkan kepincangan pentadbiran dan salah laku dalam sesebuah organisasi.

Sehubungan dengan itu, Perbadanan Menteri Besar Kelantan (PMBK) telah mengadakan satu program Seminar Kelestarian Budaya Integriti Dalam Kerjaya melibatkan semua warga kerja PMBK dan pengurusan tertinggi anak-anak syarikat bagi memberi kesedaran serta memupuk nilai-nilai integriti dalam diri warga kerja untuk diperlakukan dalam kerja yang telah diamanahkan. Ini kerana integriti di dalam sesebuah organisasi tidak akan berjaya dilaksanakan jika dijalankan berseorangan dan tidak mendapat sokongan secara berkumpulan.

Seminar tersebut telah diadakan pada 23 Syaaban 1440 bersamaan 29 April 2019 bertempat di Dewan Konvensyen, Kelantan Trade Centre, Kota Bharu, Kelantan dan disampaikan oleh Mohd Firdaus Ramli (Naib Presiden 5 Malaysian Corruption Watch) yang berkongsi pengalaman hidupnya yang pernah disabitkan dengan kesalahan rasuah ketika bertugas sebagai Majistret sehingga membawa dirinya ke tirai besi.

Dengan adanya seminar tersebut, warga kerja akan memperolehi penghayatan makna di sebalik sebuah kerjaya dan menghargainya sebagai jalan untuk meningkatkan kredibiliti diri dan seterusnya menjadi seorang pekerja yang cemerlang berintegriti. ■





# *Cahaya Kasih* **RAMADAN** **SANTUNI JIWA RAKYAT**

Oleh: Siti Norazami Mohamed Anuar

Foto: Ahmad Na'the Muhammad

Kedatangan bulan Ramadan sangat dinantikan oleh setiap mukmin kerana banyak kelebihan dan ganjaran yang dijanjikan oleh Allah SWT, antaranya ganjaran bersedekah. Sedekah adalah sesuatu pemberian yang dilakukan dengan ikhlas bertujuan untuk mendekatkan diri kepada Allah SWT. Ianya tidak terbatas kepada menghfakkan wang atau harta di jalan Allah sahaja, malah bantuan berbentuk tenaga, sokongan moral dan psikologi juga adalah dikategorikan sebagai sedekah.



Sempena bulan yang mulia, Perbadanan Menteri Besar Kelantan (PMBK) turut terpanggil mengambil peluang untuk menginfakkan kepada golongan asnaf yang memerlukan sempena bulan Ramadan 1440. Pada 28 Ramadan 1440 bersamaan 02 Jun 2019 bertempat di Masjid Mahmudi, Bachok telah berlangsung program penyampaian sumbangan, Cahaya Kasih Ramadan yang merupakan salah satu tanggungjawab sosial korporat PMBK.



Seramai 150 penerima yang terdiri daripada tiga DUN (Dewan Undangan Negeri) iaitu Tawang, Pantai Irama dan Jelawat telah menerima manfaat sumbangan daripada pengajuran program ini. Antara jemputan yang turut hadir ialah Ahli Parlimen Bachok, Ustaz Nik Abdur Nik Abdul Aziz, Dato' Haji Hassan Mahmood, ADUN Tawang dan Haji Abdul Aziz Kadir, ADUN Jelawat. Pada majlis tersebut, penerima telah menerima sumbangan wang tunai dan barang keperluan untuk menyambut Aidilfitri. ■



Gambar kenangan warga kerja PMBK pada sambutan Hari Raya Aidilfitri 1440H.

# Seindah SYAWAL

Oleh: Siti Norazmi Mohamed Anuar

Foto: Ahmad Na'im Muhamad

Sempena bulan Syawal yang mulia, Perbadanan Menteri Besar Kelantan (PMBK) dan kumpulan mengadakan Majlis Sambutan Hari Raya Aidilfitri yang berlangsung pada 25 Jun 2019 bersamaan 21 Syawal 1440. Majlis tersebut yang diadakan di perkarangan PMBK dihadiri oleh hampir 1,000 tetamu jemputan.

Kemeriahkan sambutan majlis hari raya kali ini tidak hanya pada kepelbagaian hidangan makanan, malah majlis turut diselitkan dengan pertandingan gerai tercantik yang telah dimenangi oleh PMBK Development Sdn. Bhd. Hadiah disampaikan oleh Ketua Pegawai Eksekutif Kumpulan (KPEK) PMBK.

Antara tetamu-tetamu jemputan yang hadir memeriahkan majlis adalah Menteri Besar Kelantan, beberapa exco kerajaan negeri serta rangkaian kenalan PMBK. Majlis yang turut diserikan dengan irungan lagu-lagu raya berlangsung dengan meriah dengan kehadiran tetamu ke majlis tersebut.



KPEK dan sebahagian Pengurus PMBK bergambar bersama tetamu VIP.



Kelantan Gold Trade Sdn. Bhd. & PMBK Az-Zahab Sdn. Bhd.



PMBK Development Sdn. Bhd.



Majaari Services Sdn. Bhd.



Kifaalah Sdn. Bhd.



Kelantan Biotech Corporation Sdn. Bhd. & Biotajmeel Cosmeceutical Sdn. Bhd.



Air Kelantan Sdn. Bhd.



Kelantan Utilities Mubaarakan Holdings Sdn. Bhd.



Sebahagian tetamu yang hadir memeriahkan sambutan Hari Raya Aidilfitri PMBK & Kumpulan.



PMBKD sebagai johan bagi pertandingan gerai tercantik.



Kambing golek di gerai KUM paling mendapat sambutan.



Potong dan agih daging kambing kepada tetamu.



KBC & BTC menyediakan tujuh jenis air minuman.



Hiasan gerai AKSB bertemakan "kampung".



Antara barisan editorial Qiadah.



Hidangan sate dan nasi himpit di gerai PMBK.

[www.pkink.gov.my](http://www.pkink.gov.my)



بِسْمِ اللّٰهِ الرَّحْمٰنِ الرَّحِيْمِ  
PERBADANAN KEMAJUAN  
IKTISAD NEGERI KELANTAN



Syarikat  
Kumpulan :



## MOTO

“Penggerak Pembangunan Ummah”

## MISI KORPORAT

Sebuah badan korporat yang bertanggungjawab dalam menerajui pembangunan dan pertumbuhan ekonomi negeri Kelantan, berlandaskan prinsip-prinsip Islam untuk kesejahteraan ummah.

Tel : 097414141

Faks : 097414140

[pkink@pkink.gov.my](mailto:pkink@pkink.gov.my)

Perbadanan Kemajuan Iktisad Negeri Kelantan



Bangunan PKINK,

Peti Surat 142,

Jalan Tengku Maharani,

15710 Kota Bharu, Kelantan.

# TEROWONG MASA TIME TUNNEL

Sumber dan foto ehsan daripada Perbadanan Muzium Kelantan.

## PASAR BESAR KOTA BHARU

1927 - 1965

Pasar Besar Kota Bharu pada tahun 1940-an di Jalan Hilir Pasar sekarang. Kelihatan deretan beca roda tiga yang merupakan jenis pengangkutan utama pada masa itu.

*Kota Bharu Central Market building in 1940's. The photo feature a straight row of trishaws that is the main transportation used that time.*





## PASAR MPKB

1966 - 2011

Pasar MPKB ini mempunyai hampir 50 buah gerai makan dan dibahagian atas pula mengandungi hampir 300 unit kedai. Terkenal dengan jualan kuih-muih tradisional, makanan kering dan pakaian.

*MPKB market has almost 50 food stalls and at the top floor contains almost 300 shops. Known for the sale of traditional snacks, dry foods and clothes.*



## KOTA BHARU CITY POINT

2012

Kini Kota Bharu City Point merupakan sebuah bangunan bercampur, aras bawah dibangunkan lot-lot kedai dan aras atas pula didirikan ke diaman jenis pangsapuri dan studio.

Today stand Kota Bharu City Point as a mixed building, the lower floor is for shops and upper floors are apartments and studios.



# WADI IMAN PMBK II

PASIR GENDA, TANAH MERAH, KELANTAN

*Perumahan Kami, Impian Anda*

PEJABAT URUSAN:

Tingkat 4, Bangunan PMBK, Jalan Kuala Krai,  
15050 Kota Bharu, Kelantan.

TEL: 09-747 8808 | FAKS: 09-747 7815



[www.pmbk.gov.my](http://www.pmbk.gov.my)



Wadi Iman

BANGLO  
(12 UNIT)



① HUBUNGI: 09-747 4082 | 013-907 3209 | 013-981 0054

NO. LISEN PEMAJU:

NO. LISEN PERMIT IELAN & JUALAN :

JENIS PEGANGAN TANAH : HAK MILIK KEKAL

BERANAN TANAH : TIADA

NAMA PEMAJUAN PERUMAHAN : WADI IMAN PMBK II

TARIKH SIAP : DISEMBESER 2021

TEMPOH SAHLAKU :

TEMPOH SAHLAKU :

JENIS RUMAH

RUMAH SESEBUAH

RUMAH BERKEMBAR

HARGA JUALAN MINIMUM

RM428,500

RM295,000

HARGA JUALAN MAKSIMA

RM430,000

RM302,500

BIL. UNIT

12 UNIT

2 UNIT

NAMA PIHAK BERKUASA YANG MELULUSKAN PELAN BANGUNAN : MAJLIS DAERAH TANAH MERAH, KELANTAN

NO. Rujukan : MOTM/OSC/PB/18/142

TARIKH : 11/12/2018



## SEMI-D (2 UNIT)



KEDIAMAN  
HAK MILIK KEKAL



SETIAP BILIK  
MEMPUNYAI BILIK AIR



PEMBINAAN TELAH  
BERMULA



5KM KE BANDAR  
TANAH MERAH



3.5KM DARI SMK  
TANAH MERAH 2



BERDEKATAN HOSPITAL  
DAN BALAI POLIS

## **DASAR PENDIDIKAN KEBANGSAAN**

Pendidikan di Malaysia ialah satu usaha berterusan ke arah memperkembangkan lagi potensi individu secara menyeluruh dan bersepadu untuk mewujudkan insan yang seimbang dan harmonis dari segi intelek, rohani, emosi dan jasmani berdasarkan kepercayaan dan kepatuhan kepada Tuhan. Usaha ini adalah bagi melahirkan rakyat Malaysia yang berilmu, bertanggungjawab dan berkeupayaan mencapai kesejahteraan diri serta memberi sumbangan terhadap keharmonian dan kemakmuran masyarakat dan negara.

## **DASAR PENDIDIKAN NEGERI**

Sejarah Pendidikan Islam di Kelantan bermula seawal tahun 1820-an bermula dengan pembukaan pondok. Ianya terus maju dan berkembang sesuai dengan perubahan masa dan peredaran zaman. Sehingga kini, satu agensi kerajaan iaitu Yayasan Islam Kelantan (YIK) telah diberi amanah dan tanggungjawab untuk memastikan kelangsungan pendidikan di Kelantan terutama Pendidikan Islam sesuai dengan wawasan kerajaan negeri iaitu Membangun Bersama Islam.

## **DASAR PENDIDIKAN RABBANI**

Pendidikan di Kelantan adalah satu sistem yang berteraskan konsep rabbani dengan melaksanakan pendidikan sepanjang hayat, bersepadu, menyeluruh dan seimbang untuk melahirkan insan yang berkeperibadian 'ibad (hamba Allah) dan khalifah yang mampu memberi manfaat kepada negara dan ummah serta alam sarwajagat demi mencapai kesejahteraan dunia dan akhirat.

